


373

2-72



373

Ղ-72

ԱՐՄԷՆ ՂԼՏՃԵԱՆ  
(Գոլթսոս Իրանստանի)

# ՊԵՏԱՐԻԹԻՒՆ

ԱՆԷՔՍԱՆԴՐԱՊՈՒԼԻ ՀԱՅՈՑ

ՀՈԳԵԻՈՐ ԿԻՃԱԿԱՅԻՆ

Պ Պ Ր Ո Յ Ի

(1840—1912)



Հրատարակութիւն Նոյն զգրոցի

ԱՆԷՔՍԱՆԴՐԱՊՈՒ

Յարաւն Յ. Սահայեանցի

1912

ՅՈՒՆԻՍԿՈՒՊ ԱՄՆ  
81 MAR 2010

ԱՐՄԷՆ ՂԼՏՃԵԱՆ  
(Գոխար իրաւարանութան)

373  
2-72  
47

# ՊԵՏԱԿԱՆ ԳՐԱԴԱՐԱՆ

## ԱԼԷԲՍԱՆԴՐԱՊՈԼԻ ՀԱՅՈՑ

ՀՈԳԵԻՈՐ ՎԻՃԱԿԱՅԻՆ

Գ Գ Ր Ո Ց Ի


(1840—1912)

1004  
31714



428

Հրատարակութիւն նոյն դպրոցի



ԱԼԷԲՍԱՆԴՐԱՊՈԼ

Յալաւան Գ. Սահեյանցի

1912

19 JUN 2013

### ԱՌԱՋԱԲԱՆԻ ՏԵՂ

Ս. Փրկչի վիճակային դպրոցի հոգաբարձութիւնն 1911 թ. նոյեմբերի 4-ին իր 12-րդ նիստում լսելով դպրոցիս տեսչի զեկուցումը, որոշեց՝ ի նկատի ունենալով այն կրթական-կուլտուրական դերը, որ մեր վիճակային դպրոցն անա մօտ հօթանասուն տարի է կատարում է մեր հասմնաց գաւառում, տօնել դպրոցական այդ պատկառելի դարաշրջանը պատշաճաւոր եղանակով: Յորեւեան տօնելու ժամանակի մասին հոգաբարձութիւնն յանգաւ այն եզրակացութեան, որ ամենից յարմարն է ներկայ ուսումնարանական տարւայ վերջին՝ 1912 թ. մայիս ամսին կատարել այն:

Ի նկատ ունենալով մեր դպրոցի նշանակութիւնը, ցանկալի համարուեց որքան հնարաւոր է, այդ տօնը կատարել շքով և այն ձևով, որ հասարակական լայն խաւերը մասնակցութիւն ունենան նրան:

Աչքի առաջ ունենալով, որ մեր քաղաքի մէջ և քաղաքից դուրս սաւար թւով համաքաղաքացի ինտելիգենտ ուժեր կան, ինչպէս և նախկին սաներ մեր դպրոցի, առանձնապէս հոգ տանել, որ նորա գործնական մասնակցութիւն ունենան ոչ միայն հանդիսին, այդ քիչ է, այլ յատկապէս այդ տօնը կազմակերպելուն և կատարելուն:

Հոգաբարձական ժողովն առանձնապէս խորհրդածութեան նիւթ դարձրեց մեր դպրոցի դերը շօշափելի կերպով հասարակութեանը պարզելու խնդիրը: Ի նկատ առնելով, որ մեր դպրոցի դերը հասարակութեանը պարզելու լաւ միջոցներից մէկն է դպրոցիս պատմութիւնը, որ հանդէս պիտի բերի վիճակային դպրոցն իր 70 տարւայ գոյութեամբ, որոշեց յանձնարարել դպրոցիս—տեսչին, ներկայ տողերը

գրողին—կազմել մեր դպրոցի համառօտ պատմութիւնը: Դրա հետ միաժամանակ յանձնարարւեց, որ տեսուչը մանկավարժական ժողովի հետ կազմէ յորելիանական ծրագիրը գրական երաժշտական բաժնով:

Նախնական այս որոշումներից յետոյ ձեռնարկեց գործի: Ամենքն անցան իրենց դերի գլուխը, որի մանրամասնութիւնը ընթերցողը կը կարգայ ներկայ պատմութեան համապատասխան մասում:

Յատկապէս դպրոցիս պատմութիւնը կազմակերպելիս, հանդիպել ենք մենք մեծ դժւարութիւնների: Մեզ համար շատ մանրամասնութիւններ դպրոցիս նախնական-սկզբնական շրջանից մնացին անորոշ, մութ: Հարկաւոր վաւերաթղթերը, որ մենք բնականօրէն պիտի որոնէինք տեղիս դպրոցների դիւանում ու Ալէքսանդրապօլի հոգևոր կառավարութեան ու յաջորդարանի գործերի մէջ, յատկապէս 40-ական և 50 թւականների վերաբերմամբ, չգտանք մենք: Նոքա ոչնչացած և անհետ կորած են:

Դեռ 1906 թւին երբ ես պաշտօնավարում էի այս Ալէքսանդրապօլի փոխանորդութեան մէջ, կային մի քանի հին գործեր նաև Չախալ օղլի Ստեփան արքեպիսկոպոսի ժամանակներից: Այդ նոյն թւականին ես գրադւած էի այն խնդրի քննութեամբ, թէ այն հողաբաժինը, որի վրայ շինւած են Ալէքսանդրապօլի փոխանորդական բնակարանը, հոգևոր կառավարութիւնը, աթոռապատկան կրպակները, վիճակային նախկին դպրոցի տեղը ու նրա ետևի խանութների շարքը ձևն է պատկանում, ձև է տրւած: Այս խնդիրն անհրաժեշտ էր պարզել, որոշելու համար այն իրաւունքները, որ ունէին վիճակային հին դպրոցն ու Աստուծածին եկեղեցին այդ տեղի վրա: Այդ նոյն թւում մտածում էի ես ձեռնամուխ լինել դպրոցական մի շէնքի կառուցմանը, որի յատկագիծն իր ներքին կրպակներով արդէն պատրաստ էր, շնորհիւ Արղութեան դպրոցի հոգաբարձութեան:

Ահա այդ խնդիրների լուսարանութեան համար հարկադրւած էի ես հոգևոր կառավարութեան գործերը քրքրել, ուր և քանի մի կցկտուր տեղեկութիւններ գտայ թէ հին յաջորդարանի շինութեան մասին և թէ նոյն գաւթում (ներկայ յաջորդարանի գաւթում) քանի մի սենեակների կա-

ռուցման մասին: Սրանից պարզ է, որ եթէ ես վիճակային դպրոցի սկզբնաւորութիւնը 1840 թրին եմ դնում, դա հոգևոր կառավարութեան գործերից քաղած իմ տեղեկութիւնների շնորհիւ է: Չլինէին այդ տեղեկութիւնները, հնարաւոր չէր լինիլ վիճակային դպրոցի սկզբնական շրջանի մասին որոշ բան ասել, ու պնդել, թէ նա այս կամ այն թւին է հիմնւած: Աւելի պակաս կարող էինք մենք վիճակային հին դպրոցի տեղի ձև պատկանելու մասին խօսել, ինչպէս և այն եկամուտների, որով այդ դպրոցն էր կառավարւում:

Մեզ հետաքրքրում էր խիստ կերպով նաև դպրոցի տնտեսական վիճակը իր սկզբնական շրջանում: Այդ տեսակ տեղեկութիւններն հարկաւոր էին մեզ մի քանի կարևոր խնդիրներ լուծելու համար: Մեծաւ մասամբ մեզ պակասում էին պաշտօնական վաւերաթղթեր այդ առթիւ, ու այն էլ ինչ որ արւել է ակնարկածս խնդիրները լուծելու համար, արդիւնք է մեծ որոնումների:

Վիճակային հոգևոր դպրոցի այս պատմութիւնը կարդացողը թող գիտնայ որ սրա որոշ մասերը, տեղ տեղ լրիւ չեն ոչ այն պատճառով, որ այս պատմութիւնը գրողը չի ուղեցել լրիւ մի պատմութիւն տալ, այլ այն պատճառով, որ նոքա ինչպէս արդէն ասել եմ, ոչնչացած են: Այստեղ այդ առթիւ կարևոր եմ համարում հետևեալն ասել. 1909 թւին տեղիս հոգևոր կառավարութիւնը հրաման է ստանում այրել հին գործերը, նոցանից կարևորները պահելով: Ալէքսանդրապօլի այդ կառավարութիւնն այրել է և ոչնչացրել է ոչ միայն իր ատեանի գործերը, այլ նաև գործեր, որ պատկանելիս են եղել հոգևոր դպրոցին և որոնք տրւած են եղել իրեն պահ: Այդ գործերի հատ ու կտորներ ժամանակի ընթացքում գտնւել են այս ու այն մսագործի և մանրավաճառի մօտ՝ իբր միս և ապրանք փաթաթելու թուղթ: Դատապարտելի այս ընթացքի որակումը թող անէ հասարակութիւնը:

Այստեղ կարևոր եմ համարում յիշել, որ այս պատմութիւնն իբր մի դպրոցի հրատարակութիւն, տպագրութեան է տրւել ոչ այլ կերպ, քան դպրոցիս հոգաբարձական ժողովում նախապէս կարգալուց և հաւանութիւն տալուց յետոյ:

Այստեղ պարզ եմ համարում անկեղծ շնորհակալութիւնս յայտնել այն անձանց և հիմնարկութիւններին, որոնք նպաստեցին ներկայ պատմութիւնը գրելիս՝ իրենց տւած տեղեկութիւններով և խորհուրդներով:

ԱՐՄԷՆ.

1912 թ.  
Ալէքսանդրապօլ

## Ն Ե Ր Ա Մ Ո Ւ Թ Ի Ի Ն

Նախքան թէ կանցնէի բուն խնդրին, թող ներքի ինձ մի շեղումս անել, ու պարզել միջավայրային մի քանի խնդիրներ:

Ամենից առաջ պիտի ասենք, որ Ալէքսանդրապօլը մի նոր՝ հազիւ 81 տարւայ քաղաք է: Նա հիմնւել է անցեալ դարի երեսնական թւականների սկզբներին հին Գիւմրի գիւղին կից, ուր նախքան գաղթական հայերի տեղ բռնելը բնակելիս են եղել նաև թուրքեր: Նոցա տներն եղել են ներկայ կաթոլիկաց թաղում ու դէպի վեր — հիւսիս տարածւած:

Հայ գաղթականութիւնը — Ալէքսանդրապօլի յետագայ բնակչութիւնը — չի կազմւած եղել միապաղաղ տարրերից: Նա բաղկացած է եղել երեք ամբողջական հատւածներից. մեծը՝ Ղարսի գաղթականներ, երկու փոքրերը՝ Կարինի և Բայազիտի: Դեռ այժմ էլ կարելի է մատնանշել հայկական տարբեր բնագաւառների այդ երեք ուրոյն տիպի և խառնւածքի տէր գաղթականներին: Մինչ փոքրաթիւ Կարնեցիք համարեա ձուլւել են Ղարսեցիների հետ, Բայազիտցի (Բայազցի, ինչպէս մեզնում ասում են) գաղթականներին այսօր էլ դեռ կարելի է խիստ

կերպով որոշել: Էրզրումցին մեղմ թոյլ, աւելի մեծ քաղաքի—մեր միջավայրի առմամբ մայրաքաղաքի—տիպ է, շուտ ձուլւող: Իրան հակառակ Ղարսցին ու Բայազիտցին աւելի կուպիտ, թէ կուզէք, բիրտ, դիմացկուն տիպ է, տիպական-ցեղական յատկանիշները երկար պահող, բայց միևնոյն ժամանակ նոր, թարմ, առողջ տիպ: Մեր բնակչութեան մէջ առանձնապէս աչքի էին ընկնում իրենց, եթէ այսպէս կարելի է ասել, անտաշութեամբ Բայազիտցոց տիպը ու իրենց միամիտ - պարզութեամբ Ղարսեցոց տիպը:

Համառօտ գծերով, ահա այսպիսի էտնոգրաֆիական միջավայր էր ներկայացնում Ալէքսանդրապօլն իր հիմնման հէնց սկզբում, եթէ դրա վրայ չաւելացնենք նորեկ մանր այլ տարրեր, որոնք ընդհանուր այդ երեք մեծ հատւածների դիմաց շատ փոքր միաւորներ էին, որ կարողանային մեր քաղաքի ազգագրական գունաւորման վրա որևէ ազդեցութիւն ունենալ:

Ինչպէս ասացի, քաղաքի հիմնման հէնց սկզբին բնակչութեան գերակշռող տարրը Ղարսի գաղթականներն էին ուստի և շատ բնական է, որ նոքա էլ առաջնակարգ դեր խաղային քաղաքի կեանքի մէջ: Տիգրանեաններ, Բաբայեաններ և այլն քաղաքի հէնց հիմնման օրից սկսած նոր համայնքի մէջ ղեկավարներն են եղել:

Ինչպէս յետագայում կտեսնենք, արդէն անցեալ դարի վաթսուական թւականներին, բայց նամանաւանդ յետագայ տասնամեակում

հասարակական աւպարէզ է մտնում մի նոր սերունդ: Այդ նոր սերունդը բուն Ալէքսանդրապօլցին է արդէն, ու իբր այդպիսին, նա խառնուրդ է զաղթական երեք տարրերի: Եթէ մենք ուզենանք բնորոշել այդ Ալէքսանդրապօլցուն, բայց յատկապէս եօթանասունական ու ութսունական թւականների սերունդներին, մենք այնտեղ հասարակական յատուկ խիստ շերտաւորութիւններ չենք գտնիլ: Այդ սերունդը իր բնաւորութեամբ, բայց նամանաւանդ իր խառնւածքով, իր հասարակական—ազգային մտածելակերպով ու իդէալներով ունի մի ընդհանուր անուն, — ազգային խնդիրների, ազգային ներքին կեանքի դիմաց հայրենասէր և զրտարիւն ազգասէր. ընդհանուր առմամբ պահպանողական. խիստ պահպանողական է եղել նաև դէպի իր ազգային եկեղեցին: Հաւատարիմ հին ազգային աւանդական կարգերին, պահպանողական լինելով հանդերձ, ձգտել է իր ներքին ազգային—հասարակական գործերը կառավարել սահմանադրական կարգերով: Ալէքսանդրապօլցի թէ հին և թէ նոր պահպանողական սերունդների համար սրբազործւած մի սկզբբունք է ընտրական ժողովրդական սկզբունքներով կառավարել, օրինակ դպրոցները, եկեղեցական գոյքը և այլն:

Այդ հողի վրայ Ալէքսանդրապօլցին ընդհարումներ շատ է ունեցել իր ազգային հիմնարկութիւնների գոյութեան ընթացքում, թէ հրնումը և թէ նորերումս: Իեռ մեր յիշողութեան մէջ շատ թարմ է Արդութեան դպրոցի և ուստւածածին եկեղեցու ծխական հոգաբարձու-



թեան պայքարն Երևանի թեմական իշխանու-  
թեան կարգադուլթեան դէմ, և թեմակալի հրա-  
մանով ապօրինի և անիրաւունք կերպով ծխա-  
կան այդ հոգաբարձութեան արձակելու դէմ:

Իզմիրլեան կաթողիկոսի միջամտութեամբ  
լուծեց այդ խնդիրը յօգուտ ժողովրդական  
սկզբունքի. Ալէքսանդրապօլցին պաշտպանեց իր  
իրաւունքը, ծխական հոգաբարձութիւնը մնաց  
իր պաշտօնում:

Այսպէս է եղել Ալէքսանդրապօլում, կրկ-  
նում եմ, նոքա մնալով պահպանողական, միշտ  
էլ թանգ են գնահատել իրենց ինքնավար իրա-  
ւունքները:

Ալէքսանդրապօլցին գուրկ չէ եղել և քա-  
ղաքական իր իդէալներով, որ խիստ զուտր ազ-  
գայնական հայրենասիրական է եղել: Նրա քա-  
ղաքական ձգտումների հորիզոնը, սակայն, ու-  
նեցել է շատ յայտնի սահմաններ: Ռուս յաղ-  
թական զօրքերի շնորհիւ թիւրքական արիւնա-  
լից կարգերից նոր ազատւած, նա վայելում էր  
իր նոր հայրենիքում այն բոլոր քաղաքացիական  
ազատութիւններն ու իրաւունքները, որ նրան  
տալիս էին ոռուս պետական օրէնքներն ու պե-  
տական կենտրոնական իշխանութիւնը: Նոքա  
տիրապետութեան այդ փոփոխութեամբ դա-  
ռան ոռուս քաղաքացիների հետ հաւասար իրա-  
ւատէրբ: Մինչդեռ թիւրքական ռէժիմի տակ  
նոքա հպատակներ էին առանց տիրապետող  
ժողովրդի հետ հաւասար քաղաքացիներ լինե-  
լու: Սահմանի այս կողմում նոցա ձեռք բե-  
րած անզորը ու ազատ ապրելու և զարգանա-  
լու պայմանները բնականաբար նոցա աչքերը

պիտի դարձնէին սահմանի դէպի միւս կողմը  
տանջուող իր եղբայրակիցները: Ալէքսանդրա-  
պօլցու քաղաքական իդէալն անա, դրա մէջն  
էր կայանում. նա աչքերն ուղղել էր դէպի Մա-  
սիսից այն կողմ, ձգտում էր, որ սահմանի այն  
կողմը գտնւած իր եղբայրները ազատէին այն-  
պէս, ինչպէս իրենք են ազատւել: Թէ 1829 թ.  
1853—6 և թէ 1877 թ. ոռուս-թիւրքական պա-  
տերազմներին, ոռուս յաղթական զօրքերի ա-  
ռաջից միշտ գնացել են հայ կամաւորների  
շարքեր, իսկ սահմանի այն կողմ գտնւած հայ  
ազգաբնակութիւնը իբր փրկիչների է դիմաւո-  
րել այդ եկողներին: Ու ամեն անգամ էլ թիւր-  
քահայաստանի հայկական մեծ ու փոքր բե-  
կորներ անցել են ոռուսական հողը:

Ալէքսանդրապօլցի հայրենասէրը տարւած  
Հայաստանի թիւրքական լծից ազատագրւելու  
քաղաքական ծրագրերով, քիչ զոհեր չի տւել  
դրան, ու միշտ էլ անցեալում բունն է եղել  
քաղաքական այդ խմորումների: Խմորումներ,  
որ վաթսուենական, եօթանասուենական և մա-  
սամբ ութսուենականի սկզբների հայրենասիրա-  
կան ձգտումների ծուծն է եղել, ու մի վերջ-  
նական նպատակ ունեցել՝ հայկական գաւառ-  
ներն ազատւած տեսնել քրիստոնեայ թագա-  
ւորի հատու սրով:

Ռուս ներքին պետական կեանքի մէջ այլ  
մեծ ձգտումներ, քաղաքական մեծ պահանջներ  
չէ ունեցել Ալէքսանդրապօլցին, քան այն, որ  
իր ազգային ներքին ինքնավար մարմինները՝  
դպրոց, եկեղեցի, եկեղեցական ազգայն կալ-  
ւածքներ՝ ճանաչւին պետական օրէնքների կող-

մից: Քաղաքական չափաւոր նրա իղէալներն ու պահանջները տեղական ազգային կեանքի նկատմամբ ճանաչել են այդ օրէնքների կողմից, ու Ալէքսանդրապօլցին իբր քաղաքացի գոհ է մնացել համեստ իր պահանջներով ու իր սահմանափակ քաղաքական—ազատագրական տենչերով՝ թիւրքահայ եղբայրների նկատմամբ:

Ասել թէ տարբեր տիպի գաղթականներից կազմւած այս քաղաքում կեանքն ամբողջովին մի շարլօնով էր ընթանում, որ հասարակական ազգային գործերը կառավարւում էին միապագադ, ճիշտ չէ: Այստեղ էլ եղել են իրար դէմ գործող ու հակառակ տարրեր: Ասել թէ այդ հակառակ տարրերը կանգնած էին իրար դէմ սկզբունքային խնդիրների իրարից տարբեր հասկացողութեամբ, այսպէս ասած, նոքա ազատամիտ և պահպանողական բանակներ էին իրար դէմ կանգնած՝ դժւար է: Այդպիսի հասարակական շերտաւորումներ այն ժամանակ չկային, չէին արտայայտւում պարզ, որոշ կերպով, բայց անկասկած կերպով իրար հակառակ այդ կողմերը պարունակում էին ապագայի պահպանողական և ազատական հասարակական մտածելակերպի սաղմերը: Այն ժամանակւայ նկատմամբ, դա ամեն ժամանակների պայքարն է հայրերի և որդիների, հնի և նորի: Այն տարբերութեամբ որ ներկայումս ձևակերպւել, որոշ կաղապարի տակ է մտել հասարակական գործեր և խնդիրներ կարգադրելու ու արծարծելու մտածելակերպը, իսկ այն ժամանակ, անցեալ դարի երկրորդ կիսի սկզբների

Ալէքսանդրապօլցու համար այդ ըմբռնողութիւնները շատ աւելի բնագրական էին: Հին տիպի Ալէքսանդրապօլցին ուզում էր տանըստնու կարգադրէր հասարակական կարևոր խնդիրները, և մեծամեծների խորհրդակցութեամբ կառավարէր ազգային հիմնարկութիւնները: Երիտասարդ սերունդը, սակայն, չէր ուզում հաշտել այդ դրութեան հետ. հասարակական գործերին միջամտելու իր մասն էր ուզում նա: Ոչ մի գաւառական քաղաքում հին տիպի պահպանողական և ազատագրական տարրերի ներքին կռիւներն այնքան զօրեղ չեն եղել ազգային դպրոցների և եկեղեցու շուրջը, որքան Ալէքսանդրապօլում: Ու ոչ մի գաւառական քաղաքում, այդ թւականներին այնքան բուռն չի եղել ազգաբնակչութեան մասնակցութիւնը դէպի դպրոցական գործը և ոչ մի տեղ էլ այնքան մեծ ջանքեր չեն գործ դրւել դպրոցը այն բարձրութեան վրա դնելու, ինչպէս Ալէքսանդրապօլում: Կարելի է հաստատ ասել, որ եթէ Ալէքսանդրապօլը թեմական քաղաք լինէր, նա դեռ անցեալ դարի վաթսուհակն թւականներին կունենար հոգևոր թեմական դպրոց. մինչդեռ Երևանը միայն ութսուհակն թւականների վերջերին հասաւ միջնակարգ դպրոցի այդ տիպին:

Ալէքսանդրապօլի համար մի մեծ դժբախտութիւն է եղել, որ նա չի կազմել իր գաւառով մի թեմ: Թեմ լինելը հնարաւորութիւն կուտար այստեղ բանալու մի թեմական դպրոց, ու այն եկամուտները, որ երկար տարիների ընթացքում գնացել են մեր վիճակից Երևանի

թեմական դպրոցին, կմնային մեր թեմական դպրոցին: Ալէքսանդրապօլը թեմ չլինելու պատճառով միջնակարգ դպրոցից զրկւած լինելու ամբողջ մեղքը ծանրանում է հայ հոգևոր իշխանութեան վրա: Մենք իր տեղում ցոյց կը տանք թէ ինչո՞ւ այդ եկամուտները պիտի մնային տեղում ու ինչո՞ւ այժմ էլ պէտք է աշխատել, որ վիճակային եկամուտները գործ դրւին մեր վիճակային դպրոցի վրա:

Այսպէս. ահա այն բոլորը, որ համառօտ կերպով կարող ենք ասել հայ այս միջավայրի մասին: Աւելի հեռուն այստեղ չէինք էլ կարող գնալ. սա Ալէքսանդրապօլ քաղաքի պատմութիւնը չէ. այդ պատմութիւնը գրողը պէտք է օգտւի այլ աղբիւրներից, պաշտօնական գրագրութիւնից, ու այդ պատմութեան մէջ մեր աղբիւրներն ու մեր վիճակային դպրոցը կարող է միայն մի փոքրիկ տեղ գրաւել, սակայն իրեն համար խիստ պատւաբեր տեղ:

Բաւականանա՞նք առայժմ այս ասածներովս, ու դիմենք մեր վիճակային դպրոցի պատմութեանը: Ինչպէս ընթերցողը կտեսնի, մենք այն բաժանել ենք մի քանի շրջանների:

Առաջին շրջան՝ սկզբից, մօտաւորապէս անցեալ դարի 1840 թւականի սկզբից մինչև 1868 թիւը:

Երկրորդ՝ ծաղկման շրջան, երբ վիճակային դպրոցն ստանում է ներկայ տիպի դպրոցի բոլոր նշանները, 1868—1885 թ. այսինքն մինչի անգամ դպրոցների փակւելը:

Երրորդ շրջան՝ 1886—1896-ը. այս շրջանը վիճակային դպրոցի կրթական մասի փոքրացման

շրջանն է. նա դառնում է անուսով մի սոսկ ծխական երկդասեան դպրոց. դա Մակարի ըստեղծած տիպի դպրոցն էր: Այս մասին յետոյ, իր տեղումն:

Չորրորդ շրջան՝ 1896—1905-ը. այս շրջանը բնորոշւում է նրանով, որ դպրոցը դառնում է կառավարչական — մինիստրական:

Հինգերորդ շրջան՝ այս շրջանն սկսւում է 1905 թւի սեպտեմբերից կամ 1905—6 ուսումնարանական տարւանից: Այս շրջանը կարելի է հաշւել երկրորդ շրջանի շարունակութիւնը, քանի որ ջանք չի խնայւել ու խնայւում դրպրոցը վերածել իր նախկին՝ վիճակային դպրոցի տիպին:

Այս իւրաքանչիւր շրջանի մասին հարկաւոր տեղեկութիւններն ու բնորոշումները կուտանք իր տեղում, երբ կանցնենք այդ ուրոյն շրջանների պատմութեանը:



I.

### ՍԿՂԲՆԱԿԱՆ ՇՐՋԱՆ

1840—1868

Դպրոցի սկզբնաւորութիւնը.

Այս շրջանի պատմութիւնը վերականգնելու դժւարութիւնները մեծ են: Ո՞ր թւականից սկսած, կոչւել է Ալէքսանդրապօլի ս. Ստուածածին եկեղեցուն կից դպրոցը Հոգևոր Վիճակային: Այս հարցին պատասխանելն անհնար է, քանի որ տեղական փոխանորդական և Հոգևոր Կառավարութեան գործերն այրւած են: Այս խնդրի վրա մեծ լոյս կարող էին սփռել յատկապէս անցեալ դարու քառասնական թւականների գործերը, որոնք իրապէս գոյութիւն ունէին:

Սկզբնական այդ շրջանն եթէ ուզենանք բնորոշել, նրան կարող ենք մի ընդհանուր անուն տալ — Խալֆայական: Վիճակային դպրոցն իբր այդպիսին մնացել է մինչի 1868 թւականը:

Դպրոցի սկզբնական շրջանի և նրա հիմնւելու մասին կարող ենք հետևեալն ասել: Հոգևոր Կառավարութեան 1835 թւի մի գործից որի մէջ կային զանազան տարիներից տեղեկութիւններ, ինձ յայտնի է, որ Ալէքսանդրապօլի

բերդի վարչութիւնը տւել է Ալէքսանդրապօլի վիճակին յանձին ժամանակւայ առաջնորդ Նիկողայոս եպիսկոպոսին 1837 թւի օգոստոսի 7-ին № 214 վկայագրով այն հողաբաժինը, որի վրա շինւած են ներկայ յաջորդարանը, տակի կրպակները, հին վիճակային դպրոցի տեղն ու Ստուածածին եկեղեցու նորաշէն կրպակները, ըստ պատմական այդ վաւերացիքի, հողաբաժինը տրւում է յաջորդարան, շտեմարան և դպրոց շինելու համար:

Մեր հոգևոր դպրոցը հիմնելու գործում անկասկած մեծ դեր են խաղացել Ստեփան արքեպիսկոպոս Խաժակեանն (Չախալօղլի), որ վախճանել է 1842 թւին և թաղւած է մեր հին գերեզմանատանը, և ժամանակի տեղական առաջնորդ Նիկողայոս եպիսկոպոսը:

Իրօք երբ է շինւել դպրոցը, դա մեզ հնար չեղաւ պարզել: Մ. Արաբաշեանի յիշողութեամբ (Արարատ 1869 թ. սեպտեմբեր) նա հիմնւել է 1839-ին: Հին գործերից քաղած իմ տեղեկութիւնները հաւաստում են, որ դպրոցը 1840 թւին գոյութիւն ունէր արդէն: Յամենայն դէպս այս — 1840 թ. դուրս է ամեն կասկածներից, որն և մենք հաշուում ենք իբր դպրոցի սկզբնաւորութեան տարի:


Այդ հողաբաժինը կիււում է հիւսիսից հարաւ, արեւմտեան կէտը բաժին է ընկնում յաջորդարանին, միւս կէտը պահւում է համայնքի պէտքերի համար: Մի հին հաշւեմատեանից իմ քաղած մի տեղեկութեան համաձայն տեղային արդիւնքներով շինւում է այստեղ մի յաջորդարան՝ հողաբաժնի արեւմտեան կիսի վրա:

1007  
31704

X

X

X



իմ, իբր ականատեսի յիշողութիւններով, այդ շինութիւնը ընկած էր այն տեղում, ուր այժմ հոգևոր կառավարութեան շտեմարանն է: Նա սպիտակ սևադած մի հին խարխուլ շինութիւն էր դեռ 1878 թւին: Նրա մուտքն էր հիւսիսային կողմից, իսկ արևելեան կողմից լուսամուտները նայում էին վիճակային դպրոցին: Յառաջորդարանի և դպրոցի գաւիթները բաժանուած չէին իրարից. իսկ այդ ժամանակում արդէն նա չէր ծառայում այլևս իբր բնակարան Ալէքսանդրապօլի փոխանորդի: Դպրոցի մուտքը հիւսիսային, Պուշկինեան փողոցից էր ու նոյն տեղումն էր, ուր և ներկայ շինութեան կողք կողքի երկու մուտքերն են:

Յաջորդարանի այդ շինութեան դէմը, հին հոգևոր դպրոցի շինութեան ցածի մասում, այսինքն նրա հարաւային ծայրում, նոյն գործերի միջից իմ քաղած տեղեկութիւններով, շինուած է մի քանի սենեակ «վասն նորավարժից»: Ճիշտ նոյն ձևով են եղել մեր ազգային դպրոցներն այդ թւականներին ու նրանից առաջ Հայաստանի այն գաւառներում, որտեղից և Ալէքսանդրապօլցին էր գաղթել, էլ չեմ ասում, որ ուսումնասէր և ազգասէր Ալէքսանդրապօլցու վրա կազդէր նաև Ներսիսեան դպրոցի անունն ու հմայքն այդ թւականներում, այն մտքով, որ իրենք էլ տեղական մի դպրոց ունենային: Այդ վասն նորավարժից դպրոցն հէնց սկզբից կոչուած է վիճակային հոգևոր դպրոց: Յետագայ շատ տեղեկութիւններից երևում է, որ նա կոչւել է նաև Ալէքսանդրապօլու Հայոց թեմական դպրոց:

Այդ դպրոցն ահա Ալէքսանդրապօլի Հոգևոր դպրոցի սկզբնաւորութիւնն է, որն իր ծաղկման վիճակին է հասել 1868—85 թւականներին:

Նիկողայոս եպիսկոպոսի ժամանակ ոչ միայն հիմնուած է վիճակային հոգևոր դպրոցը այլ նաև ծաղկում: Սրա օրով վերատեսուչ է կարգուած իւր ձեռնասուն Յակովբ վարդապետ Շահպաղեանցը: Անցեալ դարի յիսուական թւականների սկզբներում հոգևոր դպրոցում ուսումը նորից ծաղկում է Մխիթարեանցի (յետոյ Յակովբ քահանայ) ջանքերով: Նա մնում է դասատու այդ դպրոցում, ինչպէս յետոյ մենք կտեսնենք, մինչև 1863 թւի ամառը:

Այդ դպրոցի վրա առանձին հոգ է տանում Սիրական աղա Գորոյեանը, որ Ներսէս կաթողիկոսի ժամանակ վերջինիս նշանակած աշխարհական փոխանորդներից կամ գործակալներից մէկն էր, ինչպիսիք կային Կովկասի նաև միւս գաւառներում: Նրա ջանքերով դպրոցն իր գոյութիւնը շարունակում է, մինչև որ առաջ է գալիս վերատեսչութիւն կամ հոգաբարձութիւն հաստատութիւնը:

Այսպէս, եթէ մենք ամփոփելու լինինք մար ասածները հոգևոր դպրոցի սկզբի տարիների համար, այսինքն 1840—58 թւերի համար, մենք կտեսնենք, որ մինչի 1843 թիւը դպրոցի դասատուների և վերատեսչի մասին ոչ ինչ չգիտենք: 1843—48 թւերին դպրոցի տեսուչ և ուսուցիչ է եղել Յ. վարդապետ Շահպաղեանը, այնուհետև երևի 1850 թւից Մխիթարեանը մինչի 1856 թիւը: Մատթէոս կաթողիկոսի օրով հաստատուած է վերատեսչու-

թիւն: Սա ինչպէս գիտենք հոգաբարձութիւն է:

Աստճներին վրա կաւելացնենք որ Ներսէս V-ի ժամանակ մտածում են հոգևոր դպրոցի համար նոր շէնք կառուցանել: Նոյն դպրոցի պաշտօնական գրագրութիւններից երևում է, որ Հոգևոր դպրոցի հոգաբարձութիւնը դիմել է Ներսէս V-ը կաթողիկոսին հասարակական հաւաքական մի խնդրագրով և թոյլտուութիւն խնդրել կառուցանելի ս. Փրկիչ եկեղեցու համար յատկացրած տեղի հարաւային և հիւսիսային ճակատների վրա մի մեծ շինութիւն շինել վերան հոգևոր դպրոց և տակը կրպակներ: Այդ խնդիրը բացատրում է նրանով, որ դպրոցի հին շինութիւնը, որի մէջ եղել է Հոգևոր դպրոցը դեռ մինչի անցեալ դարի 80-ականի սկզբները, դպրոցի համար անբաւարար է:

Թողսելով դպրոցական շէնքի մասին յատկապէս մի առանձին գլխում խօսելու, այստեղ կարճենք խօսքը հետևեալ քանի մի տեղեկութիւններով: Եղած պաշտօնական գրագրութիւններից մենք գիտենք, որ Ներսէս V-ը կոնդակով թողնում է այս տեղը Ալէքսանդրապօլի ամբողջ հայ հասարակութեան տրամադրութեանը:

Հոգևոր դպրոցի հոգաբարձութիւնը 1867 թւի յուլիսի 22-ին № 32 յայտարարութեամբ դիմում է տեղիս հոգևոր կառավարութեան միջոցով Էջմիածնի Սինօղին յիշածս թոյլտուութեան համար: Սինօղն ընթացք չի տալիս գործին, ուստի և հոգաբարձութիւնն առանձին խնդրով դիմում է Գէորգ IV կաթողիկոսին: Այս խնդիրն էլ մտում է անհետևանք, մինչև

որ ուս-թուրքական 1877 թւի պատերազմից յետոյ հնարաւոր է լինում նոր դպրոցական շէնքի խնդիրը լուծել պատաւաւոր կերպով:

Այս տեղեկութիւնն էլ, որ դեռ Ներսէս V-ի ժամանակ գոյութիւն է ունեցել հոգևոր դպրոց ու ունեցել է հոգաբարձութիւն, լաւ ապացոյցներից մէկն է հոգևոր դպրոցի դեռ քառասնական թւականների գոյութիւն ունենալուն:

Իբրև խալֆայական, բայց պաշտօնական դպրոց, նրա ուսուցիչները պէտք է լինէին ժամանակի զրագէտներն ու յատկապէս քահանաները: Իսկ աւանդման առարկաներն էին լինելու հայոց լեզու, կրթութիւն, քերականութիւն, ու այն ժամանակեայ իմաստութեան ուղն ու ծովը՝ ճարտասանութիւն:

Թէ ովքե՞ր են եղել յատկապէս դասատուները, դա մնացել է մինչի օրս էլ անյայտ: Ս. Փրկչի դպրոցի դիւանատան այդ մասը կորած, անյայտացած, գուցէ ոչնչացրւած է: Պաշտօնական վաւերագրից առաջին տեղեկութիւնը, որից մենք կարող ենք տեղեկութիւններ քաղել Ալէքսանդրապօլի հայ համայնքի այդ դպրոցի ել և մուտքի, ուսուցչական կազմի մասին հետևեալն է:

Նախապէս ասենք, որ մեր ստորև տւած տեղեկութիւնները քաղում ենք 1863-65 թրւերի մի հաշւամատեանից:

Այդ խիստ կարևոր մատեանը մեզ ասում է, որ 1863 թւի սկզբից, կամ 1862-63 ուսումնարանական տարում դպրոցն ունեցել է երեք դասարան: Այսինքն ամբողջ դպրոցը բաղ-

կացած է եղել երեք բաժան մուկներից:

Բուն մատեանը մեզ առում է. —

Դեկտեմբեր 13. «Տուաւ Ալէքսանդրապօլարնակ Գասպարի Անմեղիկեան ի վարձ գանազան աշխատանաց վասն մեծ դօսքայի երրորդ դասատան երեք մանէթ. վասն տասն և մէկ լուսամուտից ձմեռնային շրջանակաց հանդերձ ապակօք քսան և եօթն մանէթ յիսուն կոպ. և վասն տասն և չորս ապակեաց ագուցելոց յամառնային շրջանակս երկու մանէթ եօթանասուն կոպ. ընդամէնն երեսուն և երեք մանէթ քսան կոպէկ»:

Ստորագրել է ըստացայ Գասպար Անմեղիկով

X

Ուսուցիչներ ունեցել է այդ դպրոցը եօթը հատ, աւանդուել են 11 առարկայ:

Այսպէս, ուրեմն, 1862—63 ուսումնարանական տարւոյ մասին մնացած փաստացի այդ տեղեկութիւնը միակն է, որ մեր առաջ պիտի պարզէ մի շարք կարևոր հանգամանքներ:

Շատ բնական է, որ դպրոցի այդ երեք բաժանմուկները միանգամից չէին բուսնել, այլ նոքա կամաց կամաց, երկար տարիների ընթացքում պիտի բացւէին: Այստեղ չպէտք է մոռանալ, որ այդ դպրոցը պիտի մրցէր Ալէքսանդրապօլի այն ժամանակեայ տնային բազմաթիւ խալֆայական այս ու այն տիրացուի, տէրտէրի ու զրազէտ վարպետների (կանանց) մօտ եղած դպրոցների հետ: Խալֆայական այդ դպրոցները դեռ անցեալ դարի 70-ական թւականներին խիստ ծաղկման մէջն էին, ուր մնաց, որ դրանից տասը, քսան, երեսուն տարի առաջ:

Ու եթէ ի նկատի ունենանք, որ այդ երեքդասարանեան դպրոցն իր այդ կազմով հասել է 1862—63 ուսումնարանական տարուն, այն ժամանակ պարզ կլինի, թէ ինչքան դժւար կլինէր նրանից առաջ եղած շրջանում դպրոցն այդ տիպի հասցնելը: Այս հանգամանքը մի ցայտուն ապացոյց է այն ջանքերի, որ այդ դպրոցի վարչութիւնը ցոյց է տուել այդ դպրոցը մի կողմից կանոնաւոր դպրոցի տիպի նմանեցնելու և միւս կողմից երեքդասեան դարձնելու և պահպանելու համար: Իսկ թէ այդ շատ դժար է եղել, այդ երևում է պարզ կերպով նրանից, որ դպրոցն այդ տիպի մնացել է մինչև մեր ասած թւականը, հակառակ ինտելիգենտ ուժերի բազմապատկելուն: Իրան արգելադրիթ էր նաև, անկասկած դպրոցի նիւթական փճակը:

Այստեղ նաև պէտք է աչքի առաջ ունենալ մի խիստ կարևոր հանգամանք: — Այդ տարւոյ հաշւեմատեանը ցոյց է տալիս, որ աշակերտական թոշակներ կամ ուսումնաւարձ չէ եղել: Դպրոցը հարկադրւած է եղել կրթութիւնը ձրի տալ, մի կողմից խալֆայական դրպրոցների հետ լաւ մրցելու, միւս կողմից էլ աշակերտներ գրաւելու համար:

Այստեղ նաև պէտք է աչքի առաջ ունենալ մի խիստ կարևոր հանգամանք: — Այդ տարւոյ հաշւեմատեանը ցոյց է տալիս, որ աշակերտական թոշակներ կամ ուսումնաւարձ չէ եղել: Դպրոցը հարկադրւած է եղել կրթութիւնը ձրի տալ, մի կողմից խալֆայական դրպրոցների հետ լաւ մրցելու, միւս կողմից էլ աշակերտներ գրաւելու համար:

Երբ խօսեցինք դպրոցի մասին այն մտքով, որ նա երեք դասարան է ունեցել, պէտք է այդ բառը բառացի չհասկանանք: Իւրաքանչիւր դասարան չէր կազմում միապաղաղ մի ամբողջութիւն՝ ներկայ դասարանների պէս: Նոքա իրենց ներքին կազմութեամբ նմանւում էին միացեալ դասարանների, ուր աշակերտները

շարքերի են բաժանուած եղել. այդ այդպէս է եղել նամանաւանդ իր գոյութեան սկզբնական շրջանում:

1863 թւականի այդ մատեանը մեզ ասում է, որ դպրոցական տնտեսական տարին հաշուելիս են եղել յունւարից յունւար: 1862 թւից մուտք մնացել է 2177 ր. 92 կոպ. յիշածս 2177 ր. 92 կոպ խնայողութիւնը, որ 1862 թւից անցել է 1863 թւին, պէտք է երկար տարիների առսական 15 տարիների իրար վրա բարդուած տարեկան մօտ 150 ր. խնայողութիւնների արդիւնք լինի:

**ՎԱՐՉԱԿԱՆ ՁԵԻԸ.**

Խիստ հետաքրօրական է վարչական այն ձևը, որով կառավարւել է Ալէքսանդրապօլի վիճակային հոգևոր դպրոցը մեր ասած այդ շրջանում:

Դպրոցի կառավարութեան ձևի մասին մեր ունեցած տեղեկութիւնը պարտական ենք մենք 1863 թւականի նոյն հաշւամատեանին, որն և ենթադրել է տալիս, թէ այդ թւականից առաջ էլ, այսինքն նախընթաց տարիներումն էլ, հին սովորութեան յատուկ, ժողովրդական ձևով էին կառավարում դպրոցը, Այդ, ժողովրդի ներկայացուցչութեան ձեռքով ազգային հիմնարկութեանց գործերը վարելու եղանակն էր:

1863 թւի մատեանից մենք իմանում ենք, որ 1862 - 63 ուսումնարանական տարին հոգևոր դպրոցը ղեկավարւել է մի «վերատեսչութեամբ» զրա ձեռքն է եղել դպրոցի ամբողջ վարչու-

թիւնը. ներկայի մտքով տեսչութիւնն ու հոգաբարձութիւնը. այսինքն դպրոցի մանկավարժական և տնտեսական գործի ղեկավարութիւնը:

Նրա ձեռքին է եղել ուսուցիչներ վարձելը դասերի սրան և նրան բաշխելը, դպրոցի եկամուտների գանձելն ու ծախսելն և այլն:

1862 - 63 և յաջորդ տարիներին մինչի ուսումնարանական 1865 - 66 թիւը դպրոցը գտնուած է եղել մի եռանձնեայ վերատեսչութեան ձեռքը: Նորա են մեր քաղաքում իր ժամանակի ամենազգեցիկ անձնաւորութիւններից, այն է Յովսէփ քահանայ Կոստանեանց, պողպօրուշիկ Սիրական Գորոյեանց և Մատեանի Մկրտիչ Բաբայեանց. երկուսը Ղարսեցի իսկ երրորդը Կարնեցի (Սիրական աղան):

Մի որևէ պաշտօնէութիւն պիտի ընտրւի անշուշտ որոշ թիւ տարիների համար: Իրժբախտաբար հնար չեղաւ պարզելու, թէ այդ եռանձնեայ վերատեսչութիւնը ե՞րբ է ընտրւել, առհասարակ տարիների ի՞նչ ամբողջական շրջանի համար, ու արդեօք որև իշխանութիւն, այս դէպքում Երևանի թեմական իշխանութիւնը կամ Ամենայն Հայոց Կաթողիկոսը պաշտօնապէս հաստատել ու ճանաչե՞լ են մեր դպրոցի ասածս այդ վերատեսչութիւն-հոգաբարձութիւնը: Այստեղ ի նկատ ունենանք, որ յատկապէս այդ թւականներին, Մատթէոս առաջին կաթողիկոսի օրով էջմիածնի կամ աւելի շուտ հոգևոր բարձր իշխանութեան կողմից ճանաչւեց ժողովրդական-ընտրական ըսկզբունքը և դպրոցներ կառավարող հոգաբարձական հաստատութիւնը: Անկախ այն բանից

Մեծ Կոպ

Հոգաբարձ Կարնեցի



որ վաթսուսական այդ թւերում այլ կերպ չէր կարող դպրոցական մի վերատեսչութիւն առանց այլևայլութեան, ինքնակոչ կերպով մի ազգային հիմնարկութեան գլուխ անցնել, նրան ղեկավարել, առնել, տալ, հաշիւներ ստուգել և տարեվերջին վաւերացնել ամբողջ կողմնակալով, կայ նաև մի, արդէն ակնարկած, հանգամանք: Կարնից, Ղարսից և հայկական այլ կենդրոններէջ գաղթած, Ալէքսանդրապօլը կազմող, ազգաբնակութիւնը սովոր էր, որ ազգային գործերը կստավարէր համայնքի մեծերի խորհուրդը: Այդ խորհուրդ-համայնական ժողովն էլ մէկին նշանակում էր եկեղեցու ավտուակալներեփոխան, միւսին դպրոցի ուսուցիչ, գաւառին յաջորդ և այլն: Ալէքսանդրապօլցին դրան սովոր էր, այդ տեսել էր, դրանով էլ ղեկավարում էր:

Այսպէս. եթէ մեր այդ եռանձնեայ վերատեսչութիւնը կանոնաւոր ծխական ժողով չի էլ ընտրել, յամենայն դէպս նա իսկական ժողովրդական ներկայացուցչութիւն է ըստ հին սովորութեան, ըստ կիրաւուող հին ձևի:

Մնում է հաստատման ինդիքը: Ըստ էութեան դա մի առանձին նշանակութիւն չունի, էականն այն է, թէ ազգային մի հիմնարկութիւն, լինի սա դպրոց, թէ մի այլ բան, կառավարում է ինչ ձևով. միահեծան իշխանութեամբ, միապետական սկզբունքով, թէ սահմանադրական-ժողովրդական սկզբունքով: Միապետական թէ սահմանադրական կարգերում կարող է մի հիմնարկութեան գլուխ դրւած լինել մի անձն կամ մի կողմնակալ վարչութիւն:

Մեր հոգևոր դպրոցի վերատեսչութիւն կոչւած հիմնարկութիւնը ցոյց է տալիս, որ Ալէքսանդրապօլցին պատւաւոր կերպով է լուծել ազգային մի հիմնարկութեան վարչութեան եղանակը: Նա ցոյց է տալիս, որ վերատեսչութիւնը սահմանադրական է և կողմնակալ:

Գալով ընտրւած անձնաւորութիւններին, հարկաւոր ենք համարում վերն ասածներէս վրա աւելացնել, որ նոցանից իւրաքանչիւրը, բերւած ժամանակի նկատմամբ, նոցա ուսուցիչն էր ընտրուելով, կարելի է անւանել «ասամով» մարդիկ, ինքնուրոյն, կամքի տէր մինչի յամառութիւն և խելացի: Գործի մէջ նոցանից և ոչ մէկը միւսին իր ետևից քաշ տուող չէր. նոքա կերթային իրար հետ հաւասար մի գծի վրա:

Այս բոլորից պարզ է, որ Ալէքսանդրապօլի հոգևոր վիճակային դպրոցի վարչութիւնը, որ կոչւել է վերատեսչութիւն և եռանձնեայ է եղել, եղել է իրապէս ժողովրդական մի ներկայացուցչութիւն աւել կամ պակաս չափով:

ԴՊՐՈՅԻ ՏՆՏԵՍԱԿԱՆ ՊՍԿԵՐԸ.

Մեր աղբիւրը մեր յիշած 1863 5 թւելի հաշւեմատեանն է նորից:

Մի թեթև հայեացք այդ գեղեցիկ վաւերազրի վրա, ու մենք կտեսնենք, թէ հոգևոր կոչւած այդ դպրոցի գոյութեան աղբիւրները որտեղից են բղխում:

Այստեղ հարկաւոր է շեշտել մի խիստ կարևոր հանգամանք, որ միաժամանակ բնորոշում է և հոգևոր դպրոցի տնտեսապէս անկախութիւնը որևէ եկեղեցուց:

Ինչպէս մենք տեսանք, հոգևոր դպրոցի վերատեսչութիւնը տնօրէնն է եղել և այդ հիմնարկութեան տնտեսական վիճակի: Նրա կազմի մէջ չկայ Աստուածածին աւագ եկեղեցու երեսփոխանը, որ հնումն առհասարակ ակտուակալ է կոչւել, որպիսի անուն նա պահպանել է ներկայումս դեռևս գիւղերում:

Հոգևոր դպրոցն ունեցել է իր սեփական եկամուտներն ու իր սեփական դրամագլուխը: Մեր այդ մատենանը ցոյց է տալիս, որ նա 1863—65 թւերի ընթացքում, ինչպէս և առաջ, իր պահպանութեան համար ս. Աստուածածին աւագ եկեղեցուց չի ստացել որևէ նպաստ. նոցա եկամուտներն իրար խառը չեն եղել, մի վարչութեան — հոգաբարձութեան տակ չի գտնւել: Եկեղեցին ունեցել է իր միջոցներն ու հաշիւները ու իր երեսփոխանը, դպրոցն ունեցել է իր եկամուտներն ու դրամագլուխը ու այդ բոլորը կառավարող-տնօրինող իր վերատեսչութիւնը:

Այստեղ կարևոր եմ համարում առաջ բերել 1862 թւի եկամուտների յաւելեալի փոխանցումը 1863 թւի մատենանի մէջ: Դա ինքնին արդէն ցայտուն կերպով բնորոշում է դրպրոցի տնտեսապէս անկախութիւնը մի այլ հիմնարկութիւնից: Համար ըստ կարգի 1. վերտարրի 1 գրեցան ի մուտս դրամք մնացորդը յանցեալ 1862 ամէ ցներկայս ըստ հաշուոյ ժա-

պաւինեալ մատենի նոյն ամի յամենատեսակ արդեանց Հոգևոր ուսումնարանի Հայոց Ալէքսանդրապօլու ընդամենն երկու հազար մի հարիւր եօթանասուն եօթն ռուբլի իննսուներկու կոպէկ, յետոյ յիսուն և հինգ ռուբլի քառասուն երկու կոպէկն է պատրաստական դրամ. իսկ մնացեալքն մուրհակազրօք ի վերայ զանազան անձանց 2177 ռ. 92 կոպէկ»:

Սա ցոյց է տալիս, որ այն եկամուտները, որոնցով կառավարւել է Հոգևոր այդ դպրոցը, կոչւել են այդ հաշւեմատեանում «արդիւնք հոգևոր ուսումնարանի հայոց Ալէքսանդրապօլու»:

Բացորոշ այս փաստը մատնանշում է նաև մի այլ հանգամանք: Հոգևոր դպրոցն անկախ լինելով ըստ տնտեսականի որևէ եկեղեցուց, թէկուզ մի հատիկ, նա չէ եղել ու չէ դառել ծխական դպրոց: Յետագայ փաստերը ցոյց կուտան, որ նրա գլխաւոր և հիմնական եկամուտի աղբիւրը մասնաւոր մի եկեղեցու կամ ծուխի-համայնքի պատկանող մի աղբիւր չէ, այլ ընդհանրութեանը, Ալէքսանդրապօլու շրջապատող վայրերի մի սրբութեան եկամուտները:

Ալէքսանդրապօլի հոգևոր դպրոցը խօսքի նեղ մտքով չլինելով ծխական դպրոց, մնում էր իբր կրթական հիմնարկութիւն ամբողջ հայ համայնքի: Նա համայնական դպրոց էր նամանաւանդ իր գոյութեան յաջորդ շրջանում ոչ միայն քաղաքի այլև գաւառի հայ մանուկների համար, ոչ միայն հայադաւան այլ նաև օտարադաւան հայերի, համաքաղաքացիների համար: Այլ մտքով և արդարանում է նրա

Այս մասնակցութիւնը 5-  
նր բացի էր հիմնական

«Վիճակային դպրոց» անունը: Իսկանանք նորից եկամտի աղբիւրների խնդրին:

Դպրոցի ընթացիկ ծախսերը ծածկող եկամուտներն են 1. դպրոցի զրամապլիսի տոկոսներ, և 2. Աստուածածնայ խորանի բոլոր արդիւնքները:

1 Իրամագլուխ. ինչպէս տեսանք, 1862 թւին նա հասնում էր 2177 ռ. 92 կոպէկի, որն և անցել է 1863 թւի հաշւեմատեանի մէջ առաջին յօդւածով:

Այդ ժամանակներում հոգևոր դպրոցի վարչութիւնն այլ կերպ չէ շահեցրած և չէր էլ կարող շահեցնել դպրոցապատկան գումարները, բան մասնաւոր մարդոց տոկոսով տալով: Եւ իրօք էլ այդպէս է եղել, ինչ որ մենք տեսանք 1863 թւի հաշւեմատեանի առաջին յօդւածի ամբողջական արտագրութիւնից:

Հակառակ այն բանի, որ ժամանակի վաշխառուական %%-ը 20-ից էլ անց են եղել, դպրոցի գումարները տրւել են ցած %-ով. նա չի բարձրացել 12 առ հարիւրն և ցած չի եղել բան 10%-ը: Ինչպէս և ուզենանք բացատրել այս հանգամանքը, այնուամենայնիւ չի կարելի աչքաթող անել, որ դրամ %-ով տւողը այդ գէպքում մի մասնաւոր վաշխառու չէ եղել, այլ բարոյական բոլորովին այլ հիմունքներով գեկափարւող մի կրթական հիմնարկութիւն: Որն և անշուշտ պատճառներից գլխաւորն է եղել դպրոցական գրամագլխի շահեցման գործում:

Դպրոցի գրամագլխի գոյութիւնն ինքնին սպարոյց է, որ հեզևոր դպրոցի վարչութիւնն

աշխատել է այդ ուղղութեամբ: Նա եթէ մի կողմից հետամուտ է եղել դպրոցը նոր ախալի վերածելուն, ու երեք-դասարանեան այդ դպրոցի բիւզճէն հասել է այն ժամանակեայ համար պատկառելի մի գումարի, այն է աւելի քան ութն հարիւր ռուբլու, միւս կողմից էլ խնայողութիւններ է արել: Այդ խնայողութիւններն ունեցել են, թւի թէ, մի կենտրոնական նպատակ, — ապահովել դպրոցը մի հիմնական գրամագլխով: Իրա հետ միասին դպրոցի երգաբարձութիւնը ծախսեր է արել դպրոցի շէնքին, նամանաւանդ ձմեռայ համար, պատշաճաւոր յարմարութիւններ տալու: Ասելս այն է, որ հոգաբարձութիւնը խնայողութիւններն արել և անում էր, առանց որ աչքաթող անէր դպրոցի առօրեայ կարիքները:

2 Աստուածնայ պատկերի արդիւնքները:

Նոյն հաշւեմատեանը ցոյց է տալիս, որ եկեղեցու և խորանի եկամուտներն իրարից բաժանւած են եղել, թէև երկուսն էլ իրար կից նոյն եկեղեցին, նոյն շէնքն է եղել: Աստուածածնայ պատկերի խորանը հոգևոր դպրոցին է պատկանել իր բոլոր եկամուտներով, քանի որ եկեղեցուց գատ է եղել նրա մոմամբառութիւնը, նրա գանձանակատուփը, նրա ուխտաւորներից եկած ամեն տեսակ արդիւնքներն ու նւիրատուութիւնները, մատաղները, Բացի դրանից նա ունեցել է նաև պատկերը շրջեցնելու առանձին եկամուտ, որ դարձեալ խորանի ընդհանուր գանձարկղի մէջ է մտել միշտ: Ինչպէս յետոյ մենք կտեսնենք, Աստուածածին եկեղեցու եկամուտները գործ են դրւել շէնքե-

րի վրա, որից յետոյ օգտել է նաև դպրոցը: Թօսքս հոգևոր դպրոցին կից եղած Աստուածածնայ հին կրպակները մասին է:

Ասածներիցս պարզ է, որ դպրոցի մշտական ու միակ ապահով եկամտի աղբիւրն է եղել Աստուածածնայ խորանն իր ամեն տեսակ եկամուտներով: Իոքա են ա. Մումալաճառութիւնը, բ. Գանձանակադրամները, գ. Մատաղներն ու այլ նւիրատութիւնները՝ դրամով, թանկագին զարդարանքներով, թաշկինակներով և այլն և դ. Պատկերը շրջեցնելու արդիւնքը: Իպրոցի եկամուտների, իսկապէս ասած, խորանի եկամուտների մէջ մի առանձին տեղ է բռնում նաև հետևեալ արդիւնքը: Հին սովորութիւն է հայկական բոլոր գաւառների համար, որ խոստում են անում այս ու այն եկեղեցուն, ուխտատեղուն՝ ցորենի, անասնեղէնի և այլն, իւրաքանչիւրն իր բերքի ժամանակ վճարելու պայմանով. Օրինակ կալի ժամանակ՝ հացահատիկներ, աշնանը՝ գառներ, հորթեր և այլն: Մեր առաջ բերած մատեանից տեսնում ենք, որ խորանի այդ տեսակ եկամուտները կազմում են բաւականին մի խոշոր գումար՝ ի նկատ առած խորանի սովորական միւս եկամուտները:

Աւելի երկար կանգ առնել դպրոցի եկամուտների վրա, հաշուում եմ աւելորդ:

Առաջ բերածներս արդէն բաւարար կերպով բնորոշեցին հոգևոր դպրոցի եկամուտների ընդհանուր պատկերը: Իրամագլխի՞ ներքև Աստուածածնայ պատկերի հասոյթներ. ահա բոլորը. ու այդ բոլորի հետ միասին, ինչպէս

արդէն մի անգամ ասել է, ձրի ուսումն:

Նախքան թէ, այս պրակը կվերջացնէի, կարևոր եմ համարում հետևեալ երկու կէտը ուշադրութեան առնել: ա) Աստուածածնայ եկամուտները չէին ամբողջովին հոգևոր դպրոցի վրա գործադրւում. նրա մօտ մի երրորդ մասը տալիս էր դպրոցի վարչութիւնը Հառիճեան ընկերութեանը նոյն անուն վանքի դպրոցի պահպանութեան համար: Իրանով, բնական է, զրկւում էր հոգևոր դպրոցն իր եկամտի մի զգալի մասից, սակայն, ամբողջ գաւառին պատկանող սրբութեան եկամուտը, արդար կլինէր, որ գործադրէր հնարաւորութեան սահմաններում նոյն գաւառի հանրօգուտ հիմնարկութիւնների վրա: Այդպիսի մի հանրօգուտ հիմնարկութիւն էր նաև Հառիճի վանքի դպրոցը, ուր սովորել են անցեալում մեր գաւառի գիւղական քահանաների մեծագոյն մասը, ու կարելի է ասել նաև լաւագոյն մասը: 1863 թւին վճարւած այդ մասն է եղել 282 ռ. 56 կ. 1864 թւին 357 ռ. 39 կոպ. և այլն:

բ) 1863 թւի զարմանալի այդ հաշւեմատեանի մէջ արձանագրւած է նոյն տարեվերջի դեկտեմբերի 30-ին № 18-րդ յօդւածի տակ հետևեալը — «Իրեցան ի մուսս դրամք հանեալք ի ոռճկաց հոգևոր ուսումնարանի տեղոյս ի միոյ ըուբլոյ մի կոպէկ, բացի ոռճկէ հանգուցեալ Յակովբ քահանայի Մխիթարեանց, ընդամենն հինգ ըուբլի իննսուն ութ կոպէկ. (5 ռ. 98 կ.)»:

Մեր որոնումները զուր անցան, թէ այդ ի՞նչ օ՞ր էին, որ դպրոցի վարչութիւնը դրպրոցի ուսուցչական կազմի ոռճիկներէց ետ էր

զնում, այն էլ տարեկան ամբողջ ոռոգից մի տոկոս: Դա կենսաթոշակի համար արևած խընայողութիւններ էին ուսուցչաց կողմից, թէ նրանց կողմից մի հարկ յօգուտ դպրոցի գանձարանի: Այս վերջին գէպքում խիստ տարօրինակ է %,-ի կիրառումն այդ գործում ու անհասկանալի, մինչդեռ առաջին գէպքում շատ պարզ ու հասկանալի:

Յետագայ տարիների հաշվեմատեանները 1864—1865 թ. նոյնալիսի գանձումներ չեն ցոյց տալիս, որն աւելի ևս դժարացնում է որոշ ենթադրութիւններ անել: Գործը մութն է մնում նաև այն պատճառով, որ այդ փաստի նկատմամբ մենք գործ ունենք միայն մի հաշվեմատեանի հետ, որն աւելի ցուցումներ չի կարող անել, քան նա արել է: Իսկ նրա արածն է արձանագրութիւն մեր ակնարկած փաստի: Այդ շրջանի հոգաբարձական օրագրական մատեաններ կամ պաշտօնական պրագրութիւններ չեն հասել մեզ, նոքա անհետ կորել են նախ հոգաբարձութեան ղիւանի վատ պահպանութեամբ, երկրորդ դպրոցական գործերի Հոգևոր Կառավարութեան ձեռքով, վանդալական ձևով ոչնչացնելով, որոնք տրւած են եղել այդ հիմնարկութեանը՝ պահելու համար:

**ԴՊՐՈՑԱԿԱՆ ԾՐԱԳԻՐԸ**

Նոյն մատեանից քաղելով, տալիս ենք այն առարկաների ցուցակը, որ իրօք դասաւանդուել են Ալէքսանդրապօլի Հոգևոր դպրոցում.

1. Քրիստոնէական վարդապետութիւն.
2. Երաժշտութիւն.
3. Քերականութիւն.
4. Ազգային պատմութիւն.
5. Քերականութիւն ուսաց.
6. Թւարանութիւն ուսաց.
7. Ընդհանուր վայելչագրութիւն հայոց.
8. Ընթերցանութիւն ուսաց.
9. Վայելչագրութիւն ուսաց.
10. Ընթերցանութիւն հայոց.
11. Ճարտասանութիւն.

Ուսման ծրագրով, ինչպէս դասաւանդման առարկաների այս ցուցակը պարզում է, չի կարող պարծենալ հոգևոր դպրոցի պատմական այդ շրջանը: Միայն ճարտասանութեան ներկայութիւնն ինքնին բաւական է, որ դպրոցի այդ տիպին խալիֆայական անունը տանք:

Դասերի քանակն յայտնի չէ, բայց այդ բոլոր առարկաներն աւանդոււմ են երեք դասարանում: Տեղեկութիւն չունենք նաև դասագրքերի մասին: Այդ բոլորի դիմաց մեզ յայտնի է, թէ այդ առարկաների աւանդումը բաժանուած է եօթն ուսուցչի մէջ այսպէս.—

1. Յակովբ քահանայ Մխիթարեան, ուսուցիչ Քրիստոնէական վարդապետութեան և Ազգային պատմութեան:
2. Մկրտիչ Արաբաշեան, ուսուցիչ քերականութեան և ճարտասանութեան:
3. Յովհաննէս Լալայեան, ուսուցիչ ուսաց լեզւի, քերականութեան և թւարանութեան ուսաց լեզւով:
4. Կարապետ քահանայ Տէր-Առաքելեան,

ուսուցիչ երաժշտութեան:

5. Կարապետ Չանիրէկեան, ուսուցիչ քերականութեան (1 մասի) և հայոց վայելչագրութեան:

6. Մկրտիչ Տէր-Մարտիրոսեան, ուսուցիչ հասարակ ընթերցանութեան ուսաց և վայելչագրութեան:

7. Բարդուղիմէոս Տէր-Թադէոսեան, ուսուցիչ հասարակ ընթերցանութեան հայոց:

Ուսուցիչների անունները մէջ առանձնապէս կանգ կառնենք երկու անձնաւորութեան վրա, որոնց մասին մեր ասելիքը շատ չի կարող լինել այստեղ: Նոցանից մէկը մեր սիրելի Մկրտիչ խալֆէն (Մկրտիչ Արաբաշեանն) է, որին նրան աշակերտածներս երբէք չենք մոռանալ: Դեռ կասես թէ երեկ էր, որ լսում էի նրա ձայնը. «Ծօ կտերը բերե՛ր ես». իսկ այդ «կտերը» հասկանալի էր ամենքիս. դա նշանակում էր, ուսման վարձը բերե՛լ ենք, թէ ոչ: Եթէ նա բարձր վայլուն ընդունակութիւններով չէր օժտւած, բայց նա պարզեատրւած էր բնութիւնից մի մեղմ, քնքոյշ բնաւորութեամբ, ու իրեն մեզ ամենքիս սիրելի դարձնող վարկեցողութեան ձևով:

Երկրորդ անձնաւորութիւնը 1863 թւին, այսինքն 1862—63 ուսումնարանական տարւայ ամառը, վախճանած Յակովբ քահանայ Մխիթարեանն է: Չեմ սխալիլ ասած լինել, որ նա իր ժամանակի ամենալուսամիտ անձնաւորութիւններից մէկն է եղել մեր քաղաքում: Իր ժամանակի կրթութեանը տիրապետող, տաղանդաւոր, բանաստեղծական ընդու-

նակութիւններով օժտւած, ահա Տէր-Յակովբը: Այս բոլորիս էլ դեռ ինձ մօտ է նրա մի քնարերգական անտիպ գրւածքը, որ արժէքաւոր գրական մի աշխատութիւն է:

Ուսուցչական կազմի միւս անդամները որքան և յարգելի անձնաւորութիւններ, այնուամենայնիւ առանձին կերպով աչքի չեն ընկել հասարակութեան մէջ, որ հնարաւոր լինէր նրանց մասին առանձնապէս խօսել:

1863 թ ի ի.

Իպրոցը կառավարւում է եռանձնեայ վերատեսչութեամբ. դասարանների թիւը 3. դասաւանդած առարկաների թիւը 11, ուսուցիչների թիւը 7. դասագինն յայտնի չէ. առարկաները վարձատրւում են տարբեր: Երաժշտութեան ուսուցիչն ստանում է տարեկան 84 ռուբլի, Քրիստոնէական վարդապետութեան և ազգային պատմութեան ուսուցիչը տարին 120 ռուբլի. Քերականութիւն և ճարտասանութեան ուսուցիչը 180 ռուբլի, Քերականութեան և թւաբանութեան (ուսւ լեզուով) ուսուցիչը տարին 120 ռ. Ռուսերէն ընթերցանութեան և վայելչագրութեան ուսուցիչը տարին 84 ռ. վայելչագրութեան և քերականութեան առաջին մասի ուսուցիչը տարին 84 ռ, և հայերէն հասարակ ընթերցանութեան ուսուցիչը տարին 60 ռուբլի:

Մուտք դրամազլխով միասին 3199 ռ. 51 կ. ծախք 1055 ռ, 81 կոպ. փոխանցելի 1864 թւի

համար 2143 ր. 70 կողմէկ. 1055 ր. 81 կողմ.  
ծախքի մէջ մտնում է նաև Հառիճեան ընկե-  
րութեան վճարած գումարը՝ 282 ր, 56 կողմ.

1864 Թ Ի Ի.

Դպրոցի վարչութիւնը գտնւում է նոյն ե-  
ռանձնեայ վերատեսչութեան ձեռքը. ուսուց-  
չական կազմը մնում է անփոփոխ. ուսուցիչ-  
ներից մէկի՝ Յակովբ քահանայ Մխիթարեանի  
մահւան պատճառով չի աւանդւում Քրիստո-  
նէական վարդապետութիւն և Ազգային պատ-  
մութիւն: Դասարանների թիւը մնում է երեք,  
ուսման ծրագիրը նոյնը:

Դպրոցի մուտքն է 3314 ր. 48 կողմ. ծախ-  
քըն է 941 ր. 23 կողմ. առձեռն մնում է ց՝ I-ն  
յունւարի 1865 թ. 2373 ր. 25 կողմ. դպրոցի  
դրամագլխի հետ միասին: Այդ թւին վճարւած  
է Հառիճեան ընկերութեանը 357 ր. 38 կողմ.

1865 Թ Ի Ի.

Դպրոցի վարչութիւնը նոյնն է: Դպրոցն  
առաջին քառամեակում ունի միայն երեք ու-  
սուցիչ, այն է Կ. քահ. Տէր-Առաքելեան, Մ.  
Արարաշեան և Յ. Լալայեան: Չեն աւանդւել  
հեռացած ուսուցիչների առարկաները: Մա-  
յիս ամսից սկսած ուսուցիչ է Մենքերիմ Տէր-  
Մատթէոսեանը, որ աւանդում է հասարակ ըն-  
թերցանութիւն և վայելչագրութիւն. ուճիկն է

5 բուբլի ամսական: Դպրոցն սկսում է ընկնել,  
հաշիւները լրիւ պահւած չեն. մուտքը տարւած  
է մինչի օգոստոսի 31-ը, իսկ ծախքը մինչի  
հոկտեմբերի 3-ը. այս ամսին ստացել են մի-  
այն 2 ուսուցիչ ուճիկ:

Մուտքն է 4273 բուբլի ծախքը 534 ր. 38  
կողմ. առձեռն մնացել է 3738 ր. 62 կ. Հառի-  
ճեան ընկերութեանը վճարւած է 135 ր. 23 կ.

Պաշտօնական այլ թղթերի բացակայու-  
թեան պատճառով չի բացատրւում թէ ինչո՞ւ  
է դպրոցն ետ գնացել, ինչո՞ւ հեռացած ուսու-  
ցիչների տեղ չեն հրաւիրւել նորերը: Անցեալ  
ըրջանների սովորութեան համաձայն վերատես-  
չութիւնը չի կատարել այս տարի որևէ ստու-  
գութիւն: Դպրոցի այդ տարտամ և խառնակ  
վիճակը չպէ՞տք է արդեօք դպրոցի ղեկավար-  
ների անհամաձայնութեան մէջ որոնել: Գրա-  
ւոր փաստեր չկան, բայց դա հաւանական  
պատճառներից մէկը կարելի է հաշւել, քանի  
որ դպրոցի պահպանութեան համար անհրա-  
ժեշտ միջոցը—նիւթականը—կար: Սա պատ-  
մական իրողութիւն է, որ 60-ական և 70-ա-  
կան թւականներին, յատկապէս, կային Ալէք-  
սանդրապօլում երկու իրար հակառակ կուսակ-  
ցութիւններ և Բաբայեաններն ու Կոստանեան-  
ները միևնոյն կուսակցութեանը չէին պատ-  
կանում: Գնահատումներ այդ կուսակցութիւն-  
ների վերաբերմամբ չենք կարող այստեղ անել,  
քանի որ դա մեր դպրոցին չի վերաբերում.  
բացի դրանից, երկու կողմերն էլ աշխատել են  
իրենց կարողացածի և հասկացածի ձևով օգտա-  
կար լինել վիճակային հոգևոր դպրոցին:

1866 — 67

Այս թւականից մենք հանդիպում ենք հոգաբարձական այլ կազմի, որ երևի ընտրութեամբ է պաշտօնավարում: Այդ կազմը գործում է մինչի 1872 թւի մարտ ամիսը, ասել է մօտ վեց տարի:

Նոր հոգաբարձուք են Յովսէփ աւագ քահանայ Կոստանեան, պօղպօրուչիկ Սիրական Գորոյեան, Գուբերնսկիյ սեկրետար Արշակ Վարդպատրիկեան և կապիտան Թադէոս Տիգրանեան որ և հոգաբարձութեան գանձապահն է: Այս շրջանում, ինչպէս տեսնում էք, այն ժամանակեայ տեղական մի կուսակցութեան ընտրեալներն են հոգաբարձուք: Այս թւականներում և մինչև 1868 թւի կէսը ուսուցիչները մնում են համարեա նոյնը. աւելանում է վերջերքը Աղաբէկ Արշակունի:

Ռոճիկն է ամսական 5—15 ըուբլի, ըստ նախկինի, նայելով ո՞վ և ի՞նչ առարկայ է աւանդում:

Ուսումնական տարին այս ամբողջ շրջանի համար եղել է յունւարից յունւար և այն, առանց արձակուրդի, տարին բոլոր ուսումը շարունակելով: Ուսումն եղել է միշտ ձրի, դասարանների թիւը մնում է միշտ նոյնը: Չնայելով յարաճուն ծախքերին, աւելացել են նաև եկամուտները: Ինչպէս յետոյ կտեսնենք 1867 թւից սկսած մինչի 1872 թիւը, 5 տարւայ ընթացքում դպրոցը ծախս է ունենում 10118 ռ. 21 կ. միջին հաշւով աւել քան 2000 ըուբլի տարեկան:

1867 թւին այդ հոգաբարձութիւնը տեղիս Հոգևոր Կառավարութեան միջոցով միջնորդութիւն է յարուցանում, որ իրեն թոյլ տրւի կրպակներ և վերան դպրոցական շէնք շինել այն տեղի վրա, որ Ներսէս Վ կաթուղիկոսը հայրապետական կոնդակով թողել էր Ալէքսանդրապօլի հայ հասարակութեանը:

Մինօդը հոգաբարձութեան այդ միջնորդութեանը չի պատասխանում: Այդպիսով հոգաբարձութեան այդ լաւ ցանկութիւնը մնում է անկատար: Այդ տեղի վրա յետոյ շինեցին ս. Փրկիչ եկեղեցին, կրպակներն ու ներկայ դպրոցական շէնքը (1880 թ.)

1867—1868 ՈՒՍՈՒՄՆ. ՏԱՐԻ.

Հոգաբարձական կազմը՝ վերեն յիշածս է, ինչպէս և ուսուցչական խումբը

Իսասարանների թիւն է 4 աշակերտների թիւը մնացել է ինչպէս և նախընթաց ամբողջ շրջանի համար, անյայտ: Բայց ենթադրելով, որ իւրաքանչիւր բաժնում 40—50 հոգի հազիւ լինէին, հապա այդ հաշւով նոցա թիւը կլինէր 150—200.

Հեռաքրքրական են նաև դասագրքերը. ահա նոքա, որ քաղում ենք դպրոցի աշակերտներին ձրիապէս բաժանող դասագրքերի ցուցակից 1868 թւից:

1. Պարզև մանկանց
2. Другъ дѣтей,
- 3 Քրիստոնէական մանր ուսմունք,
4. Ռուսերէն այբբենարան,
5. Ռուսերէն գեղագրութեան օ-



ըինակներ, 6. Քերականութիւն Պալատանեանի  
7. Հայոց պատմութիւն Գ. Արովեանի:

Եկամուտները և ծախսերը մասին նոր ա-  
սելիք չկայ, դոցա համապատասխան մատեան-  
ները չկան: Այստեղ հնարաւոր ենք համա-  
րում ասել, որ դպրոցի գրամագլուխը տարեց  
տարի աճել է, ու այդ տարումն էլ, ինչպէս և  
հնումն, դպրոցը փող է խնայում: Դպրոցի գու-  
մարները շահագործումը գնում է նոյն եղա-  
նակով, այսինքն մասնաւոր մարդկանց ձեռքով  
12%-ով: Այդ մասին խօսք կլինի 1872 թւի մէջ:

Եկնքը նոյնն է. հին խարխուլ. նորի թոյլ-  
տուութիւն դեռ չկայ:  
Սրանով փակուում է այս շրջանը:



II.

## Ծ Ա Ղ Կ Մ Ա Ն Շ Ր Ձ Ա Ն

(1868 - 85)

### ԸՆԴՀԱՆՈՒՄ ՊԱՏԵՒԹՅԱՆ

Դպրոցի գոյութեան այս շրջանն իրաւամբ  
կարող է կոչուել ծաղկման շրջան, քանի որ  
1868—69 ուսումնարանական տարւանից ըս-  
կած դպրոցը մտնում է ներկայ տիպի գրպ-  
րոցների շարքը: Այդ տարւանից սկսում է  
այնպիսի առարկաների դասաւանդութիւն, ինչ-  
պէս են Արքայան պատմութիւն, աշխարհա-  
գրութիւն և այլն, որ հին շրջանին մնացել են  
միշտ խորթ: Բայց որ գլխաւորն է, փոխում է  
դասարանական հին սխտեմը, աշակերտները  
բաժանում են ըստ գիտութեան և հասակի ու  
ամեն դասարան ստանում է մի ամբողջական  
պատկեր՝ ուսուցման ընդհանուր մի ծրագրով,  
որ քանի գնում ճոթանում է նոր առարկանե-  
րով և ծաւարով: Դուրս է ձգուում հին ժամա-  
նակայ գիտութեան գրուխ գործոցը՝ ճարտա-  
տանութիւնը:

Այդ շրջանի հէնց սկզբում դպրոցը բաժան-

լած է եղել երկու մասի, նախակրթարանի կամ պատրաստական բաժանմունքի և դասարանի: Նախկին երեք դասարանը բաժանուով է երկու պատրաստականի և առաջին դասարանի: 1871-72 ուսումնարանական տարում մենք հանդիպում ենք դպրոցում 2 պատրաստական բաժանմունքի և 3 հիմնական դասարանի:

Այս ամբողջ շրջանի դպրոցի ծաղկման պատճառները պիտի որոնենք ոչ միայն ընդհանուր մտաւոր շարժումի մէջ ուսուստանում և մեզ մօտ, այլ նաև այն հանգամանքի մէջ, որ ժամանակի լաւագոյն ուժերից հրաւիրւում են հոգևոր դպրոցի տեսուչ և ուսուցիչ: Այս քիչ է, որպէսզի այդ ուժերը գնահատւին, պէտք էր որ ժողովուրդն ինքն էլ հետաքրքրւէր դպրոցական գործով, ու դպրոցի ղեկավարութեան համար առաջ քաշէր մարդիկ, որոնք իր ժամանակի էն առաջադէմ տարրերն էին կազմում:

Այսպէս, 1872 թւից սկսած հոգաբարձուի պաշտօնում տէսնում ենք համալսարանաւարտ մարդիկ: Այդպիսիների մէջ առաջինն է եղել բժշկապետ Աւետիք Բաբայեանը (1872 թւին) և նոյն կազմի մէջ անձնափոխանորդ՝ բժիշկ Գաբրիէլ Յովհաննիսեանը: Մանկավարժական կազմի մէջ եղել են սկզբներում Ս. Բէկնազարեան, Ղազարոս Աղայեան, բժ. Գ. Յովհաննիսեան, Հայկ Մատակեան և այլն, որոնք, թէ համաքաղաքացի և թէ օտարներ եղել են ժամանակի լաւագոյն ուժերից, և որոնց շնորհիւ դպրոցը նոր — այս շրջանին յատուկ կերպարանք է ստացել ու լաւ անուն հանել:

1868 թւից սկսած վերանում է նախկին եռանձնեայ վերատեսչութիւնը, նա կոչւում է հոգաբարձութիւն, կազմւած չորս հոգուց: Այդ և յետագայ բոլոր ժամանակի ընթացքում, մինչև որ Մակարի տւած կազմակերպութեամբ մեր դպրոցները կդառնային ծիսական դպրոցներ, հոգևոր դպրոցի հոգաբարձութիւնն ընտրւում է Ալէքսանդրապօլի հայ համայնքի ձեռքով: Նոյն էր, ինչպէս տեսանք, նաև նախընթաց շրջանում: Հոգաբարձական կազմն ընտրւելու ժողովը չէր հրաւիրում եկեղեցին, այլ քաղաքի ղեկավարական վարչութիւնը: Այդ շրջանից սկսած, պահանջ է դառնում, որ ժողովրդից սկսած հոգաբարձական կազմը հաստատուի հոգևոր բարձր իշխանութիւնից: Այդ ժամանակից է սկսւում նաև կրկնակի հաշւետւութիւնը. մէկը հասարակական՝ իրենց ընտրող ժողովին և միւսը հոգևոր իշխանութեանը: Այդ թւից սկսած ամենայն տարի ուղարկւում են դպրոցի տարեկան ել և մտից մատեանները տեղական հոգևոր կառավարութեան ձեռքով թեմական ատեանին:

Դպրոցի եկամուտները մնում են նոյնը, մի փոփոխութիւն սակայն, աչքի է ընկնում:

Մինչ այդ, Աստուածածնայ պատկերի խորանի ամբողջ եկամուտն ու նրա վրա հսկողութիւնը գտնւում էր հոգևոր դպրոցի վարչութեան ձեռքը. նա գանձւում էր նախ դպրոցի դրամարկղը և ապա ամբողջ եկամտի մի մասը արւում էր Հառիճեան ընկերութեանը: Այդ կարգը փոխւում է 1868 թւից: Հոգևոր իշխանութեան միջամտութեամբ Աստուածածնայ

Այս փոփոխութիւնը որ պարտաւորութիւններ հարկաւորութիւններ

խորանի հսկողութիւնը վերցնում են հոգաբարձութեան ձեռքից և յանձնում երկու քահանայի: Իոցանից մէկն է Յովսէփ աւ. ք. Կոստանեանը, որ միաժամանակ և Հառիճեան ընկերութեան անդամ էր, և միւսը Մարտիրոս ք. Տէր-Կարապետեան:

Սա անկասկած, մի սարքւած անվտանգութիւն էր դէպի հասարակական հսկողութիւնն ու նրա ընտրած հոգաբարձութիւնը: Արգէն պիտի ասենք, որ Հառիճեան ընկերութեան առթիւ այնուհետև բազմանում են հասարակութեան մէջ մտքերի և հասարակական գործերը կառավարելու եղանակի իրար բաղխելը: Իսկ լինում է մի առիթ, որ մեզանում դպրոցական գործի և նրա ղեկավարելու շուրջը կազմւեն իրար հակամարտ երկու ուժեր, հասարակական երկու հոսանքներ: Այդ հոսանքները կորիզն էին ապագայ երկու — պահպանողական և ազատական կուսակցութիւնների:

Սկսած այս տարւանից շարունակաբար նաև յետագայ շրջաններում, պահպանողական կուսակցութիւնը և Հառիճեան ընկերութիւնը յենւել է միշտ հոգևոր բարձր իշխանութիւնից ձեռք բերած հրամանների վրա. իսկ ժողովրդական սկզբունքներով ղեկավարուող ու գործունէութեան իր իրաւունքը ժողովրդական ընտրութեամբ ստանձնած հոգաբարձութիւնները յենւում էին նոյն ժողովրդի, իրենց ընտրող հասարակութեան իրաւունքի վրա: Իսկ այդ իրաւունքն էր ղեկավարել գործերը համայնքի ընտրութեամբ, հաշիւ տալ և իր գործունէութեան համար պատասխանատու լինել ամենից

առաջ իրեն ընտրող հասարակութեանը:

Ինչ որ է, փաստն այն է, որ 1868 թւից սկսած Սասաւածաձնայ խորանի եկամուտներն յիշածս երկու քահանայք նախապէս ներկայացնում էին Հոգևոր Կառավարութեանը, ու յետոյ բաժանւում երեք մասի, երկուսը յանձնւում էր հոգևոր դպրոցի կառավարութեանը իսկ մնացած մի մասը Հառիճեան ընկերութեանը:

Նշանակալից է այն, որ հոգևոր իշխանութեան գորեղանայն իմաստ ժողովրդական սկզբունքի մեզանում սկսւում է Գէորգ կաթողիկոսի օրով: Պատմութիւնից մեզ յայտնի է, որ նա Պոլսում ազգային սահմանադրութեան գրչուխ գալու շրջանում, հակասահմանադրական է եղել: Հոգով պահպանողական, նա պէտք է և այստեղի գործերում նոյն ոգով արտայայտւէր: Այդ պարզ կերպով երևան է գալիս Սասաւածաձնայ խորանի եկամուտների նկատմամբ արւած կարգադրութեամբ: Այդ եկամուտներն եկեղեցական եկամուտներ են, իսկ եկեղեցին կառավարւում է ժողովրդի ձեռքով, ժողովուրդն էլ իր ընտրած հոգաբարձութեան միջոցով պիտի գանձէր այդ եկամուտներն ու ծախսէր, ինչպէս այդ նոյն ժողովուրդը կարգադրել էր, հոգևոր դպրոցի վրա:

Այդ եկամուտների նկատմամբ արւած վերջին կարգադրութիւնը, որի մասի վերը խօսեցինք, յայտնի կերպով կրկնակի միջամտութիւն էր հոգևոր իշխանութեան կողմից ի վնաս ժողովրդական իրաւունքների: Յետագայ բոլոր ժամանակներում մեր հոգևոր վարչութիւնը կարգադրել է Սասաւածաձնի խորանի եկամուտ-

ների բաշխումն ըստ իր հայեցողութեան: Իրա-  
ւունքի այդպիսի կիրառմամբ հոգևոր դպրոցն  
այսօր զրկւած է եկամտի այս աղբիւրից: Ամ-  
բողջ գաւառին պատկանող և ամբողջ գաւառից  
իր հասոյթներն ստացող մի սրբութեան եկա-  
մուտներն իրաւամբ կարող էին ամբողջ վիճա-  
կին պատկանող մի դպրոցի վերապահել:

Դպրոցի գոյութեան առաջին շրջանում  
դպրոցում տիրապետել է գրաբառը: Հոգաբար-  
ձութեան գործերն ու թղթերը գրաբառ են գրւել:

Դպրոցի ծաղկման-երկրորդ-շրջանում ի-  
րար են բաղխւում հին ու նոր լեզուները: Հո-  
գաբարձութիւնը մնում է գրաբարեան, ման-  
կավարժական ժողովն աշխարհաբարեան, բայց  
ոչ հէնց սկզբից, այլ 1872—73 ուսում. տարւա-  
նից վերջնականապէս: Հոգաբարձութիւնն իր  
բոլոր գրագրութիւննիրի մէջ մնում է գրաբար-  
եան մինչի 1876 թիւը. այնուհետև գործերն  
ու այլ թղթեր գրւում են աշխարհիկ նոր լեզ-  
ւով, այդ լեզւով է գրում նոյն իսկ Ս. վ. Պար-  
զեանը: Գրաբառ են գրւում միայն հոգևոր իշ-  
խանութեան հետ եղած թղթակցութիւնները:

1868 - 69 ՈՒՍՈՒՄՆ. ՏՄՐԻ.

Հոգաբարձական կազմը նոյնն է, դպրոցի  
նիւթական միջոցները շարունակում են մնալ  
հինը: Այս թւի տւած տեղեկութիւնները շատ  
հարուստ են դպրոցական ուսման ծրագրի և  
դասարանների կազմի մասին: Դասարանները  
5 են՝ այս ձևով, կայ պատրաստական մի դա-

ասրան, մի առաջին, մի երկրորդ, էլի մի  
երկրորդ, սակայն ոչ գուզընթաց, այլ իր ծրա-  
գրով աւելի պակաս, որ իսկապէս պէտք է առա-  
ջին դասարան հաշւել, իսկ առաջինը մեծ պատ-  
րաստական, և վերջապէս մի երրորդ դասարան:

Այդ դասարաններում աւանդւում են ընդ-  
հանուր առմամբ հետևեալ առարկաները. —

- |                      |   |              |   |                 |
|----------------------|---|--------------|---|-----------------|
| 1. Քրիստոնէական,     | } | Հայոց լեզւով |   |                 |
| 2. Կարևոր աղօթք,     |   |              |   |                 |
| 3. Սրբազան պատմութ.  |   |              |   |                 |
| 4. Ընթերցանութիւն,   |   |              |   |                 |
| 5. Հայոց պատմութիւն, |   |              |   |                 |
| 6. Քերականութիւն,    |   |              | } | աւանդւող        |
| 7. Աշխարհագրութիւն,  |   |              |   |                 |
| 8. Երաժշտութիւն,     |   |              | } | Ռուս լեզւով դա- |
| 9. Վայելչագրութիւն,  |   |              |   |                 |
| 10. Ընթերցանութիւն,  |   |              |   |                 |
| 11. Առակախօսութիւն,  |   |              |   |                 |
| 12. Թւաբանութիւն,    | } | սաւանդւող    |   |                 |
| 13. Թարգմանութիւն,   |   |              |   |                 |
| 14. Վյելչագրութիւն,  |   |              |   |                 |

Ուսման այս ծրագիրը բաժանելով դասա-  
րանների վրա՝ կատանանք այս պատկերը. — Գ.  
և երկրորդներում աւանդւում են առաջ բեր-  
ւած բոլոր առարկաները՝ բացի հայերէն ըն-  
թերցանութիւնից: Ա. դասարանում չեն աւանդ-  
ւում սրբազան պատմութիւն, քերականութիւն,  
աշխարհագրութիւն, և ուսներէն աւանդւող ա-  
ռարկաներից առակախօսութիւն. նախակրթա-  
րանում աւանդւում են կարևոր աղօթք, ըն-

Թերցանութիւն (հայ և ռուս.) և Թւարանութիւն:

Ուսման այս ծրագիրն սկսել է գործել այս ծաւալով 1868 ռուսումն. տարւանից:

Աշակերտների թիւն այդ բոլոր դասարաններում եղել է 149, դասաւորւած լինելով այսպէս. — նախակրթարան 59, ա. դասարան՝ 60, բ. դասարան 15, բ. բարձր դասարանում 6, և գ. դասարանում 8 աշակերտ:

Դասագրքերն են, «Պարզե մանկանց», «Քրքիստոնէական մանր ուսմունք», «Другъ дѣтей», «Ռուսերէն այբբենարան». «Քերականութիւն Պալասանեանի», «Աշխարհագրութիւն Կորնելի» ռուսերէն, «Գործնական դաս. ուսու լեզուի», «Ընդհանուր պատմութիւն» ռուսերէն, և այլն:

Սա բերինք իբր նմուշ, ցոյց տալու համար, թէ այս շրջանի հէնց սկզբում ի՞նչ կերպ է նայւում ռուսացման գործի վրա: Մենք յետոյ կտեսնենք, որ յաջորդ տարիներում ուսման ծրագիրն աւելի ու աւելի ստանում է ժամանակակից դպրոցին վայել կերպարանք:

Ուսումնարանական այս տարուց սկսւում է ամառնային արձակուրդներ անելու սովորութիւնը, դպրոցական տարին վերջացնելով ընդհանուր քննութիւններով: Սակայն ժամանակակից մի ուսուցչի — պ. Ադարէկ Արշակունու ցուցմունքով սկզբի տարում այդ արձակուրդը լրիւ ամառնային արձակուրդ չի եղել. այդպիսի արձակուրդներ անելն յետոյ՝ տարեցտարի է առաջ եկել և սովորութիւն դարձել:

Ուսուցչական կազմի վրա 1868 թւի առաջին կիսուսն աւելացել է բացի Ա. Արշակունուց

նաև Մարտիրոս ք. Տէր-Պօղոսեանը: Վերջինս նշանակւել է ուղղակի էջմիածնի սինօզի կողմից (23 մարտ № 527 հրաման) հոգևոր դպրոցի կրօնուսոյց: Այդ պաշտօնում նա մնում է մինչի 1873 թւի օգոստոս ամիսը, երբ նա համաձայն իր հրաժարական գրութեան արձակւում է դպրոցի կրօնուսոյցի պաշտօնից:

1869 — 70 ՈՒՍՈՒՄՆ ՏԱՐԻ

Այս ուսումնական տարւայ մասին առանձին բան չունենք ասելու, ամեն ինչ շարունակւում է ըստ նախընթաց տարւայ: Բայց այս տարին պիտի հաշւել խմորումներին տարի դպրոցի ծրագրի մէջ խոշոր փոփոխութիւններ անելու համար: Այդ փոփոխութիւնները մըտնում են յաջորդ տարում:

Ուսումնարանական տարին վերջացել է յուլիսի 2-ին. այս և յաջորդ Քարում մինչի 1870-ի վերջը դպրոցում եղել է և տեսուչ, որ էր Միքայէլ Միքայէլեանը

1870 — 71 ՈՒՍՈՒՄՆ ՏԱՐԻ

Այս ուսումնար. տարում յատկապէս նրա երկրորդ կէսից դպրոցն ստանում է մի պատկառելի կերպարանք. նա ուսման ծրագրի նրկատմամբ անում է մի խոշոր քայլ դէպի առաջ:

Մի քանի

Ստորագրւած

- Աւաղնւել են հետեւեալ առարկաները:
1. Կրօն,
  2. Հայոց լեզու,
  3. Հայաստանի և ընդհանուր աշխարհագրութիւն,
  4. Տեղագրութիւն (ներկայ մաքով հայրենագիտութիւն,
  5. Թելագրութիւն,
  6. Ռուսաց լեզու,
  7. Գերմաներէն,
  8. Բնական պատմութիւն,
  9. Թւարանութիւն,
  10. Երկրաչափութիւն,
  11. Նկարչութիւն,
  12. Վայելչագրութիւն (Հ. և Ռ.),
  13. Երգ (ազգային),
  14. Երգ (շարականներ),
  15. Մարմնամարզութիւն,

1871 թւից (փետրւարի 1) դպրոցում ըսկսում է պաշտօնավարել Սարգիս Բէկնազարեանը, որ ուսել էր Յիւրիս Կանտոնի Կիւսնախտ (Küssnacht) քաղաքի ուսուցչական սեմինարեան, որ բաւականին լաւ համբաւ ունի: Բէկնազարեանն աշխատում է հոգևոր դպրոցին ժամանակի պահանջներին յարմար մի պատկեր տալ: Նրա ջանքերով մտնում են դպրոցի ուսման ծրագրի մէջ գերմաներէն, բնական պատմութիւն, երկրաչափութիւն, տեղագրութիւն, մարմնամարզութիւն և այլն: Սա բնական հետեւանքն էր իր ստացած կրթութեան:

1871 թւից փոխւում է դպրոցի դասարանների անւանումը: Նորա կոչւում են առա-

ջին և երկրորդ դուզնթաց բաժանմունքներ՝ առաջին աստիճանի, և ապա երկրորդ աստիճանի դասարան: Այդ երեք բաժանմանց մէջ եղել են 111 աշակերտ: Մնացած դասարանների մասին չեն մնացել տեղեկութիւններ: Դասարանները այդպիսի անւանումները շարունակում են սրանից յետոյ էլ առժամանակ՝ քննական ցուցակներում:

Հոգաբարձական կազմը նոյնն է, զորոցի մուտքի և ելքի հաշեւատեան չկայ: 1871-72 ՈՒՍՈՒՄԸ ՏՍՐԻ

Հոգաբարձական կազմը նոյնն է մինչև 1872 թիւ մարտը: Այս տարւայ փետրւարին տեղի են ունենում հոգաբարձական ընտրութիւններ, որոնք և որոշում են հոգաբարձական կազմի համար մի նոր խնդիր: Մինչ այդ, հոգաբարձութիւնը քառանդամ էր, այդ շրջանից սկսւում է հոգաբարձութեան կազմը լինել վեց հոգուց և օժանդակ անդամներ (անձնափոխանորդներ) նոյնպէս վեց: Ընտրութիւնը կատարել է Ալէքսանդրապօլի հայ հասարակութիւնը, իսկ ընտրական ժողով հրաւիրողն եղել է ոչ թէ հոգևոր իշխանութիւնը կամ ծխական եկեղեցին, այլ քաղաքի ղեպուտատները: Այստեղ կարևոր եիք համարում առաջ բերել հոգաբարձական այդ ընտրութիւնն հաստատող հայրապետական կոնդակը:

«Գէորդ՝ ծառայ Քրիստոսի և անհասանելի կամօքն Սասունձոյ եպիսկոպոսապետ և կաթո-

զիկոս ամենայն հայոց ծայրագոյն պատրիարք համագգական նախամեծար Աթոռոյ Արարատեան Առաքիլական Մայր եկեղեցւոյ սրբոյ Կաթողիկէ Էջմիածնի Հոգևոր Կառավարութեան Հայոց Աղէքսանդրապօլու ծանուցանեմք:

Ի յայտարար գրութենէ ձերմէ, որ ի 10-ն այսր փետրւարի համարաւ 149 ծանեաք զբարեպաշտ և Աստուածասէր ժողովուրդք մեր որ յԱղէքսանդրապօլ քաղաքիդ ի ձեռն դեպուտատաց իւրեանց ընտրեալ են ի պաշտօն հոգաբարձութեան հոգևոր ուսումնարանի տեղւոյդ ի տեղի կամովին հրաժարեալ նախկին հոգաբարձուաց զյարգելի անձինս զԱւետիքն Նալեանց, զՊրապրչիկ Յակովբն Մատակեան, զԳուբերնակիյ սեկրետար զԱրշակն Վարդպատրիկեանց, զԲժիշկ Աւետիք Բաբայեանց, զՅովհաննէսն Սահրատեանց և զՎարոսն Քեօսայեանց. և յօժանդակութիւն նոցին հոգաբարձուաց ընտրեալ են զՅարութիւնն Վանեցեանց զՅովհաննէսն Կոստանեանց, զԿարապետն Անանիկեան, զՄարքարն Տէր-Պետրոսեանց, զըշտապս-կապիտան Թադէոս Տիգրանեանց և ըզբժիշկ Գաբրիէլն Յովհաննիսեան, ուստի այսու մերով Հայրապետական կոնգակաւ հաստատելով զյիշեալ պարոնայսն ի պաշտաման իւրեանց, լիայոյս ենք ըստ ամենայնի թէ՛ նոքա գտանձնեալ պաշտօնն իւրեանց տեառն շնորհիւ ամենայն արիութեամբ և արդիւնաբերութեամբ յառաջ վարել ազգասիրական եռանդեամբ փառաւոր կացուցանել յաշխարհի և նըշանաւոր առնել, առ որ և մեք մաղթեմք առ Աստուած զօրացուցանել և արիացուցանել ըզ-

յարգելի հոգաբարձուսն և զօժանդակն նոցին ի պաշտամանն իւրեանց յօգուտ ազգի և եկեղեցւոյ, և զհրաժարեալ անդամս հոգաբարձութեան վարձատրել յերկնային անսպառելի պարգևաց իւրոց: Իսկ Հոգևոր Կառավարութեանդ պատւիրեմք յիշեցուցանելով հոգաբարձուաց այնոցիկ զպարտաւորութիւնս իւրեանց հրաւիրել ի վարումն պաշտամանն ըստ ամենայնի ջերմեռանդութեամբ և անձնէր ազգասիրութեամբ, առ ի ցաւել ևս բարեկարգութեան վերածել զգրութիւն զպրոցին ըստ ուսումնական և ըստ տնտեսական մասին»:

Քերթ Կաթողիկոս ամենայն Հայոց

№ 89

29 փետրուարի 187-ն ամի:

Շատ բնական է, որ հին հոգաբարձութիւնը գործերն ու զպրոցական գոյքն յանձնէր նոր հոգաբարձութեանը օրինասահման կարգով: Եւ իրօք, զպրոցի 1872 թւի № 1 գործի մէջ մենք գտնում ենք այդ առթիւ բոլոր ապացոյցները: Նախկին կամովի հրաժարեալ հոգաբարձութիւնը յանձնում է ութը զանազան ցուցակներով զպրոցի ամբողջ ստացւածքը նոր հոգաբարձութեանը՝ իր ամբողջ կազմի ստորագրութեամբ: Առաջին ցուցակը պարունակում է զպրոցի ղրամագլուխը՝ պարտամուրհակներով: Երկրորդը՝ հին հոգաբարձութեան պաշտօնավարութեան ընդհանուր ծախուց և մտից է վերաբերում՝ սկսած 1867 թւից. երրորդը՝ նոյնի համառօտութիւնը. չորրորդը՝ զպրոցի

գործերինն է. հինգերորդը՝ հոգևոր ուսումնա-  
րանի կրպակներինն է, ուր նշանակած է, թէ  
ովքեր են կրպակապաններն ու տարեկան ինչ  
վճարով: վեցերորդը՝ նոյն կրպակների երկու  
քանոսանքների վճարման մասին. եօթներոր-  
դը՝ դպրոցապատկան զբքերի և այլ իրեղէննե-  
րի մասին. ութերորդը՝ դպրոցի ամենատեսակ  
ստուգւածքների:

Այդ ցուցակներինց մեզ յայտնի է դառնում  
որ դպրոցը ունեցել է գործերը նոր հոգաբար-  
ձութեանն յանձնելու ժամանակ 12216 ռ. 70 կ.  
հասնող մի դրամագլխի:

Այստեղ խիստ աչքի է ընկնում, որ հին  
հոգաբարձութիւնը ցոյց տալով 1868 թւից  
սկսած մինչև յանձնման օրը 18964 ռ. 55 կ.  
ընդհանուր մուտք, դրանից հանում է 1867  
թւից մինչև յանձնման օրը ծախսւած 8846 ռ.  
34 կոպ. գումարը: Չի պարզւում, թէ ինչպէս  
է պատահել, որ 1867 թւի ծախսը հաշւել են,  
իսկ մուտքը ոչ: Այդ յանձնողական ցուցակնե-  
րինց պարզւում է, որ հին հոգաբարձութիւնը  
բացի ժապաւիտեալ մատեանների մէջ յիշւած  
դպրոցական դրամագլխից, ունեցել է և այդ  
մատեանների մէջը չպրւած գումարներ, որոնք  
և յանձնել է նոր հոգաբարձութեանը: Դպրո-  
ցական արտաբոյ ժապաւիտեալ մատեանի գու-  
մարն է 2098 ռ. 49 կ. ինչպէս է հոգաբարձու-  
թիւնն այս վերջին գումարների հաշիւը պա-  
հել: Կնար չեղաւ պարզել:

Դպրոցի դրամագլխի շահեցնելու եղանակը  
մնացել է նոյնը, բայց այժմ մի քանի անձանց  
վրա կան արդէն խոշոր գումարներ, օրինակ

պօղ-պօլիովսիկ Յովհ. Տիգրանեանի վրա 2800  
ռ. Ս. և Յ. Սահրատեանների վրա 1356 ռ. 4.  
Չալթիկեանի վրա 979 ռ. 87 կ. Յ. և Մ. Տէր-  
Յակովբեանների վրա 1000 ռ. Սահակ և Յա-  
կովբ Իսահակեանների վրա 735 ռ. 60 կ. և  
այլն:

1867—72-ի մարտ ամիսը դպրոցի վրա ե-  
ղած ծախսերի մեծ քանակութիւնը (8846 ռ.  
34 կ.) բացատրւում է նրանով, որ 1870 թւին  
շինւում է դպրոցի շէնքի շարունակութիւնը՝ մի  
դահլիճ և մի դասարան:

Դպրոցի ուսման ծրագիրը նոյնն է: Ու-  
սուցչական խումբը կազմւած է հետևեալ ան-  
ձերից:

1. Սարգիս Բէզնազարեան, տեսուչ.
2. Մկրտիչ Արաբաշեան,
3. Աղաբէկ Արշակունի,
4. Մարտիրոս ք. Տէր-Պօղոսեան,
5. Սենեքերիմ Տէր-Մատթէոսեան,

Մնացածների անունը անյայտ:

Դպրոցն ունի 5 դասարան—2 պատրաստա-  
կան և 3 դասարան. աշակերտների թիւն է  
տարեվերջը՝ 132:

Հոգևոր դպրոցի այս կերպարանքն ընդու-  
նելուն մասնակից է եղել անշուշտ ժամանակի  
Հայրապետական փոխանորդ Գրիգոր եպիսկո-  
պոս Աղափիրեանը, որն և հոգաբարձութեան  
նախագահն է եղել:

Թէ ինչ կարգադրութեան հիմամբ է եղել  
որ փոխանորդն ի պաշտօնէ լինի հոգաբարձու-  
թեան նախագահ, մնաց անորոշ: Յաջորդ տար-  
ւայ մի գործից երևում է, որ նոյն հոգաբար-



ձուլիւնը հրաւիրում է Ալեքսանդրապօլի նոր փոխանորդ Սուքիաս վարդապետ Պարզեանին մասնակցելու իր նիստերին իբր նախագահ: Հոգաբարձուլիւնն այդ բանը հիմնաւորում է մի «կանոնով» որ մենք դպրոցի գործի մէջ չգտանք:

Դպրոցի գործերի մէջ չգտնւեց նոյն տարւայ հաշւեմատեանի ոչ սևագրութիւնը և ոչ էլ որևէ գործ, որ կարողանայինք եկամուտների և ծախսի մասին որևէ բան ասել: Ընդունած նոր սովորութեան համաձայն տարեկան հաշւեմատեանները պիտի ղրկւէին Հոգևոր Կառավարութիւն:

1873 թւի մի գրութիւնից երևում է, որ դպրոցի նախկին հոգաբարձութիւնը հրաւիրել է Ս. Բէկնազարեանին 500 բուբլի ոտձկով: Մնացած ուսուցիչների ոտձիկները ինչպէս երևում է դպրոցի գործերից, եղել է ամսական 10—50 բուբլի:

Դպրոցի 1872 թւի № 1 գործի մէջ գտնւում է մի խնդիր, որով թոյլտուութիւն են ուզում հոգևոր դպրոցի հոգաբարձութիւնից նրա հովանաւորութեան տակ «նախակրթարան» անուենով մի դպրոց բանալ: Այդ խնդրի հետ ներկայացրել են և մի կանոնադրութիւն: Դպրոցի ղեկավարն էր լինելու Դազարոս Աղայեանը՝ յետագայում մեր ամենիս սիրելի Դազարոսը: Այդ դպրոցը բացւում է, բայց շատ չանցած Աղայեանը հրաւիրւում է հոգևոր դպրոցի դասատու:

Գրանց

Գրանց

1872—73 ՈՒՍՈՒՄՆ. ՏԱՐԻ.

Հոգաբարձական կազմն արդէն յիշածս է: Հաշւեմատեանի սևագրութիւն դարձեալ չէ պահւած:

Դպրոցն ունի երկու պատրաստական և երեք դասարան. դասաւանդող առարկաները մնում են նոյնը: Աշակերտները բաժանւած են ըստ դասարանների:

Այս տարում ջանքեր են լինում դպրոցին մի նոր կանոնադրութիւն տալ, որ հաստատուել է նաև Գէորգ կաթողիկոսից: Գործերի մէջ այդ կանոնադրութիւնը չտեսանք: Չանքեր են լինում նաև ուսման նոր, մանրամասն ծրագիր կազմելու համար: Դպրոցի տեսուչ Ս. Բէկնազարեանի մի յայտարարութիւնից երևում է (4 յունւարի 1873 թ.), որ թէ իր և թէ նախկին հոգաբարձական կազմի մեծ ջանքերից մէկն է եղել «գուն գործել բարձրացուցանելոյ գորպրոցն յաստիճան թեմական դպրոցի»: Եւ իրօք, մեր այս դպրոցն հէնց իր հիմնման սկզբից՝ Երևանի թեմական դպրոցի նման կոչւել է հոգևոր դպրոց: Ալեքսանդրապօլի փոխանորդներն էլ կոչւել են սկզբներում փոխանորդ թեմին Հայոց Ալեքսանդրապօլու: Սկզբնական թեմականներն եղել են արքեպիսկոպոսներ, եպիսկոպոսներ:

Թեմայից դպրոց

Ուսուցչաց կազմը հետևեալն է. 1. Սարգիս Բէկնազարեան, նաև տեսուչ. ստանում է ամսական 58 բ. 63 1/2 կոպ. 3. Հայրապետ Ղուկասեան 50 բ. 3. Հայկ Մատակեան, 33 բ.

63<sup>1</sup>/<sub>3</sub> կողմ. 4. Աղաբէկ Արշակունի, 25 ռ. 5. Սարգիս Արաբաշեան, 20 ռ. 6. Սենեքերիմ Տէր-Մատթէոսեան, 14 ռ. 25 կ, 7. Աղաբէկ Ամիրեան, 13 ռ. 8. Մարտիրոս ք. Տէր-Պօղոսեան, 10 ռ. 9. Աղէքսանգր ք. Տէր-Ամասունեան, 10 ռ. Այսպէս ուրեմն ինն ուսուցիչ՝ ամսական 234 ռ. 52 կ. ոռճկով. սրա վրա աւելացնելով ծառայի ստացած 6 ընկելին, կանէ 240 ռ. 52 կ. այս հաշուով դպրոցի ծառայողներին տարեկան ծախսուում է 2886 ռ. 24 կողմէկ. մի պատկանելի գումար՝ այն ժամանակների համար: Տարւայ մէջ աւելացել են իբր ուսուցիչ Նազարէթ Նալպանդեան, 14 ռ, ոռճկով և իբր գործավար հոգաբարձութեան Կ. Զանիբէկեան՝ 6 ռ. ամսական ոռճկով:

Այդ տարին մուտք է եղել Աստուածածնայ խորանից 1590 ռ, 43 կ. դպրոցի մնացած ծախսերը ծածկւել են Մութաֆեանի ընկերակցութեամբ շինած կայքերի եկամուտներով, պատահական նւէրներով, դրամագլխի օձուով, աշակերտական ուսման վարձով, որ 1870 թւից արդէն մուտք է գործել: Այս տարում խորանին խոնտացած նւէրների քանակութիւնն է 882 գան, 95 ուլ, 13 ոչխար. 4 դոշ, 76 հորթ, 29 մողի, 2 երինջ, 4 արջառ, 4 թոխլի, 111 սովար 14<sup>1</sup>/<sub>3</sub> կոտ ցորեն և 11 սովար 1 կոտ գարի:

Այստեղ աւելացնեմ, որ այդ և առաջի տարիներում սովորական է եղել ուսուցիչների ոռճիկը նիւթեղէնով, օրինակ գառով ուլով և այլն լրացնել:

Աշակերտական ուսման վարձը, մի ցոցակից քաղելով, տարբերւել է 1-22 ռ. մէջ. ա-

մասնաւոր արձան

շակերտների մօտ 20<sup>1</sup>/<sub>3</sub>-ը այնուամենայնիւ ձրիավարժ է եղել:

Որովհետև հոգևոր դպրոցը չէ ունեցել սեփական արտաքնոց և աշակերտներն օգտւելիս են եղել հասարակաց արտաքնոցով որ գտնուում էր դպրոցից հեռու, հոգաբարձութիւնը որոշում էր դպրոցի գաւթում մի արտաքնոց շինել: Բայց դպրոցի նեղ գաւթում տեղ չկայ, ուստի և դիմում են Հոգևոր կառավարութեանը որ թոյլ տայ հին յաջորդարանի արտաքնոցին կից գետնից օգտւել արտաքնոցներ շինելու համար:

Հոգևոր իշխանութիւնը հնարաւոր է գրտնում դպրոցին թոյլ տալ ժամանակաւորապէս օգտւել այն հողաբաժնից, առանց որ այդ հողաբաժինը յօգուտ դպրոցի օտարացնւի (25 յունւարի 1873 թ. № 201) ու միանայ դպրոցապատկան կից գետնի հետ: Այստեղ այս կարևոր էր յիշել, ցոյց տալու համար, որ հոգևոր դպրոցն ու իր գաւթի զատ է եղել հին յաջորդարանի և էջմիածնապատկան կրպակների տեղից: Այդ երկու հողաբաժինները պատկանելիս են եղել տարբեր հիմնարկութիւնների, մէկը դպրոցին միւսը էջմիածնին:

1873 - 74 ՈՒՍՈՒՄՆ. ՏՍՐԻ

Հոգաբարձական կազմը նոյնն է, միայն տարւայ մէջ հրաժարւում են քաղաքիցս բացակայելու պատճառով բժ. Ա. Բաբայեան և Արշակ Վարդպատրիկեան. նոցա տեղ հրաւիրւում են անձնափոխանորդները: Ուսուցչական

խումբը կազմած է հետևեալ անձանցից. 1. Ս. Բէկնազարեան, 2. Ղազարոս Աղայեան, 3. Հայրապետ Ղուկասեան, 4. բժ. Գաբրիէլ Յովհաննիսեան, 5. Մակար Տէր-Սարգսեան, 6. Աղ. Ամիրեան, 7. Աղ. Արշակունի, 8. Մինաս ք. Տէր-խաչատրեան, 9. Աբգար Գիւլումեան, 10. Ս. Տէր-Միքայէլեան, 11. Ն. Նալբանդեան, 12. Մ. Արաբաշեան, 13. Սենեք. Տէր-Մատթէոսեան 14. Սարգիս Արաբաշեան:

Այս ուսումն. տարին առաջինն է, որ մեզ իր մանկավարժական ժողովների արձանագրութիւններն է թողել

Մանկավարժական ժողովների թիւը 13-է, որոնց զբաղմանց կենդրոնական տեղը բռնում է դպրոցի ուսման ծրագիրը: Սկզբում որոշել են յանձնել իւրաքանչիւր ուսուցչի իր աւանդած առարկաների ծրագիրը կազմել և ապա ներկայացնել ժողովին: Ժողովում իւրաքանչիւր առարկայի ծրագիրը քննելով կազմել են մի ամբողջական ծրագիր:

Ուսման ծրագիրը սակայն հետևեալ տարումն է ստանում մի ամբողջական պատկեր:

Մանկավարժական ժողովն սկզբում և յաջորդ նիստերում զբաղւում է դասաւանդման եղանակների խնդրով, օրինակ թւաբանութեան, հայոց լեզւի և այլն: Ընդունում է Ս. Բէկնասարեանի կազմած բնագիտութեան, բժ. Գ. Յովհաննիսեանի ուսուց լեզւի, Հ. Ղուկասեանի հայոց և ընդհանուր պատմութեան, աշխարհագրութեան, Մակար Տէր-Սարգսեանի գծագրութեան և նկարչութեան, Ա. Ամիրեանի մարմնամարզութեան և Մ. ք. Տէր-Սաչատր-

եանի կազմած կրօնի ծրագրերը:

Թէև դպրոցը տեսուչ ունի, սակայն մանկավարժական ժողովների նախագահութիւնը կատարում են հերթով դպրոցի բոլոր ուսուցիչները: Առհասարակ տեսչի եռանդուն գործունէութեանն ու նրա ընկերակից ուսուցիչների շերմ աշխատակցութեանն է պարտական հոգևոր դպրոցն իր բարձրանալովն: Այդ ժամանակներում դպրոցն արդէն այնքան անուն է հանած լինում, որ մեր քաղաքի հարուստ ընտանիքներ չեն քաշւում իրենց ողորցը տալ այնտեղ կրթութեան:

1873 - 4 ուսումնական տարում ոչ միայն դպրոցի ուսման ծրագիրն է աւելի մեծ ծաւալ ստանում, այլ նաև դասարանների թիւն է աւելանում՝ հէնց տարւայ սկզբից: Դպրոցն ունի այժմ երեք պատրաստական և երեք հիմնական դասարան՝ իրենց ուսման ծրագրով թեմական դպրոցի համապատասխան դասարաններից ոչ պակաս, իսկ վերջին երկու դասարանում դեռ մի քիչ աւելի ուսման յայն ծաւալով:

Դպրոցի աշակերտների թիւն է 260, ա. պատրաստական 59. բ. պատր. 54. գ. պատր. 42. ա. դասարան 26. բ. դասարան 19 և գ. դասարան 10 աշակերտ: Փոխադրել են 158 բ. (73%) մնացել են 52 (27%) աշակերտ:

Ինչպէս հոգաբարձական գործերից երևում է, դպրոցի տեսուչ Ս. Բէկնազարեանը հրաժարւել է տեսչութիւնից և խնդրել թողնել իրեն սոսկ ուսուցիչ 700 բ. սոճկով: Հոգաբարձութիւնը № 64 գրութեամբ 1873 թ. դեկտեմբերի 28-ին խնդրում է մանկավարժական ժողովին

վարել դպրոցի տեսչութիւնը խմբական վերահաստեման:

Մանկավարժական ժողովն ընդունում է այդ առաջարկութիւնը, սակայն 1874 թւի յունւարի 14-ի № 1 գրութեամբ խնդրում է հոգաբարձութեան, որ երբ վերջինս իր ժողովների մէջ մանկավարժական խնդիրները շօշափելու լինի, այդ մասին նախօրօք տեղեկութիւն տայ մանկավարժական ժողովին: Վերջինս միտքն այն է, որ հոգաբարձական այդպիսի ժողովներին ուսուցիչներից մէկը ներկայ լինի:

Այս ուսումն. տարւայ մէջ, սկզբի կիսամեակում հրատարակել են ոտճիկ սակաւութեան պատճառով Սարգիս Արաբաջեան, Աղ. Ամիրեան, Սենեքերիմ Տէր-Մատթէոսեան և Գիւլումեան: Ամիրեանի տեղ հրաւիրել է Ալ. Ափրիկեան, որ նոյն պատճառով նորից հրատարակում է, նրա տեղ վերստին հրաւիրում է, Աղ. Ամիրեան:

Բոլոր ուսուցիչներն աւանդում են 164 դաս. ստանում են 2952 ռ. ոտճիկ: Դպրոցի բոլոր ծառայողները միասին ստանում են 3192 ռ. դպրոցի բիւզճեն է մօտաւորապէս 3500 ռ. Եկամտները մնում են նոյնը: Այդ տարւայ մէջ Աստուածածնայ պատկերի հասոյթները կազմում են մուտքի գլխաւոր մասը, ինչպէս միշտ, այն է աւելի քան 2500 ռուբլի: Նախկին տարիներից խոստացւած նւիրատուութիւնները հաւաքել և ի վաճառ են հանւել, որից գոյացել է 2956 ռ. 26 կ. դրանից դպրոցն ստացել է 1970 ռ, 84 կոպէկ, որպէս այդ երևում է հոգևոր կառ. № 2501 գրութիւնից 1873 թ. 31

դեկտեմբերի: Աւելի մանրամասն հաշիւ հնար չկայ տալու, որովհետև հաշւեմատեանը ուղարկւած է հոգևոր կառավարութեան:

1874—75 ՈՒՍՈՒՄՆ ՏԱՐԻ.

Հոգաբարձական կազմը փոփոխութեան չի ենթարկւել. հրատարակածների տեղը պաշտօնավարում են արդէն յայտնի անձնափոխանորդները: Դպրոցի գործերը տարւում են նոյն եղանակով, ինչպէս առաջ: Հաշւեմատեան կայ 1875 թւի յունւարից:

Դասարանների թիւն աւելացել է, այս ուսումն. տարւայ սկզբից կայ արդէն չորրորդ դասարան: Այդ պատճառով և դպրոցի ուսման ծրագիրն հարստանում է նոր առարկաներով: Այժմ աւանդում են.

1. Կրօն,
2. Եկեղեցական պատմութիւն,
3. Հայոց
4. Ռուսաց } լեզուներ,
5. Գերմաներէն,
6. Ընդհանուր
7. Հայոց } պատմութիւն,
8. Ընդհանուր
9. Ռուսաստանի } աշխարհագրութիւն,
10. Երկրաչափութիւն,
11. Թւաբանութիւն (նաև ալգեբրա),
12. Ֆիզիքա,
13. Բնագիտութիւն,
14. Վայելչագրութիւն հայոց և ռուսաց,

15. Նկարչութիւն և գծագրութիւն,

16. Երգ.

Նախընթաց երկու տարիներում մանկավարժական ժողովի ջանքերով գրուի է գալիս դպրոցի ուսման ծրագիրը, սակայն նա այս տարի է ընդունել վերջնականապէս (VII, XI XIII, XVI ժողովներ): Այդ ծրագիրն իր նախընթաց խորհրդածութիւններով այնքան հետաքրքրական է, որ չենք խուսափիլ դպրոցիս պատմութեանն իբր յաւելած, այս բաժնի վերջում դնել: Մանկավարժ. ժողովն ամեն բան արել է՝ այն նպատակաշարժար անելու համար:

Դասարանների և ուսուցիչների այսպիսի թւով աւելանալը բնական էր, որ դպրոցի բիւզճէն համապատասխան չափով բարձրանար:

Տեսուչ չկայ դպրոցում, նրա տեղը բռնում է մանկավարժական ժողովը, որը սակայն, դժգոհ է այդ բանից ու գրութեամբ խնդրում է յատուկ մի անձն նշանակել տեսուչ (XIV և XV ժողովներ): Այս խնդիրը մնում է առկախ:

Ուսուցչական կազմն է. 1. Ս. Բէկնազարեան, 2. Ղ. Աղայեան, 3. Հ. Մատակեան, 4. Հ. Ղուկասեան, 5. Մկրտիչ Արաբաջեան, 6. Ա. Ամիրեան, 7. Մ. Տէր-Սարգսեան, 8. Յովսէփ վարդապետ Փինաչեան, 9. Յ. Տէր-Սարգսեան, 10. Ն. Նալեան 11. Ա. Արշակունի, 12. Ս. Վեհապետեան, 13. Սափրէկ Տէր-Մելքիսեդեկեան, 14. բժ. Գ. Յովհաննիսեան, 15. Աբրահամ Ամիրխանեան, որ նոյն թւին հրաւիրւում է գերմաներէն և բնագիտական առարկաների համար:

Աշակերտների թիւն է 266 յառաջադիմական ցուցակներ չկան:

Մանկավարժական ժողովներն (21.) զբաղւել են հետեւեալ խնդիրներով.— Բացի ծրագրի և տեսչական խնդիրներից, որոնց մասին վերն արդէն յիշեց, ժողովն զբաղւել է զանազան կարգապահական, մեթոդի (գրաբար ուսուցանելու, թելադրութեան վերաբերեալ և այլն). աշակերտաց հագուստի միաձևութեան, դասագրքեր ընտրելու խնդիրներով: Մանկ. ժողովին զբաղեցրել է նաև Մահականուշեան դպրոցի բացման և ծրագրի խնդիրները:

Դպրոցի IV-րդ դասարանի համար ընտրել են հետեւեալ դասագրքերը. Կրիւզերի սկզբնական դասագիրքը, Ռուսաց պատմութիւն Իլովայսկու «Համառօտ Ձեռնարկ», Ընդհանուր պատմութիւն Գրուսէի «Նոր դար». Միմէժնովի «Աշխարհագրութեան դասեր» գ. մաս, Եւրոպա, և այս բոլորը ուսուց լեզուով, ու աւանդել են ուսուց լեզուով:

Յունիսին ուսումնար. տարին վերջանալուց յետոյ, մանկավարժական ժողովը յուլիսի 1-ի № 12 գրութեամբ մի ընդհանուր տեղեկութիւն է տալիս հոգաբարձութեանը, և զեկուցանում դպրոցի կարիքների մասին: Նախ խօսք է բարձրացնում շէնքի մասին, ապա մի յատուկ տեսուչ նշանակելու մասին, որ կարողանար դպրոցական գործը ղեկավարէր, որի չինելու պատճառով տուժում է, գրում է մանկավ. ժողովը, դպրոցը:

Դպրոցի ել ու մուտքի պատկերն այս է. առ մէկն յունւարի 1875 ամի դպրոցն ունեցել է դրամագլուխ 11588 ր. 98 կոպ. ուսուցիչներին վճարւում է այս ուսումն տարում ամսէնը

326 ր. 32 կոպ. բոլոր ծառայողներին միասին  
 346 ր. 32 կոպ. ըստ այդմ տարեկան 4155 ր.  
 84 կ. դպրոցի ընդհանուր ծախսն անցնում է  
 6000 ր. եկամուտներն են ա. դրամագլխի տո-  
 կոսներ մօտ 1000 ր. շահեցնելու %-ն է 10%  
 առ հարիւր, բ. Աստուածածնայ խորանի եկա-  
 մուտներ մօտ 2000 ր. գ. թոշակ մօտ 1500 ր.  
 գ. կալւածնիրի եկամուտներ հին ու նոր մօտ  
 1000 ր. Այս գումարները նշանակեցին այստեղ  
 մօտաւորապէս, քանի որ 1874 թւի հաշւեմա-  
 տեանը չկայ, և 1874—75 ուսումն. տարւայ  
 վերջին կիսի հաշիւը կայ միայն: Այսուհետև,  
 ինչպէս և իր ժամանակի հոգաբարձութիւնն է  
 արել, մենք հաշիւը կանենք յունւարից յուն-  
 վար՝ սկսած 1875—76 ուս. տարւանից:

1875—76 ՈՒՍՈՒՄՆ. ՏԱՐԻ.

Փոփոխութեան է ենթարկուում ուսուցչա-  
 կան խումբը, բայց էլի չկայ տեսուչ. տարւայ  
 մէջ նշանակում է հոգաբարձութիւնն իր կազ-  
 մից Մկրտիչ Կոստանեանին մանկավարժական  
 ժողովի հետ վարել տեսչական պաշտօնը:

1875 թւի սկզբից գործում է հոգաբարձա-  
 կան նոր կազմ. անդամներն են, հոգաբ. նախա-  
 գահի պաշտօնակատար Յ. ա. ք. Կոստանեան,  
 Յ. Չիթողեան, Մ. Կոստանեան, մայօր Թ.  
 Տիգրանեան, Յ. Ղազարեան, Կար. Անանիկեան,  
 Յ. Սահրատեան:

Դասարանների թիւն է 7-ը, ըստ նախկի-  
 նի՝ 3 պատր. և 4 հիմն. դասարան. աշակերտ-  
 ների թիւն է 284, փոխադրւել են 177 հոգի:  
 Դասաւանեելի առարկաները մնում են նոյնը:

Ուսուցիչներն են.— Ղ. Աղայեան, Հ. Ղու-  
 կասեան, Մ. Արաբաջեան, Ա. Արշակունի, Ա.  
 Ամիրեան, Ա. Յակովբեան, Մ. Տէր-Սարգսեան,  
 Ա. Եղեկեան, Ս. Տէր-Մելիքսեդեկեան, Մ. ք.  
 Տէր-Պետրոսեան, Յ. Արզարեան, Полтавцевъ  
 (ուսու. լեզւի համար), Нелюбинъ (ուսու լեզւի  
 պատմութեան), Ն. Նալբանդեան: Բէկնազա-  
 րեանի և Ա. Ամիրխանեանի հեռանալու պատ-  
 ճառով վերացել է գերմաներէնը: Ուսումն. տա-  
 րին սկսել է սեպտեմբերի 9-ին և վերջացել  
 է (դասերը) յունիսի 4-ին:

Ինչպէս երևում է հոգաբարձութեան № 26  
 գրութիւնից (1876 թ. մայիսի 26-ից) դպրոցի  
 քննութիւններն ըստ նախընթաց տարիների ե-  
 դել են հրապարակական, ընթացիկ տարում  
 տեւել են նոքա յունիսի 7-ից մինչև 30-ը:  
 Քննութիւններից յետոյ մանկավարժական ժո-  
 դովը ներկայացնում է հոգաբարձութեանը մի  
 տեղեկագիր քննութեանց արդիւնքի և իր գոր-  
 ծունէութեան ու դպրոցի վիճակի մասին առ-  
 հասարակ:

Տարւայ մէջ տեղի է ունեցել 28 մանկ.  
 ժողով: Նրան զբաղեցրել են զանազան խնդիր-  
 ներ, ինչպէս են կարգապահական, աշակերտա-  
 կան տարազի, կիսամեայ քննութիւնների, տես-  
 չական՝ որ հոգաբարձութիւնն անսլատճառ մի  
 պատասխանատու տեսուչ ընտրէ, աշակերտա-  
 կան (դ. դասարանում) շարադրութիւններ յա-  
 ճախ գրել տալու, դպրոցի մատենադարանը  
 կարգաւորելու, դասաւանդման (գրելու) եղա-  
 նակների, Ա. տւածածնայ գաւթում նորաբաց  
 ծխական դպրոցի ծրագրի և ուսուցիչ նշանա-  
 կելու (Վ. Գէօնջեանին և Մ. Հալաճեանին), կրօնի

դասաւանդումը (նամանաւանդ ստորին պատ-  
րաստականում) դիւրամատչելի անելու, ժո-  
ղովի մէջ մանկավարժական յօղւածներ կար-  
գալու մասին:

Առանձին ուշադրութեան է արժանի XIII-րդ  
ժողովի արձանագրութիւնը, որից մենք ի-  
մանում ենք, որ մինչ այդ սովորութիւն է ե-  
ղել դասօրակարգն երկուսի բաժանել, ճաշից  
առաջ և ճաշից յետոյ, ինչպէս այդ եղել է և է  
Զւիցերական դպրոցների մեծագոյն մասում:

Այժմ որոշում վասօրակարգը շարունակել  
ըստ այդմ միայն մինչի նոյեմբերի մէկը, դը-  
րանից յետոյ մինչի Զատիկ՝ օրւայ հինգ դա-  
սերը առանց ընդհատելու շարունակին մինչի  
ճաշայ ժամը 2-ը: Զատիկից յետոյ, ինչպէս և  
աշնանը մինչի նոյեմբեր պարապմունքն անել  
ըստ հնումն, ճաշից առաջ և ճաշից յետոյ՝ մի  
մեծ ընդմիջումով:

Հոգաբարձութեան գործունէութեան մա-  
սին պակասում են պաշտօնական գրութիւններ  
իսպառ: Չեն մնացել գրութիւններ, թէ նոքա  
էրբ են ընտրել, էրբ հաստատուել ու դպրոցն  
ի՞նչ վիճակի մէջ են ստացել նախկին հոգա-  
բարձութիւնից:

Այս տարի ձեռնարկել է դպրոցի կրպակ-  
ների կառուցման գործը, որ աւարտուում է և  
յաջորդ ուսումն. տարւայ առաջին կիսում բրէ-  
հով տրւում:

Դպրոցի ուսման ծրագիրը հարստանում է  
նոր առարկաներով. աւելանում է ուսուստանի  
աշխարհագրութիւն և մարդակագմութիւն:

Դպրոցից հեռանում է Ղազարոս Աղայեանը:  
Աղայեան, Բէկնազարեան, բժ. Գ. Յովհան-

նիսեան, Հ. Ղուկասեան կարելի է ասել դպրո-  
ցի այս շրջանի կազմակերպողներն ու դպրոցն  
այդ փառաւոր անւան ու դիրքին հասցնողներն  
են եղել: Իհարկէ, դոցա այդ եռանդուն գոր-  
ծունէութիւնը պայմանաւորում է և հոգա-  
բարձական կազմերի բարեխիղճ և սրտացաւ  
գործակցութեամբ:

Թող հետեւեալ տախտակը ցոյց տայ, թէ  
դպրոցի նորակազմ ուսման ծրագիրն այս և  
յաջորդ տարիներում ի՞նչ առարկաներ է ու-  
նեցել, և որից որքան ժամ շաբաթական:

	Դասարան				Պատասխան			
	Գ.	Գ.	Բ.	Ա.	Գ.	Բ.	Ա.	
Ա Ռ Ա Ր Կ Ա Ն Ե Ր								
1 Կրօն.	2	2	2	2	2	2	2	
2 Հայ. լեզու	5	6	6	6	6	6	12	
3 Ռուս. լեզու.	5	5	5	6	6	5	—	
4 Թւարանութիւն.		3	3	4	5	4	4	
5 Ալգեբրա.	2	—	—	—	—	—	—	
6 Ֆիզիքա.	2	—	—	—	—	—	—	
7 Երկրաչափութիւն.	2	—	—	—	—	—	—	
8 Աշխարհագր. ընդհ.	2	3	2	2	—	—	—	
9 Աշխարհագր. ուսու.	1	1	—	—	—	—	—	
10 Պատմութիւն ընդհ.	2	2	2	2	—	—	—	
11 Պատմ. հայոց.	2	2	2	—	—	—	—	
12 Բնագիտութիւն.	—	2	2	2	—	—	—	
13 Մարդակագմութիւն.	1	—	—	—	—	—	—	
14 Նկարչութիւն.	1	1	1	—	—	—	—	
15 Վայելչազր. հայոց.	—	1	1	2	3	3	—	
16 Վայելչազր. ուսուսաց.			1	1	2	2	—	
17 Երգ.	2	2	2	2	2	2	2	
18 Գրութիւն.							4	

1875 թվի տնտեսական վիճակն է. -

Մուտք 17630 ռ. 59 1/2 կ. (11588 ռ. 98 1/2 կ. դրամագլխի հետ) ծախք 7008 ռ. 41 կոպ. առ մէկն յունւարի 1877 ամի դպրոցն ունի 10622 ռ. 18 1/2 կ.

Մուտքը գոյացել է ա. պատկերի արդիւնքներէց 215 ռ. 41 կ. բ. կրպակներէց 982 ռ. 42 կ. գ. %/0-ներ 1089 ռ. դ. ուսման վարձ 1678 ռ. 90 կ. ե. գրքերի վաճառումից 140 ռ. 48 կ. և այլն.

Նշքը. ա. ուսուցչաց ուճիկ 4155 ռ. 84 կ. բ. եկեղեցու շուրջը շինուող կրպակների շինութեան վերատեսչութեանը նոյն շինութեանց համար 2400 ռ. մնացած մօտ 452 ռ. 45 կ. գնացել է դիւանական ծախսերի, նորոգութեան, դասարանական պիտոյքների վրա:

Այս հաշւեմատեանը ցոյց է տալիս, ու հոգաբարձութիւնը ջանքեր է թափում դպրոցի եկամուտներն աւելացնելու, որի համար և ձեռնարկել է եկեղեցու գաւթի շուրջը կրպակներ կառուցանելուն: Գործերից չի երևում, թէ այդ շէնքն երբ է սկսել, այս թէ նախկին հոգաբարձութեան օրով: Ներկայ մատեանով հոգաբարձական գանձարկղից այդ շինութեան համար դրամներ բաց թողնելն սկսում է 1875 թվի փետրւարի 17-ից (100 ռ.): Երևի դա պահանջել է նախապատրաստական աշխատանաց համար, քանի որ նոյն տարւայ մայիսի 22-ին բաց է թողնում 1000 ռ, սեպտեմբերի 6-ին 300 ռ. և դեկտեմբերի 28-ին դարձեալ 1000 ռուբլի:

1876—77 ՈՒՍՈՒՄՆ ՏԱՐԻ

Հոգաբարձութեան կազմը նոյնն է: Սոյն տարւայ առաջին կիսամեակի հոգաբարձական ժողովների արձանագրութիւնները չկան, մնացել են երկրորդ կիսինը: Նիստերի թիւն է 17 զբաղմունքի առարկաներն են. - նախկին հոգաբարձութեան հաշիւներն ու գործերն ստանալը, դպրոցի ունեցածի ցուցակագրելը, դպրոցի նորակառոյց կրպակները քրեհով տալը, դպրոցի հին պարտապանների դէմ դատ սկսելը: Նախկին տարիներից մենք գիտենք որ դպրոցն ունեցել է դեռ 1872 թվին 12000-ից աւելի մի դրամագլուխ: Հոգաբարձութիւնը չկարողանալով տնական եղանակով վերջացնել հին այդ մուրհակների գործը, որոշում է դատով ազատել կորստից դպրոցի այդ դրամները: Նրանցից կան, որ խոշոր գումարներ են պարտք եղել դպրոցին, Յովհաննէս ադա Տիգրանեան 5000 ռ. Արշակ Ն. Տիգրանեան 4400 ռ. Մատինեանը 336 ռ. Ջալալեան 300 ռ. կան և այնպիսիները, որ տասնամեակն անցած լինելու վրա վստահ, բոլորովին են մերժում պարտքերը վճարել, օրինակ Կ. Ջանիրէկեան, և այլն:

Հոգաբարձական նիստերի կանոնաւոր տանելուց և դպրոցի յատկապէս նիւթական և ուսումնական մասի վրա եղած հոգացողութիւնից երևում է, որ հոգաբարձութիւնը ջանք չի խնայել դպրոցն հարկաւոր բարձրութեան պահելու համար:

Աշակերտների թիւն է 367. Խոխում (217) և աւարտում (10) են 227 աշակերտ:



Իպրոցը բաղկացած է 9 բաժանմունքից, 4-ը հիմնական դասարաններ, մի գ. պատրաստական, երկու բ. և երկու ա. պատրաստականների, որի պատճառով և աշակերտների թիւը 370-ի է հասել: Տարեկան քննութիւններն ըսկաւել են յունիսի 7-ից և աւել մինչի 25-ը. իսկ ամառայ արձակուրդներն ըստ սովորութեան մինչի սեպտեմբեր:

1876 - 77 ուսումն. տարւայ սկզբից գաստիստում են դպրոցում 16 ուսուցիչ այն է Հ. Դուկասեան, Մ. Արաբաջեան, Ա. Արշակունի, Ա. Սիմէօնեան, Մ. ք. Տէր-Պետրոսեան, Ա. Խանգատեան, Յ. Աբգարեան, Ա. Ամիրեան, Ս. Տէր-Մելքիսեղեկեան, Ա. Մխիթարեան, Վ. Գեօնջեան, Մ. Տէր-Սարգսեան, Գ. Պապիկեան, Полтавцевъ, տարւայ մէջ հրաւիրւում է Մ. Իսահակեան: Սոցա բոլորի ստացած ոտճիկն է այդ տարւայ ընթացքում մօտ 4100 ռ. ուսման ծրագրի մէջ մտել է նաև հանրահաշիւ (պղգեբրա):

Մանկավարժական ժողովներ եղել են տարւայ մէջ 37. ուսումն. տարին սկսել է սեպտեմբերի 2-ին, վերջացել յունիսի 4-ին, քննութիւնները նոյն ամի 25-ին:

Իպրոցում տեսուչ չկայ, մանկ. ժողովների նախագահութիւնը վարում է Հ. Դուկասեանը մինչի յունւարի 10. այնուհետև որոշում են նախագահութիւնն անել հերթով:

Ինչպէս սեպտեմբերի 25-ի ժողովի արձանագրութիւնից երևում է հոգևոր վիճ. դպրոցի մանկավարժական կազմի վրա պարտք է դրւում հսկել Արղութեան օրիորդաց դպրոցի

Հեթաբոյան

վրա և փոխ առ փոխ տեսչութիւն անել. ժողովն ընդունում է միացեալ (հոգևոր վիճակային և Արղութեան դպրոցների) հոգաբարձութեան այդ առաջարկութիւնը:

IX ժողովում դրւում է կիսամեայ քննութիւններ անելու խնդիրը և որոշում դրական մտքով, նոյն ժողովն պահւում է Արղութեան դպրոցի ուսման ծրագիր կազմելու խնդրով և յանձնարարւում է ծրագրի նախագծեր կազմել: Այս հարցի բարձրանալը կապւում է ոչ միայն վերևում յիշածս հանգամանքի հետ, այլև որ վիճակային դպրոցի շատ ուսուցիչներ միաժամանակ դասատու էին և Արղութեան դպրոցում:

Յունւարի 10-ի ժողովում (16-րդ) Հ. Դուկասեան առաջարկում է Սահականուշեան դրպրոցի տեսուչ ընտրել Ա. Արշակունուն, որ և ընտրւում է ձայնից բազմութեամբ: Այստեղ հարկաւոր է աւելացնել, որ Սահականուշեան դպրոցի ծագումն ու կարգաւորւիլ-կազմակերպւիլը պարտական է վիճակային դպրոցի այս տարիների մանկավարժական կազմի եւումնդուն գործունէութեանը: XVIII-րդ ժողովից սկսած կարդացւում են Արղութեան դպրոցի համար պատրաստած ուսման ծրագրի նախագծերն և ընդունում:

Թէ մանկավարժական ժողովի գործունէութիւնից և թէ հոգաբարձական գործերից յայտնւում է, որ այդ և յաջորդ տարիներում վիճակային հոգևոր և Արղութեան դպրոցները ունեցել են միացած հոգաբարձութիւն, բայց մուտքերն ու ծախսերն եղել են շուկ, իրարից բաժան:

Դպրոցի բիւզճէն է 1876 թւին մուտք 15197  
 ր. 23 1/2 կ. նլք 5937 ր. 32 կ. առ մէկն յունւարի  
 1876 ամի 9436 ր. 32 կոպէկ: Տարւայ բուն  
 մուտքն է (15197 ր. 23 1/2 կ. — 10622 ր. 17 1/2 կ.  
 որ է դպրոցի դրամագլուխը) 4675 ր. 5 կ. այս  
 պարզ հաշիւը ցոյց է տալիս, որ դպրոցի ըն-  
 թացիկ տարւայ մուտքը պակաս է ելքից (5937  
 ր. 32 կ. — 4575 ր. 5 կ.) 1362 ր. 27 կոպէկով,  
 որով և դրամագլուխն իջնում է 9436 ր. 92 կ.  
 Այս տարում կրպակների շինութեան վրա  
 ծախսել է 848 ր. 50 կ. դպրոցի բոլոր ծառա-  
 յողներին 4386 ր. 85 կ. նորոգութիւնների, դի-  
 ւանական և այլ ծախսեր 701 ր. 97 կոպէկ:

Մուտքերը նոյն յօդւածներից են, ինչպէս  
 արդէն տեսանք նախընթացում. այս տարի  
 ուսման վարձը հասել է 2058 ր. 34 կ.

1877 թւին ուս-թուրքական պատերազմի  
 պատճառով, դպրոցի հոգաբարձութիւնը տա-  
 տանման մէջ է թէև, սակայն սեպտեմբերին  
 բաց է անում դպրոցն ու սկսում դասերը: Բայց  
 հոկտեմբերից հարկադրւած է լինում դպրոցը  
 փրակոր և հիւանդ զինւորների համար զին-  
 ւորական վարչութեանն յանձնել: Հոգաբար-  
 ձութիւնը որոշում է տալ ուսուցիչներին ոչ  
 միայն ծառայած ամիսների ուճիկը լրիւ, այլ  
 նաև յետագայ երկու ամսի ուճիկը կանխիկ.  
 այդպէս էլ անում է. ուսուցիչներն ստանում  
 են, ինչպէս այդ ցոյց են տալիս հոգաբարձա-  
 կան ժողովների արձանագրութիւնները մինչի  
 յունւար իրենց ուճիկները լրիւ:

Դպրոցի փակելով, սակայն, հոգաբարձու-  
 թիւնը չի դադարում գործելուց, մի կողմից

եկամուտներն է գանձում, միւս կողմից աշ-  
 խատում է Փրկչի նոր կրպակների քրէհն աւե-  
 լացներ, ի նկատ առնելով պատերազմի առթիւ  
 եղած աջողութիւնը: Ինչպէս գիտենք, այդ կր-  
 պակներն արդէն 1876 թւի վերջերքից պատ-  
 րաստ և քրէհով են տրւած գանազան անձանց:  
 Սկզբի տարւայ վարձն եղել է 100—120 րուբ-  
 լի այժմ աւելի քան կրկնակին է: Այս և մա-  
 սամբ յաջորդ շրջանի հոգաբարձուների անձ-  
 նէր աշխատանքին է պարտական Փրկչի դըպ-  
 րոցը, որ այժմ մօտ 10000 ր. արդիւնք է ըս-  
 տանում Փրկչի շուրջը շինած հին ու նոր կր-  
 պակներից:

1876 թւին դպրոցն ունեցել է մուտք 4912  
 ր. 46 կ. նլք 4278 ր. 76 կ. առ մէկն յունւարի  
 1878 ամի մնում է դրամով 653 ր. 70 կոպէկ:  
 Հաշւեմատեանից չի երևում թէ ինչ է եղել  
 դպրոցի 1876 թւից մնացած 9436 ր. 32 կ.  
 դրամագլուխը: Յաջորդ 1878 թւի մատեանի  
 մէջ չէ մուծւած նաև այդ 653 ր. 70 կ. նախ-  
 ընթաց տարւայ յաւելեալը:

1878 - 79 ՌԻՍՈՒՄՆ. ՏԱՐԻ

Ռուս-թուրքական պատերազմի պատճա-  
 ոով կորչում է մի ուսումն. տարի: Դպրոցն  
 իր կեանքն սկսում է 1878 թւի սեպտեմբերի  
 9-ից: Կան 3 դասարան, 3 պատրաստական և  
 1 զուգընթաց բ. և 2 զուգընթաց տ. պատրաս-  
 տականներ: Աշակերտ. թիւն է 324 տեղաւորւած  
 են 9 բաժանմունքում: Չորրորդ դասարան չկայ:

Տարւայ սկզբին ուսերէնի ուսուցիչ է դեռ  
 Полтавцевъ-ը. ապա հրաւիրուած է Մմիրան  
 Մանդինեանը. ապրիլի կէսից հրաժարուած են  
 Վ. Գեօնջեան և Ս. Գրիգորեան, նրանց տեղը  
 հրաւիրուած են Մ. Իսահակեան և Ս. Տէր-  
 Մելքիսեղեկեան, երկուսն էլ աւանդուած են հ.  
 լեզու ստորին բաժանմունքներում: Տարւայ  
 սկզբից հրաժարուած է Ա. Մխիթարեան, նրա  
 տեղ հրաւիրուած է Մուշեղ Մամիկոնեան հա-  
 յոց լեզւի և թւաբանութեան համար: Երգի ու-  
 սուցիչ է հրաւիրուած Ա. Ասլանեանը: Ման-  
 կավարժական ժողովներ եղել են 23. սեպտեմ-  
 բերի 23-ի նիստում մանկավարժական ժողովն  
 ընտրուած է հ. լեզւի համար Ղ. Աղայեանի մայ-  
 րենի լեզուն ա. բաժնի և մի զուգընթացի հա-  
 մար, միւս զուգընթացի բ. բաժնի և բ. և գ,  
 դասարանների համար Տէր-Ղևոնդեանի. դ. բաժ-  
 նի և ա. դասարանի համար Հ. Ղուկասեանի  
 «Ընթերցարանը»: Թէ ո՞վ, ի՞նչ առարկայից քա-  
 նի՞ դաս է աւանդուած. —

1. Մ Արաբաջեան կրօն 12 դաս.
2. Ա. Արշակունի թւաբանութիւն 24 դաս.
3. Ա. Մմիրեան ուսաց լեզու 22 դաս.
4. Ա. Ասլանեան, երգ 18 դաս.
5. Մ. ք. Տէր-Պետրոսեան կրօն, 6 դաս.
6. Յ. Տէր-Սարգսեան վայելչագրութիւն  
 հայոց և ուսաց 25 դաս.
7. Ա. Սիմէօնեան աշխարհագրութիւն 4 դ.  
 բնագիտութիւն 2 դ.
8. Ա. Մանդինեան ուսաց լեզու 12 դ.
9. Հ. Ղուկասեան հ. լեզու 5 դաս.  
 ընդհանուր պատմութիւն 7 դաս.

բնակ. պատմութիւն 1 դաս.  
 10. Մ. Տէր-Սարգսեան հ. լեզու 12 դ.  
 Հայ. պատմութիւն 2 դաս.  
 Գծազր. և նկարչութիւն 6.  
 Երկրաչափութիւն 4.  
 11. Մ. Իսահակեան Հ. լեզու 20 դաս.  
 12. Ա. Տէր-Մելքիսեղեկեան հ. լ. 18 դ.  
 Դպրոցի հաշւեմատեանից երևում է, որ  
 դպրոցի ուսուցիչներն ու միւս ծառայողները  
 դպրոցի բացումից յետոյ ստացել են ամսական  
 439 ռ. 71 կոպ, որ ողջ ուսումն. տարւայ հա-  
 մար կանէ 5276 ռ. 52 կ.

Ուսուցչաց ուճկի աւելանալը, այսինքն  
 դասագնի բարձրանալը սերտ կերպով կապւած  
 է դպրոցի եկամուտների աւելանալու հետ:

Դպրոցի բիւզճէն է. — մուտք 8640 ռ. 70 կ.  
 ելք 2554 ռ. 21 կ: առ վէկն յունւարի 1879 թ.  
 5086 ռ. 49 կ. Այս թւի դպրոցի ելքի քիչ լի-  
 նելու պատճառն է ուսումն տարւայ (1878—79)  
 միայն առաջին կիսին ուսուցչաց ուճիկ տալը,  
 քանի որ 1878 թ. յունւարից մինչի սեպտեմ-  
 բեր դպրոց չի եղել. իսկ մինչի դեկտեմբերի  
 վերջը դպրոցի բոլոր ծառայողներն ստացել են  
 1748 ռ. 34 կ.

Մուտքը կազմւել է հետևեալ աղբիւրներից:  
 ա. նոր խանութներից 2592 ռ. 90 կ. բ. Մու-  
 թաֆեանի ընկերակցութեամբ շինած խանութ-  
 ներից 667 ռ. 22 կ. գ. Աստուածածնի խորանից  
 և պատկերի շրջեցնելուց 4465 ռ. 90 կ. դ.  
 ուսման վարձ 864 ռ. և այլ մուտք 40 ռ, 70 կ.

Մինչի 1878 թւի նոյեմբերը գործում է  
 հոգաբարձութեան հին կազմը, երբ Գէորգ կա-

Թուղիկոսի հաստատման կոնդակով մտնում է պաշտօնի մէջ հողաբարձական նոր կազմ: Յանձնողական ստացողականներ չկան: Նոր հողաբարձուք են.—Նախագահ հողաբարձութեան՝ Գէորգ վարդապետ Սուրէնեան, անդամներ՝ Ալէքսանդր քահանայ Ամատունի, Պետրոս Զիթողեան, Գէորգ Ղասապեան, Աղէքսանդր Լալայեան:

Տարւոյս առաջին կիսամեակում հողաբարձութիւնն ունեցել է 15 հերթական նիստ, կազմել է ուսուցչական խումբ, արել է հարկաւոր ծախսերն ու գանձել դպրոցի եկամուտները: Երկրորդ կիսի նիստերի արձանագրութիւններ չկան:

Չկան նաև մանկավարժական ժողովների արձանագրութիւններ: Ուսումն. տարին սկսւել է սեպտեմբերի 9-ին, վերջացել յունիսի սկիզբը: Հրապարակական հարցաքննութիւններից յետոյ 324 աշակերաններից փոխադրում են 212, մնում են 112, որ անասելի մեծ % է կազմում:

Պէտք է ասել, որ ընդհանրապէս դպրոցը մի քիչ ետ է գնում, նրանից լաւ ուժերի հեռանալու պատճառով, ինչպէս են Բէկնազարեան, Աղայեան, բժ. Գ. Յովհաննիսեան և այլն:

Մանկավարժական ժողովի գործերից երեւում է, որ հոգևոր վիճակային դպրոցը կազմել է Արդութեան օրիորդաց դպրոցի համար մի ծրագիր: Հետևեալ տախտակը ցոյց կուտայ թէ ի՞նչ առարկաներ էին աւանդւելու այնտեղ և քանի՞ դասով:

Ա. Ռ. Ա. Ր Կ Ա. Ն Ե Ր	ԸՆԴՈՒՆՄԱՆ ԳՆՆԵՐ				
	IV.	III.	II.	I.	Գում.
1. Կրօն.	2	2	2	2	8
2. Հ. լեզու.	5	5	5	12	27
3 Ռ. լեզու	5	5	4	—	14
4 Հ. պատմ.	1	1	—	—	2
5 Ընդհ. պատմ.	3	2	—	—	5
6 Աշխարհագր.	2	2	—	—	4
7. Թւաբանութիւն.	3	3	4	4	14
8. Գծագր. նկարչ.	1	1	2	—	4
9. Բնագիտութիւն.	2	2	—	—	4
10 Բնական պատմ.	1	—	—	—	1
11. Վայելչագր. Հ.	—	1	2	—	3
12. » Ռ.	—	1	2	—	3
13. Երգ.	2	2	2	2	8
14. Ձեռագործ.	3	3	3	4	13
	30	30	26	24	113

1879—80 ՈՒՍՈՒՄՆ. ՏԱՐԻ.

Գործում է հողաբարձական նոյն կազմը. նախագահն է Գէորգ վարդապետ Սուրէնեան: Փետրւար ամսին, սակայն լրացւում է հողաբարձական կազմը Գէորգ կաթուղիկոսի № 36 կոնդակով հաստատւած նոր հողաբարձուներով՝ Հաճիպապ Կարապետեան, Ասատուր Իսահակեան և Արշակ Խան-Սնուշեան: Հեռացել են

*հարցաւ  
կարողութեամբ*

Պետրոս Զիթոցեան, Աղ. ք. Ամատունի: Հոգաբարձական ժողովների արձանագրութիւններ պակասում են: Կայ 1879 թւի ել և մտից մատեանը: Նրանից քաղելով դանում ենք, որ 1879-80 ուսումն. տարում դպրոցում պաշտօնավարում է նոր հրաւիրւած տեսուչ Աբիսողոմ Յովհաննիսեան ամսական 83 ռ. 83 կ. ոտճկով, Մին. ք. Տէր-Պետրոսեան 12 ռ. 94 կ. Հ. Ղուկասեան 70 ռ. Գ. Տէր-Պետրոսեան 51 ռ. 91 կ. Գ. Շահբուղազեան 42 ռ. 40 կ. Ա. Ամիրեան 58 ռ. 33 կ. Մ. Տէր-Սարգսեան 41 ռ. 66 կ. Մ. Արաբաշեան 30 ռ. քժ. Գ. Յովհաննիսեան 15 ռ. Ա. Մխիթարեան 33 ռ. 33 կ. Ա. Արշակունի 38 ռ. 50 կ. Յ. Տէր-Սարգսեան 25 ռ. Յ. Ազգարեան 22 ռ. 22 կ. Գ. Բունեաթեան 18 ռ. 75 կ. դպրոցի մնացած չորս այլ ծառայողների հետ 595 ռ. 37 կ.

1879 թւի մուտքն է 6488 ռ. 18 կ. սլւը 6471 ռ. 49 կ. առ 1-ն յունւարի 1880 թ. 16 ռ. 68 կ. չէ վճարւած դեկտեմբերի ոտճիկ 595 ռ. 37 կ., որ վճարւում է յաջորդ տարում: Անբացատրելի է մնում, թէ ինչո՞ւ մուտք չէ գրւած 1878 թ. մնացորդ 5086 ռ. 49 կ. չեն ցոյց տրւած և դրպրոցի մուրհակներով սաանալիքները:

Այս ուսումն. տարւայ սկզբից բացւում է նորից չորրորդ դասարան, որով և պէտք է բացատրել սովորական ծախսի աւելւանալը:

Այս տարւայ հաշւեմատեանն արդէն ցոյց է տալիս, որ դպրոցն արտակարգ ծախսեր չի ունեցել, իսկ եկամուտները գլխաւորապէս կազմում են դպրոցի կալւածներն ու թոշակադրամները:

1879 թւին սկսում է իրականանալ, դեռ Ներսէս V-դի ժամանակ ծրագրւած, դպրոցի նոր շէնք շինելու ծրագիրը. այս թւից կամ ուսումնարանական այս 1879-80 տարւանից ձեռնարկում է դպրոցիս հոգաբարձութիւնն այդ շէնքին:

Աշակերտների ընդհանուր թիւն է 315, որ տեղաւորւած են 10 բաժանմունքում՝ 4 դասարան, 3 պատրաստական՝ 3 գուզընթացներով:

Դպրոցի գործերի մէջ այս տարւայ մանկավարժական ժողովների արձանագրութիւններ չեն մնացել: Նոյնը կարող ենք ասել նաև հոգաբարձութեան մասին:

1880-81 ՌԻՍՈՒՄՆ. ՏԱՐԻ

Գործում է հոգաբարձական նոր կազմը:

Հոգաբարձական և մանկավարժական ժողովների արձանագրութիւններ չկան, ինչպէս և գործեր: Եղած հաշւեմատեանից և օրագրական ցուցակներից քաղում ենք հետևեալ տեղեկութիւնները. 1880 թւին մուտք է եղել 31182 ռ. 24 կ. ծախք 29300 ռ. 48 կ. առ մէկն յունւարի 1881 տմի 1881 ռ. 81 կ.

Մուտքը կազմւել է դպրոցի դրամագլխի գանձելուց (16320 ռ. 50 կ.), որ մեծ մասն (13507 ռ. 40 կ.) եղել է նախկին հոգաբարձու Յ. Վանեցեանի մօտ, իսկ մնացածը գոյացել է խորանի և դպրոցի կալւածների եկամուտներից, թոշակադրամներից և այլն:

1880 թւին հոգաբարձութիւնն սկսել է ս.

Փրկիչ եկեղեցու մօտ նոր դպրոցական շէնք կառուցանել, որի համար այդ տարում բաց է թողել 16191 ռ 50 կ. ուսուցչական խմբի վրա ծախսել է մօտ 8000 ռ Արղութեան դպրոցին տւել է փոխարինաբար 2788 ռ. 62 կ. մնացածը ծախսւել է նորոգութիւնների և այլ պէտքերի համար:

Անցեալ ուսումն տարւանից արդէն դպրոցի տեսուչն է Աբխտղոմ Յովհաննիսեանը, խումբը կազմւած է հեռուեալ թեթև փոփոխութիւններով, ըստ որի հեռացել է մէկը, հրաւիրւել են երեքը հրաւիրւել է Ս. Ալլահվերդեան 60 ռ. 97 կ. ամսական ուճկով, Ս. Դիլանեան 38 ռ. 10 կ. Ս. Գրիգորեան. հեռանում է դպրոցից Շահբուղաղեան:

Այս երկու ուսումն. տարիների ուսուցչական կազմը ցոյց է տալիս, որ հողաբարձութիւնն աշխատում է դպրոցը բարձրացնել, ուստի և հրաւիրում է բարձրագոյն կրթութեան տէր տեսուչ և ուսուցիչներ: Այս տարում այդպիսիների թիւը չորս է արդէն: Այս և յաջորդ տարիների շրջանը համեմատելով Բէկնազարեանի, Աղայեանի և Գ. Յովհաննիսեան շրջանի (1872—76 թ.) հետ, սա կարելի է նրա շարունակութիւնը հաշուել, այն տարբերութեամբ, որ այժմ դպրոցը մի քանի քայլ առաջ է գնացել, մինչդեռ միջին շրջանում նա համեմատաբար յետադիմել էր և ուսման ծրագրով և դասատուների կրթութեան ընդհանուր մակերևոյթով: Ապահով կարելի է ասել, որ մեր դպրոցի ծաղկման (1868—85 թ.) շրջանի մէջ 1880—85 թւերին ամենափայլուն տարիներն են,

երբ դպրոցը չասել է իր անւան ամենաբարձր հուշակին:

Դպրոցն ունի 13 բաժանմունք. 420 աշակերտ. փոխադրել են 300, մնացել 104. աւարտել հեռացել 16 աշակերտ:

### ԴՊՐՈՅԻ ՇԻՆՈՒԹԻՒՆԸ

Ինչպէս նախընթաց պատմութիւնից տեսանք. հողուր դպրոցի եղած (հին) շէնքը բաւարարութիւն չէր տալիս, ուստի և քանիցս դիմումն է եղել նոր շէնք կառուցանելու, բայց ապարդիւն:

Հին շէնքի տեղի մասին եղած բոլոր գրութիւններն ու ժամանակակիցների ցուցմունքներն այն են ասում, որ այդ տեղը պատկանէնելիս է եղել հողուր դպրոցին: Դպրոցի յետին կողմը, Գեներալսկի փողոցի վրա, շինւած են եղել Աստուածածին եկեղեցու միջոցներով մի շարք կրպակներ, որոնց եկամուտները գնում էին նախ Աստուածածնայ ծխ. դպրոցի վրա մինչև որ Արղութեան դպրոցը զառաւ ըստ էութեան Աստուածածնայ եկեղեցու միջոցներով կառավարւող մի դպրոց, նրա եկամուտները մտան այդ դպրոցի գանձարկղը: Այդ հողաբաժինն, ինչպէս արդէն ասել ենք, բաժանւել է 2 մասի, մի մասը մնացել է դպրոցին, ուր շինւել է դպրոցական շէնք և եկեղեցական կրպակներ, իսկ միւս մասն անցել է յաջորդարանին: Փրկչի գաւթում նոր շէնքի կառուցանելուց յետոյ, հին շէնքն յանձնւում է Արղութեան դպրոցին, որն

և օգտուում է նրանից մինչև դպրոցների փակումը (1885 թ.): Կալաճների գրաւելուց առաջ այդ շէնքը, վրատակ արդէն, քանդում են կրկնների հետ միասին, նրա տեղը մի նոր շէնք շինելու համար: 1897 թւին, միանգամայն անբացատրելի կերպով այդ տեղը համարւում է էջմիածնապատկան, ու նրա վրա շինութիւն է շինել տրւում ոչ այլ կերպ, քան եկամուտի  $\frac{1}{3}$  մասը էջմիածնին հասցնելու պայմանով: Այդպէս էլ լինում է: Այդ տեղի  $\frac{1}{2}$ -ը դեռ ամայի է:

Այսպէս 1880 թւին ձեռնարկւում է հին այդ շէնքից ազատելու համար նոր դպրոցական շէնք կառուցանելուն:

Այդ շէնքի համար պահւած առանձին հաշեմատեանից տեսնում ենք, որ դպրոցը դրա վրա ծախսել է 18335 ռ. 99 կոպէկ: Շինութեան վերակացուք են Հաճիպապ Կարապետեան, Մանուկ Կարապետեան, Մանուկ Սումարեան:

Շէնքն ընկնում է ս. Փրկիչ եկեղեցու գաւթի հարաւային և արևմտեան ճակատների վրա, սրբատաշ սև քարով, պարզ, մի յարկանի, հողածածք:

Ամբողջ շէնքն ունի մի մեծ դահլիճ և 9 սենեակ, որոնց եօթի մէջ այժմ տեղաւորւած են դպրոցի եօթը բաժանմունքները, մի սենեակ յատկացրած է տեսչին և մի սենեակ էլ ուսուցչաց համար: Սենեակներն են լուսաւոր, բարձր, բոլորի դռները բացւում են դէպի մի ընդհանուր միջանցք, դպրոցն ունի մի գաւթի և ահա այս քանի տարի է նաև մարմնամարդութեան համար նաև մի քանի յարմարութիւններ:

Դպրոցական այս փառաւոր շէնքի սկզբնաւորութեանը շատ է աշխատել իր ժամանակի ընկերակից հողաբարձուների աջակցութեամբ Գէորգ վարդապետ Սուրէնեանը (այժմ Վեհափառ Հայրապետ Կաթուղիկոս ամենայն Հայոց Տ. Գէորգ V) Ալէքսանդրապոլի հայրապետական փոխւնորդ եղած ժամանակ:

Դպրոցի նոր շինութեան գլուխ գալու գործում երախտիքներ ունի և Յուսիկ վարդապետ Մովսիսեանը (այժմ Յուսիկ արքեպիսկոպոս Սինոդի անդամ և տեղակալ):

Դպրոցը նոր շինութեան մէջ է արդէն. 1883 թ. իսկ հին շինութեան մէջ տեղաւորել է Արդութեան օրինորդաց դպրոցը մինչև 1885 թիւը:

Ներկայ շինութիւնն արդէն չի բաւարարում եղած կարիքը. հարկաւոր է ոչ միայն նրա հողեայ ծածկը փոխել, այլ նաև երկրորդ յարկ շինել, դպրոցի աճող պէտքերին բաւարարութիւն տալու: Չունենք գրադարան, ֆիզիքական կարճնետ, փորձնական դասերի համար յատուկ սենեակ իր յարմարութիւններով, դահլիճն անշուք է և ծառայում է իբր դասարան, և այլն: Ինչպէս անցեալ սերունդն աշխատեց ժամանակի պահանջին առաջ գնալ և կառոյց այս շէնքը, այնպէս էլ ներկայ սերնդին է մնում լրացնել այդ պակասը:

Ներկայ հողաբարձութիւնք լի է յոյսերով, թէ դպրոցի 70-ամեայ գոյութիւնը տօնելով, դրա հետ միասին պիտի կարողանայ նաև դպրոցի շէնքի այդ պակասը հասարակութեան աջակցութեամբ լրացնել:

Այս պահանջներ

1881—82 ՈՒՍՈՒՄՆ ՏՍՐԻ

Հոգաբարձական կազմը նոյնն է. նախագահն է Յուսիկ վ. Մովսիսեան: Պակասում են հոգաբարձական և մանկավարժական ժողովների գործեր: Մեր տեղեկութիւնները քաղում ենք 1881 թ. ել և մտից մատեանից:

1881 թւին դպրոցն ունեցել է մուտք 14315 ր. 4 կ. ելք 11836 ր. 25 կ.

Ուսուցչական խումբն ստանում է ամսական 694 ր. դպրոցի միւս ծառայողների հետ միասին 739 րուբլի, որ անում է մի ամբողջ ուսումնար. տարւայ համար 8868 րուբլի: Մնացած գումարները ծախսւել են ընթացիկ տարւայ կարիքների վրա և դպրոցական նոր շէնքի վրա (աւելի քան 3500 ր.):

Դպրոցն այս տարւանից ձեռք է բերում եկամուտի նոր աղբիւր — մումավաճառութիւնը: Դեռ 1879 թւի դեկտեմբերի 8-ին № 25 յայտարարութեամբ դիմել է դպրոցիս հոգաբարձութիւնը Գէորգ կաթողիկոսին և խնդրել քաղաքիս մումավաճառութեան արդիւնքն յատկացնել հոգևոր վիճակային դպրոցին: 1880 թւի մայիսին սինոդի № 3235 հրամանով այդ իրաւունքը տրւում է, սակայն տեղիս հոգևոր կառավարութիւնը ոտնձգութիւններ է անում: Օրինակ գործը խանգարելու և ձգձգելու համար, նախ մի գրութեամբ № 1020 (10-ն յուլիսի) գրում է հոգաբարձութեանը, թէ ինքը — Հոգևոր կառավարութիւնը — տեղեկութիւն է տւել սինոդին, որ Ալէքսանդրապօլում մումավաճառութեան յատուկ պահարան չկայ: Այս ոտնձգու-

թիւններին վերջ տալու համար 1881 թւին, մայիս ամսին հոգաբարձութիւնը մի յատուկ պատգամաւորութիւն է ուղարկել էջմիածին մումավաճառութեան այդ խնդիրն առ տեղեւան լուծելու համար: Եւ այդպէս էլ լինում է. կաթողիկոսն ու սինոդը յարգում են հասարակութեան խնդիրը և մումավաճառութեան գործը վերջնականապէս յանձնում վիճակային դպրոցին: Դպրոցի 1881 թւի հաշւեմատեանից երևում է, որ կէս տարւայ մէջ դպրոցն ստացել է մումավաճառութիւնից 892 ր. չափ արդիւնք:

Դպրոցը կազմւած է 4 դասարանից և 3 պատրաստականներից՝ իրենց զուգընթացներով, բոլորը 14 բաժանմունք:

Ուսուցչական կազմի մէջ փոփոխութիւն է մտել. հեռացել են Աբիս. Յովհաննիսեան, Գ. Տէր-Պետրոսեան, Խ. Դիւանեան և Գ. Բունիաթեան. տեսուչ չկայ. նոր հրաւիրւել է Գ. Երզնկեան, Ս. Վեհապետեան, բժ. Խ. Բունիաթեան, Ն. Շահլամեան, Յակովբ Տիգրանեան, Մ. Պօղոսեան և Ղ. Ղաղարեան:

Ուսումն. տարին սկսւել է սեպտեմբերի 9-ին, վերջացել մայիսի 31-ին. մի համառօտ տեղեկագրից իմանում ենք, որ տարւայ մէջ տեղի են ունեցել 32 մանկավարժական ժողովներ:

Այս ուսումն տարւայ վերջը տեղի ունեցաւ հայ դպրոցների կեանքի համար խիստ նշանակալից մի ժողով. դա կովկասեան հայ ուսուցչական առաջին ժողովն էր: 1882 թ. յունիսին կայացած այդ ժողովին ներկայ լինելու համար



Ալէքսանդրապօլի հոգևոր դպրոցի մանկավար-  
ժական ժողովի կողմից ցանկութիւն են յայտ-  
նել զնալ Հ. Դուկասեան, Ա. Ամիրեան, Մ. ք.  
Տէր-Պետրոսեան, Մ. Տէր-Սարգսեան, Ա. Վե-  
հապետեան, Յ. Աբղարեան:

1882—83 ՈՒՍՈՒՄՆ. ՏԱՐԻ

Հոգաբարձութիւնը նոյնն է մինչի հոկտեմ-  
բեր, որից յետոյ պաշտօնի է մտնում նոր կազ-  
մը. կան միայն տարւոյս երկրորդ կիսի մի քա-  
նի արձանագրութիւններ:

Տեսուչ չկայ, ուսուցչական խումբը կազ-  
մւած է 13 ուսուցչից: Նոր հրաւիրւած են Յ.  
Տէր-Միրաքեան, Գ. Տէր-Գաբրիէլեան, Կ. Առա-  
քելեան, Ա. Բաբայեան, հեռացել են Գ. Երզն-  
կեան, բժ. Խ. Բունիաթեան, Յ. Տիգրանեան:

Ուսուցչաց ուճիկն է սեպտեմբերին՝ զըպ-  
րոցի այլ ծառայողների հետ միասին 683 ը. 86  
կ. բայց հոկտեմբերից խմբի անդամների թիւն  
աւելանալու համար ուճիկը բարձրանում է  
ամսական 802 ը. 78 կ. տարեկան 9633 ը. 36 կ.  
1882 թ. մուտքն է 15228 ը. 58 կ. ելքը 15341 ը.  
33 կ. առ մէկն յունւարի մնում է բաց 113 ը.  
25 կողմէկ:

Հոգաբարձական արձանագրութիւններից  
երկուսն է, որ հոգաբարձական նոր կազմի մէջ  
են—Ամատունի, Տիգրանեան, Լալայեան, Սբորշ-  
չիկեան:

Այս կազմը յունիսի 6-ի իդ 28-րդ նիս-  
տում որոշում է եկող 1883—84. ուս. տարւայ

համար տեսուչ հրաւիրել բժ. Գ. Յովհաննի-  
սեանին մի տարի ժամանակով 1200 ը. ուճ-  
կով և շաբաթական 10 դասով: Նոյն գործերից  
տեսնում ենք, որ տեսուչը մասնակցել է հո-  
գաբարձական նիստերին. Յաջորդ նիստում ո-  
րոշում է ա. պատրաստականի զուգընթաց-  
ները փակել և եկող սեպտեմբերից նոր ընդու-  
նելութիւն չանել:

Դպրոցն ունի 4 դասարան 1 դասարանի մի  
գ. բ. և ա. պատրաստականի երկուական զուգ-  
ընթացներ, 564 աշակերտով:

1883—84 ՈՒՍՈՒՄՆ. ՏԱՐԻ

Գործում է հոգաբարձական նոյն կազմը,  
կան ժողովների արձանագրութիւններ:

Տեսուչն է բժ. Գ. Յովհաննիսեան. նոր հր-  
րաւիրել են Ն. Փիրումեան, Վարաժեան, Յ.  
Տէր-Աւետիսեան, Ա. Բրուտեան, Զարչօղլեան,  
Տէր-Գասպարեան, Ամատունի, Ս. Շիրակունի,  
Ն. Տէր-Վարդանեան, սոքա դպրոցի միւս ծա-  
ռայողների հետ միասին ստանում են տարեկան  
9888 ը. 84 կ.

Դպրոցն ունի նոյն չափ դասարաններ, իսկ  
բոլոր բաժանմունքների թիւն է 16. աշակերտ-  
ներինը (752. որովհետև տարւայ սկիզբը 350  
խնդիր է տրւած լինում, ուստի և հոգաբար-  
ձութիւնը որոշում է երեք հաս թաղային ծխա-  
կան դպրոց բանալ Լուսաւորչի, ս. Նշանի և  
Աստուածածնայ, որով և պիտի բացատրել ու-  
սուցչական խմբի 23 հոգուց բազկացած լինելը:

Գրեւ Վշոյ ԲՅԵԸ



բաց է ստիպում յոնս Արտոն  
Շրանլա ԳԱՅԱՅ

Մանկավարժական ժողովն այս տարի ունեցել է 26 նիստ և զբաղւել զանազան ընթացիկ խնդիրներով:

Հրապարակական հարցաքննութիւններ դեռ կան, այս 1արում մանկավարժական ժողովի որոշմամբ նոքա սկսում են մայիսի 18-ին:

Քննութեան արդիւնքն է, փոխում են 444, անպայման մնում են 196, վերաքննելի 112: Այս տարի, հակառակ իր որոշման դպրոցը բաց է անում I բաժնի 2 զուգընթաց մէկը՝ Լուսաւորչի և միւսը ս. Նշանի ծխական դպրոցներում: 1883 թւին դպրոցի սլքն է 13933 ը. 22 կ. մուտքը 13950 ը. 77 կ. առ մէկն յունւարի 1884 ամի մնում է 17 ը. 55 կոպէկ:

1884 - 85 ՈՒՍՈՒՄՆ: ՏՍՐԻ

Հոգաբարձութիւնը մնում է նոյնը, ժողովների արձանագրութիւններ չկան: Դպրոցի տեսուչ է հրաւիրւած Գ. Տէր-Պետրոսեանը: Ուսուցչական խմբին աւելացել են նոր ուժեր Իսահակ Թոխաթեյեան, Դաւիթ Կարապետեան, Յ. Տէր-Պետրոսեան, Մ. Տէր-Մարտիրոսեան, Աղասի Պահլաւունի, Ստեփան Մամեան, Ե. Գեղազուկեան, Ա. Շաթիրեան, Պ. Չախալեան, հեռացել են Փիրումեան, Չարչօղլեան, Շիրակունի, բժ. Գ. Յովհաննիսեան, Հ. Դուկասեան: Այս խմբի ժողովներն սկսել են օգոստոսի 16-ին, երբ արւում է գասագրքերի ընտրութիւն:

Աշակերտների ընդունելութիւնից յետոյ մանկ. ժողովի III նիստում պարզում է, որ

այս տարի պիտի ունենայ դպրոցն իր մասերով 18 բաժանմունք, որից I բաժ. 4 հատ. II բաժ. 4 հատ. III բաժ. 4 հատ. I դաս. 3 հատ. II, III և IV դասարաններ: Աշակերտների թիւն է 850, ամենաշատը հոգևոր դպրոցի ամբողջ գոյութեան ընթացքում: Սկզբի բաժանմունքներում սովորական է եղել 60-ական աշակերտ ունենալն:

Ուսուցիչներն ստացել են ոտճիկ ամսական 546 ը. 43 կ. տարեկան 6557 ը. 26 կ. նախընթացի համեմատ վարձատրութեան չափն ընկել է:

1884 թ. տարեկան մուտք 12348 ը. 33 կ. սլք 12003 ը. 48 կ. առ 1-ն յունւարի 1885 թ. մնացորդ 344 ը. 85 կ.

Այս ուսումնարանական տարին ինչպէս յայտնի է, կիսատ է մնում 1885 թւի մարտի 8-ին հայ դպրոցների փակելու պատճառով:

1885 թւի մուտք մինչև սեպտեմբերի 3-ը 4359 ը. 28 կ. սլք մինչի հոկտեմբեր 3880 ը. 35 կոպ. առ ձեռն մնում է 475 ը. 90 կոպ. այստեղ մուտք չէ զբաժ 1884 թւի մնացորդն ու դպրոցի միւս եկամուտները մինչի 1885 թւի վերջը:

Այս շրջանին իբր վերջաբան կարող ենք ասել, որ ոչ Շուշին և ոչ նոյն իսկ Երևանը չեն ցոյց տւել իրենց հոգևոր դպրոցները (սեմինարիաները) յառաջ տանելու այնպիսի սէր և ձրգտումն, ինչպէս Ալէքսանդրապօլը: Այն ժամանակ, երբ տեղիս վիճակային հոգևոր դպրոցը չորս դասարանի հասաւ, յիշեալ երկու սեմինարիաները խեղճ երկզասեան դպրոցներ էին

1058 թվ. 850

ու առան և աւելի տարիներից յետոյ չորս և հինգ դասարանեան դարձան:

Դպրոցի զրուժեան այս շրջանում գործել են Ալէքսանդրապօլու մի քանի բարեգործական ընկերութիւններ, որոնք որևէ կերպ նպաստել են թէ դպրոցին և թէ դպրոցի չքաւոր սաներին: Դրանցից մէկը — Ընթերցասիրաց ընկերութիւնն իր բոլոր գրքերը թողել է դպրոցին: Այդ ընկերութիւնն սննեցել է հոգևոր դպրոցում մի ընթերցարան, բերել է տւել զանազան լեզուով գրքեր և լրագրեր:

Մի ուրիշն եղել է վիճակային և ապա Մհականուշեան օրիորդաց դպրոցների չքաւոր աշակերտներին ձրիաբար գիրք և դասական պիտոյքներ բաժնող որբախնամ բարեգործական հիմնարկութիւն: Այս ընկերութեան տւած դասական ամեն տեսակ պիտոյքների յուցակն սկսած 1868 թւից մինչի դպրոցների առաջին փակումն, պահւած է դեռ դպրոցի գործերի մէջ:

Բացի դրանից մի խումբ մարդոց ջանքերով բացւել է մի զրատուն, որտեղ ծախւած դասագրքերից և այլ գրքերից մնացած զուտ արդիւնքը մտել է վիճակային դպրոցի գանձարանը:



### ԾՐԱԳԻՐ ՈՒՍՍԱՆՑ

աւանդելոց ի վիճ. — Հոգևոր դպրոցի Հայոց Ալէքսանդրապօլու.

Կազմուալ 1871/2 ուսումնական ամի

ԴՊՐՈՑԻ ՄԷՁ ԿԱՐԵՒԻ Է ՊԱՏԻԺԸ ՈՐՊԵՍ ԿՐԹՈՂԱԿԱՆ ՀԱՄԱՐՆԵՐԻՑ ՄԻՆԸ ԸՆԴՈՒՆԵԼ ԹԷ ՈՁ:

(Ղ. Աղայեան)

Այս վերնագրին կարելի է միկարի համառօտ պատասխան տալ, այն է «ոչ». բայց որովհետև մի սոսկ բացասական պատասխանը չի կարող բաւականացուցիչ համարւել, թէ այն անձանց համար, որոնք ծանօթութիւն չունին ներկայ ժամանակի դաստիարակութեան հետ և թէ պատժի գործադրութեանը ընտելացած վարժապետների, որոնց համար պատիժն այնքան անհրաժեշտ է, որքան դարբնի համար իւր կռանն ու սալը. այս պատճառով հարկաւոր եմ համարում նախ մի հարեանցի հայեացք դարձնել մեր աշակերտաց բնաւորութեան և նոցա յանցանք համարւող թերութիւնների վերայ, և ապա այն հնարի, որով միայն

հնարաւոր է արմատախիլ անել յիշեալ թերութիւնքը:

Ութից մինչև տասնըչորս տարեկան աշակերտներին կարելի է մօտաւորապէս երեք կարգի բաժանել ըստ նոցա բնաւորութեան:

1) Կան աշակերտներ, որոնք իրանց ժրջանութեամբ, կարգասիրութեամբ և այլ գովանի յատկութիւններով տրամադրում են վարժապետներին ամենայն զգուշութեամբ և մեղմութեամբ վերաբերել դէպի իրանց: Այնպիսեաց մէջ երբեմնապէս երևցած մեծ թերութիւնն անգամ աչքի չեն գարնում, և եթէ գարնում է, մի թեթև հայեացք է միայն դարձնում վարժապետի կողմից, որով կարծես կամենում է ասել «քեզ որպէս հասկացող երեխայի վայելուչ չէ անել այդ անկարգութիւնը»: Աշակերտները հասկանում են վարժապետի միտքը նորա ակնարկից և վարժապետն էլ նրկատում է այդ նորա գունամիտքովելուց:

2) Կան աշակերտներ, որոնք մի տեսակ մթութեան և խաւարի մէջ են: Այսպիսեաց համար պարզ չէ իրանց բռնած ընթացքը, գիտակցաբար չէ իրանց ուսումնարան գալ գնալը, երբեմն շատ վաղ են գալիս, երբեմն շատ ուշ, երբեմն ամենևին չեն գալիս: Այսպիսիք լինում են խեղճ հանդարտաբարոյ և չափազանց վախկոտ: Դասատան մէջ չեն ըմբռնում վարժապետի ասածները, ձեռք են բարձրացնում միամտաբար, պատասխանում են անմտաբար: Այսպիսիք ապուղ չեն, միայն տնական կեանքը ոչ մի գիտակցութեան սերմ չի ձգել իրանց ուղեղի մէջ, այլ մեծացրել է անասնաբար:

3) Վերջապէս կան աշակերտներ էլ, որոնք թէ տանր և թէ ուսումնարանումը գործ են դնում մանկական բազմատեսակ շարութիւններ: Այդպիսիք գերազանցում են միւսներին իրանց տարօրինակ ճարպիկութեամբը և խորամանկութեամբը բայց թոյլ է այսպիսեաց բնաւորութիւնքը, ամեն դժւարութիւնից փախչում են և ամեն հեշտութեան ետևից ընկնում. չեն ընկճում, չեն սահմանափակում մի որևիցէ կարգ ու կանոնի մէջ, այլ հակում են դէպի ամեն տեսակ մանկական մոլութիւն:

Առհասարակ աշակերտական յանցանքները լինում են ծուլութիւն, անհաշտ բնաւորութիւն և հակումն դէպի մի որևիցէ աննորմալութիւն: Ծուլութեան հետևանքն է բազմիցս բացակայ գտնւիլը դասերից կամ ուշ վերա հասնիլը և ըստ պատշաճին դաս չպատրաստելը: Անհաշտ բնաւորութեան նշանն է ընկերաց հետ խաղաղ և սիրով չվարւելը. իսկ անարգ մոլութիւն է, եթէ ցոյց է տալիս անհնազանդութեան, ստախօսութեան, գողութեան, ծխելու և այլ այս տեսակ վատաբարոյական նշաններ: Աւելորդ չէ ասելը, որ ինչպէս թմրածութիւնը, մոռացկոտութիւնը, վախկոտութիւնը և բթամտութիւնը չեն յանցանքներ, նոյնպէս կարելի չէ յանցանք համարել և չափազանց վառվռունութիւնը և նրանից առաջացած անվնասակար վարմունքները. բայց յանցանք է դասատան մէջ անուշադիր լինելը վարժապետին և ընկերաց հետ խօսելը և այլն: Սրանք են վերջապէս յանցանք համարւող աշակերտական թերութիւնները, որոնց առաջն առնելու համար հարկաւոր է

դատուում թեթև կամ ծանր ֆիզիքական կամ բարոյական պատիժներ գործ դնել, որոնք տեղի պիտի չունենան իմ կարծիքով կրթութեան գործի մէջ: Ասում եմ կրթութեան, բայց որովհետև մեզանում կրթել, զարգացնել, մարզել, վարժել, ուսուցանել, սորվեցնել, ընտելացնել և այս տեսակ բառերը շատ անգամ իրարու հետ շփոթում և միմեանց փոխանակ են գործ դնում, այս պատճառով ես կամենում եմ կրթութունը բառին մի նպատակաշարժար նշանակութիւն տալ առ այժմ իմ միտքս պարզելու համար միայն:

Կրթել և զարգացնել միևնոյն նշանակութիւնը ունին, որոնք չեն նշանակիլ ոչ ուսուցանել և ոչ մարզել, այլ թէ ուսուցանելուն և թէ մարզելուն տալ այնպիսի ձև որ նոքա լինին կրթողական զարգացուցիչ: Կրթել միայն բանականին կարելի է. իսկ անբաններին միայն մարզել և սովորեցնել առանց կրթութեան, պատճառ կրթութիւնը հոգու և մտքի հետ ունի գործ. իսկ մարզմունքը և վարժմունքը երբ հոգեկան կողմը չունին աչքի առջև չեն կրթութիւն: Կրթութեան մէջ ուսմունքը և մարզմունքն էլ հետն է իմացում և դեռ մի քանի բան էլ աւելի, պատճառ՝ կրթել պահանջում է մարդու բնութիւնն ամբողջապէս, այն է նրա հոգեկան և մարմնական կողմերն ի միասին: Ոգեկանին վերաբերում է նրա խօսքը և գործը այսինքն նրա դատողութիւնն ու բնաւորութիւնը. իսկ մարմնականին, նրա ոյժը և ճարպիկութիւնը, որոնք մեծ ազդեցութիւն ունին ոգեկան կողմի վրա: Ուսումնաստուութեան

զլխաւոր միջոցն է կրթութեանն իւր նպատակին մօտեցնելու, բայց այս այն ժամանակը միայն կլինի, երբ ուսման նիւթը և նրա աւանդելու եղանակը յարմարեցրած է բուն այդ նպատակին և այդ պատճառով էլ սովորաբար ասում են այս ինչ առարկան այն ինչ բովանդակութեամբ և մեթոդով ուսուցանելը կրթողական նշանակութիւն ունի, իսկ մի ուրիշ կերպ, հակակրթական:

Կրթել մի երեխայի կրնշանակէ կրթութեան միջոցաւ տրամադրել նրան մի դժանի բնաւորութիւն ստանալու և ինքնակրթութեամբ մօտենալու այն կատարելութեանը, որ վայել է իւր բնութեանը որպէս բնականի: Կրթող հանդիսանում է մի կրթեալ մարդ, որի գործիքն է ոչ միայնակ իւր աւանդելի առարկան, այլ և իւր շնորքը այդ առարկայի նպատակաշարժար աւանդելու մէջ, իւր իսկ բնաւորութիւնը, իւր ամեն մի խօսքն ու շարժւածքն իւր վաստակած յարգն ու պատիւը թէ դպրոցական և թէ հասարակական կեանքի մէջ: Սորանից ահա երևում է, որ կրթողի կողմից աւելի մեծ պահանջ կայ, քան թէ սոսկ մի որևիցէ առարկայ ուսանողից: Ահա այս կէտից եմ նայում կրթութեան բառի նշանակութեան վրա: Բացի սրանից մարդու բարոյապէս զարգացնելը ես չեմ յատկացնում մի որոշ առարկայի, այլ այդ յատկութիւնը միապէս տալիս եմ բոլոր առարկաներին, պատճառ նոքա ամէնքը միապէս կրթողական պէտք է լինին: Մեզանում կրթութեան գործը միայն կրօնին են յատկացնում, որը իւր ումանց ուսուցանողների շնորհիւ հա-

կառակ հետևանքի է հասցնում, պատճառ ա-  
սած է «մի ծաղկից օձը թոյն է շինում ճանճը  
մեղը», բայց լուսաւորեալ աշխարհներում վա-  
ղուց արդէն գուլբայագործութիւնն անգամ  
կրթութեան են յարմարեցրած և չէ այլևս լոկ  
ձեռաց վարժմունք: Միթէ պատմական, թւա-  
բանական, բնագիտական և այլ առարկաները  
կրթողական և այն բարոյական նշանակութիւնը  
չունեն, երեխայոց մէջ ինքնազարգացման և  
այլ գովանի բնաւորութեան հիմք դնելու յատ-  
կութիւն չունեն, եթէ միայն նոցա աւանդող  
ուսուցիչք առաւելապէս այդ ունին աչքի առա-  
ջ և ոչ հարցաքննութեան միջոցին միամիտ  
հանդիսականների աչքերը շլացնելը երեխանե-  
րին բլբլացնել տալով իրանց չհասկացած բա-  
ռերը:

Բանի վրա ահա այս կէտից նայելով, դառ-  
նանք այժմ և հարցնենք մեզ թէ արդեօք մեր  
ուսումնարանի մէջ կատարւում են այդ պայ-  
մանները և ոչինչ լաւ ազդեցութիւն չեն ա-  
նում երեխայոց բնաւորութեան վրա, թէ՞ չեն  
կատարւում և երբէք մի այդպիսի ուղղու-  
թիւն տալու ուսումնարանին փորձ չենք փոր-  
ձած: Յայտնի է որ չենք ունեցած այդպիսի  
ուղղութիւն, և որ չենք ունեցած գուցէ ասէք  
դորա պատճառն այն չէ, որ մեր մէջ ոչով չկայ  
որ հասկանար այդ. այլ թէ եղածներն մէջ  
գաղափարակցութիւն և համընդունակութիւն  
չկայ, որ ասել է թէ մենք այժմեան դրութեամ-  
բը չպիտի կարողանանք մանկավարժական կա-  
նոններին խստիւ հետևող լինել: Եթէ այս պիտի  
լինի մեր պատասխանը, ես կասեմ, որ յուսա-

հատելու տեղիք չկայ և մենք կստրկացնենք  
հակելելով դէպի այն կողմը, որ կողմում մե-  
զանից մեծ աշխատութիւն չի պահանջւում և  
չենք աշխատիլ երբէք լինելու ախպէս, ինչպի-  
սին պահանջում է դաստիարակութեան սրբա-  
զան պաշտօնը:

Այս երկու ուղղութիւնից մէկը պիտի ընտ-  
րենք անշուշտ կամ պիտի աշխատենք կրթել  
առանց պատժելու և կամ առանց կրթելու պի-  
տի պատժենք անկրթութեան նշան ցոյց տւող  
աշակերտներին, միջին ճանապարհ չկայ:

Ես կարծում եմ, որ մեր ուսումնարանումը  
բաղդաւորապէս չկայ և ոչ մի աշակերտ, որի  
համար կարող լինէինք ասել թէ նա բարոյա-  
պէս փչացած է, անուղղելի է: Դոցա մէջ, ով որ  
փոքր ինչ թոյլ է երևում բարոյապէս, դեռևս  
չի կազմակերպւել բնաւորութիւն ասած բանը,  
այդպիսիների վերաբերմամբ մեզանից ամեն մէ-  
կը կանէ, որ եթէ նա լինէր իւր զաւակը, իւր եղ-  
բայրը, ամենը որ կարող էր նորան ուղիղ ճանա-  
պարհի վերա կանգնեցնել և այդ կանէր իհարկէ  
ոչ երբէք պատժի օգնութեամբ, որով ունըը  
շտկելու տեղ աչքն էլ կրկուրացնէր, այլ սիրով  
և մարդավարութեամբ: Բարուց վերա միայն  
այս կերպով կարելի է դրական ներգործութիւն  
անել. սորա հակառակ միջոցով արած ներգոր-  
ծութիւնը միշտ բացասական կարող է լինել:  
Բայց կան թերութիւններ, որոնք առաջ են  
գալիս այս կամ այն առարկայի մէջ թոյլ  
գտնւելուց, որոնք մոլեկան, յատկութիւն չեն,  
բայց դարձեալ պակասութիւն է, այդպիսի թե-  
րութեանց համար պատժելուց առաջ եթէ նա-

խապէս քննենք նոյն իսկ առարկան թէ նա ինչպէս է սկսել ինչպէս շարունակել, ինչպիսի փոփոխութեանց է ենթարկել և ապա ուրեմն ինչպիսի հետք թողել աշակերտաց մտքի մէջ և ինչպիսի ազդեցութիւն արել նոցա բնաւորութեան վերա. — այնուհետև մենք անշուշտ կրգանք այն եզրակացութեան, որ եթէ այդպիսի թուլութեանց համար հարկաւոր է պատժել աշակերտներին, ապա ուրեմն հարկաւոր է պատժել և վարժապետներին. հարկաւոր է պատժել և պատուելի հոգաբարձուներին, պատճառ, վարժապետները և առաւելապէս հոգաբարձուք շատ անգամ աւելի թոյլ են գտնուում իրանց գործը բարեխղճութեամբ կատարելու մէջ, քան թէ նոյն կարեկցութեան արժանի անմեղ մանուկները, որոնք գեռ չգիտեն ինչ կընշանակէ պարտք պարտաւորութիւն: Աշակերտական յանցանքը անդրադարձութիւն է վարժապետական յանցանաց. իսկ վարժապետական յանցանքը անդրադարձութիւն է հոգաբարձական յանցանաց: Հոգաբարձուք երբ են արել մի խստիւ ընտրողութիւն վարժապետաց վերաբերմամբ, նայելով նոցա վերա որպէս դաստիարակների: Վարժապետները երբ են արել մի խստիւ ընտրողութեամբ համակարգութիւն աշակերտաց մէջ ըստ նոցա ընդունակութեան: Վարժապետները երբ են արել մի խստիւ հետևողականութիւն իրանց աւանդած առարկաների և նոցա ուսուցանելու եղանակի մէջ: Միևնոյն առարկան այսօր կիրակոսն է դաս տալիս վաղը Մարկոսը և միևնոյն Մարկոսը միևնոյն առարկայի շարունակութեան ժամանակ այսօր տա-

քին է փչում վաղը հովին և այս բոլոր պոչաւոր յանցանքները ընկնում են անմեղ մանուկների վերա. — մէկը ապտակ է զարկում, միւսը քանոն. մի ուրիշը չօքեցնում է, չորրորդն անհաց է թողնում, մի քանիսն էլ այնպիսի պատիժներ են տալիս, որ ոչ ոքի մտքով անցած չլինի մինչև այն օրը և զւարձանում իրանց հրաշալի գիւտով:

Պարոններ, ներեցէք ինձ մի համառօտ խորհրդատուութեամբ վերջ տալ իմ կարծիքին: Բնութիւնը համաշխարհութիւն և կանոնաւորութիւն է սիրում. ոչ մի բան մարդկային հնարմանց մէջ այդ հրաշալի ներդաշնակութեանը այնքան համանմանելու պահանջ չունի ինչքան մարդուս կրթութեան արւեստը: Պէտք էր որ տնական և ուսումնարանական ազդեցութիւնքը միապէս առ բարին տրամադրէին կրթողին, պէտք էր որ միևնոյն դպրոցի բոլոր վարժապետները գաղափարակից լինէին և համընդունակ պէտք էր որ հոգաբարձուք համախօս գտնւէին վարժապետաց հետ նոցա արդարացի պահանջումների մէջ. բայց քանի որ դոցանից և ոչ մէկը չկայ, նամանաւանդ քանի որ տան և ուսումնարանի մէջ աջակցութիւն չկայ, կամ այն է որ դպրոցը պէտք է հետևի տան ձևին, ի գործ դնելով նրա բոլոր բարբարոսական և հնադարեան վարմունքները և կամ կրկնապատկելու է իւր ոյժը և երկոցունց պարտաւորութիւնքը ինքը միայնակ կատարելու է հետևելով բոլոր հռչակաւոր դաստիարակների այն խօսքին, որ ասում են. «Երեխան որքան աւելի է ասում տան մէջ, նա այնքան աւելի մեծ սիրոյ պիտի

և հանդիշի ուսումնարանում»։ Եւ արդարև ուսումնարանը դատարան չէ, չունի օրինօք որոշւած պատիժներ և վարժապետները այդ օրինաց կուրօրէն գործադրողները չեն։ Ուսումնարանը չէ և ուղղարան օրինօք յանցաւոր համարւած երեխաների։ Ուսումնարանը մի կրթութարան է։ Այդտեղ տալիս են անմեղ մանուկներ, որ նոքա գիտակցութիւն ստանան, ճանաչեն իրանց չարն ու բարին, մի խօսքով զարգանան բարոյապէս և մտաւորապէս։ Մեզ վարժապետներին վերա պարտք կայ ոչ թէ պատիժների հետ ընտելացնել նրանց, այլ ամենայն բարոյական ճիգն թափել նոյն։ Իսկ ընտելացածների մէջ էլ մի ատելութիւն ձգել դէպի այդ անարգ վարմունքը։ Իսկ եթէ փոխանակ բարոյական ուժի վարժապետների ձեռքը տանք պատժելու իրաւունք, ես ամենայն հոգով հաւատացած եմ որ այնուհետև ուսումնարանը կրդառնայ պատժարան և վարժապետները կըլինին մի-մի դահիճ։ Եթէ նոյն իսկ մի թեթև ապտակը հրաշք է գործում, ինչպէս ասում են շատերը և ես հաւատում եմ, բայց ես հաւատալուս հետ համոզւած եմ, որ այդ հրաշագործ կեանքը մի սուրբ դաստիարակի կեանք լինելու է և ոչ մեզ պէս մեղաւորների։ Ուստի նախ և առաջ այդ սուրբ հեղինակութեանը հասնելու է ինքնակրթութեամբ և բարոյական ուժով և ոչ պատիժների օգնութեամբ, որ մի կողմանէ վարժապետաց կպահպանէ իրանց սոպոութեան և տգիտութեան մէջ և միւս կողմանէ աշակերտներից ոմանց կատրկացնէ կուրութեան չափ ճնշելով նորա բոլոր ինքնուրոյնութիւնը

անհատականութիւնը և ոմանց կհասցնէ անբարոյականութեան բարձր աստիճանին, շատ սակաւք զերծ կմնան այդ երկու ամենալնասակար ծայրայեղութիւնից։ Այս է ահա իմ կարծիքս պատժի մասին. իսկ մասնաւոր երևոյթների վերա ես նայում եմ որպէս բացառութեանց վերա։ Այսպէս Կայէնի եղբայրասպանութիւնը մի սովորական երևոյթ չէ. այլ բացառութիւն է միանգամայն, ինչպէս հրէշները չեն սովորական ծնունդներ։

Այլև աւելորդ չեմ համարում այս էլ ասել որ ես պատժի վերա նայել եմ սոսկ հոգեբանական կէտից ըստ չափու իմ հասկացողութեան, իսկ բնախօսութեան կէտից նայելը, որ իմ գործում չէ, թողել եմ բժիշկներին, որոնք չեմ կարծում որ ասեն թէ գլխին խփելով ուղեղը կըկրթւի, կամ քաղցած պահելը առողջապահական նշանակութիւն ունի և այլն։ Ի վերջոյ ես խոստանում եմ յարգոյ ժողովիդ ներկայացնել մի ուրիշ անգամ բազմատեսակ դիւրագոյն հնարներ մեր դատողութեան ենթակայ չարեաց առաջն առնելու համար, իսկ այս անգամ ես միայն մի քանի հնարներ եմ մէջ բերում որպէս օրինակ թէ ինչպիսի հնարներ պիտի լինին իմ առաջարկելիքս։

Պարտաւորութիւնք վարժապետաց։

1. Բոլոր վարժապետների մէջ պէտք է այնքան մեծ սէր ու միութիւն լինի, որ այդ զգալի լինի աշակերտներին։ Եթէ մէկը վշտացած է մի ուրիշից պէտք է յայտնէ մանկավարժական ժողովին և պահանջէ նրա տնօրէնութիւնը այդ մասին։



2. Ոչ մի վարժապետ մի ուրիշ վարժապետի չպէտք է բամբասէ ժողովրդի մէջ, բայց ժողովի մէջ ամեն մէկը ազատ է իւր նկատողութիւնքը միւսի թերութեանց վերա անել, սոսկ փաստեր առաջ բերելով առանց պատուոյ դիպչող բառեր գործ դնելու:

3. Վարժապետաց յարաբերութիւնը աշակերտաց հետ պիտի լինի եղբայրական սիրով, այդ սէրը պիտի զգալի լինի աշակերտներին: Վարժապետը դասատուն մտնելիս և դասախօսութեան ժամանակ հոգու և դէմքի զւարթութիւն պիտի երևցնէ, երբէք չպէտք է կնճռած և տխուր դէմքով նայէ, չպէտք է արհամարական և ստորացնող նայլածք ձգէ աշակերտաց վրա:

4. Վարժապետը պէտք է նկատէ միշտ թէ որոնք են աշակերտներից իրեն հետ բաւականաչափ ընտանէացած և որոնք են, որ զիրենք խորթ են համարում, և աշխատելու է որ այդպիսիներին էլ ընտանեցնէ: Ինչպէս ճարտար հիւրընկալը զիտէ իւր բոլոր հիւրերի սիրտը միապէս շահել առանց մէկին միւսին անուշադիր թողնելու, նոյնպէս պէտք է լինի և վարժապետը իւր աշակերտաց վերաբերմամբ ամենքին բաժին հանելով իւր քաղցր ակնարկից և ոգևորող յորդորներից և ոչ թէ մի քանիսի վրա չո՛ւնէ իւր ակնարկը և միւսների դէմքի վրա երբէք չկենդրոնացնէ իւր ուշադրութիւնը:

5. Վարժապետը դասախօսելու ժամանակ պէտք է ձայնի մեղմութիւն պահպանէ, չպէտք է իւր դասախօսութիւնը ընդհատէ «սուս հանդարտ կացէք» և սոյնպիսի բառերով կամ չընկ-

չխկացնի սեղանը այլ կշարունակէ իւր դասախօսութիւնը և միևնոյն ժամանակ իւր ակնարկութիւնը կրկենտրոնացնէ այն աշակերտի վրա, որի ուշադրութիւնը ուրիշ բանի վրա է ընկել: Վնաս չունի, եթէ նոյն աշակերտը չընկատէ էլ այդ, պատճառ, բաւական է որ միւսները նկատեն: Դասախօսելու ժամանակ չպէտք է ծիծաղաշարժ խօսքեր անէ ձեռք ու ոտքով, ձայնով կամ աչք ու ունքով, եթէ իսկապէս մտազիր էլ լինի ծիծաղեցնել նրանց: Վարժապետը դասատան մէջ ոչ սքին ոչ մի յանդիմանական խօսք չպէտք է ասէ որևիցէ աշակերտի, այլ միայն ուշի ուշով կնկատէ թէ ով ինչպէս է վարում ինքը զինքը և իւր նկատողութիւնքը կյայտնէ մանկավարժական ժողովին: Վարժապետները երբեմնապէս աշակերտաց հետ սկսեն ման գալ, խօսել հասարակ բաների վրա: Երբեմնապէս կիրակի կամ տօն օրերը կարող են աշակերտներից քանի մի հոգի ի միասին մի որևիցէ վարժապետի մօտ գալ զնալ այցելութեան, լրագիր կարգալու կամ մի բան հարցնելու խօսելու: Այդ տեսակ ընտանէական յարաբերութեանց ժամանակը կարելի է երգել ծիծաղացնել, զւարճացնել և այդ տեսակ յարաբերութիւնքը ոչ միայն չեն պակասեցնիլ վարժապետի հեղինակութիւնը այլ աւելի սիրելի կը կացուցանեն և կը գրաւեն միանգամայն նրա հաւատարմութիւնը: Աշակերտաց հիւանդութեան ժամանակ, կարող են նրան այցելութեան երթալ մխիթարել սփոփել, բայց իհարկէ ծախքի մէջ չձգելով ծնողացը: Յետամնաց ու թմրած աշակերտների վրա մանաւանդ առան-

ձին ուշադրութիւն կդարձնեն դարձեալ ընտանեկան յարաբերութեամբ: Կարճ խօսքով ասել վարժապետաց յարաբերութիւնքը աշակերտաց հետ այնքան սերտ սիրով պիտի լինի, որ աշակերտը ուր և իցէ վարժապետին տեսնելիս, այնպէս ուրախանայ, ինչպէս մի մանուկ իր ծնողացը տեսնելիս ուրախանում է, և ոչ թէ վարժապետի շուքը տեսնելուն պէս փախչի և ծակամուտ լինի: Երբ որ վարժապետին շրջապատում են աշակերտները ինչպէս հարազատ եղբայրներ իրանց հարազատ ծնողին, այդ արդէն ապացոյց է նոցա անկեղծ սիրոյն և հաւատարմութեանը:

6. Այն վարժապետները որոնցից յոյս չբկայ մի այսպիսի յարաբերութեան, նոքա կարող չեն կրթող լինել: Այդպիսիք կարող են բարձր դասատան մէջ մի որևիցէ առարկայ ուսուցանել, բայց չի կարելի յանձնել նոցա նախակրթարան, ուր պիտի հիմնարկէ երեխայոց բնաւորութիւնը: Նախակրթարանի մէջ միայն այն վարժապետները պէտք է ունենան դաս, որոնք աւելի հեղինակութիւն և յարգ ու պատիւ ունին թէ դսլրոցական և թէ հասարակական կեանքի մէջ: Այսպէս ասելով ես ոչ միայն ընդդէմ չեմ, որ նոքա բարձր դասատանց մէջ էլ դաս ունենան այլ այդ անհրաժեշտ եմ համարում, պատճառ այդ հանգամանքն ևս քիչ ազդեցութիւն չունի փոքրերի վրա: Չնայելով այս բոլոր ասածներին, ես ինքքս էլ համոզւած եմ, որ որքան աշխատինք դպրոցը եղեմական դրախտի փոխարկել, դարձեալ սատանան կարող է մուտ գործել նրա

մէջ մէկին կամ միւսին պատւիրանազանց անելու: Ասուած հրեղէն ոգիք ստեղծեց բոլորովին անբիծ և անարատ, այլ սակայն նոցա մի մասը մեղաւոր գտնւեցան: Բայց այսու ամենայնիւ ես կը պնդեմ դարձեալ, որ աշակերտաց մեղաց համար պէտք է վարժապետները հետեւելով Որդւոյն Միածնի յանձն առնեն շարշարել և իրանց արիւնով սրբել նոցա մեղքերը: Առանց հոգեկան տանջանքի վարժապետաց կողմից, չի կարող ուսումնարանը կրթարան դառնալ: Եւ արդարև մեծ տանջանք է վարժապետի համար, երբ նկատում է, որ այս ինչ աշակերտը արժանի էր մի փառաւոր ապտակի, բայց ստիպւում է սանձահարել իր կիրքը. աշխատում է չցուցանել իւր դէմքի վրայ որևէ բարկութեան նշան ու միևնոյն ժամանակ աշխատում է ամենայն սիրով և բարութեամբ մոլորածին ուղիղ ճանապարհի վրայ դնել: Այս էլ պէտք է ասել, որ այսպիսի դժուարութիւնքն երկարատև չեն լինիլ: Հետզհետէ կարգասիրութեան հետ կնտելանան աշակերտները և դրանով կթեթևացնեն վարժապետի գործը, որի դժուարութիւնը կլինի միայն խստիւ հետևողականութիւն պահպանել իւր մի անգամ բռնած ընթացքի մէջ: Այլև այս գործը այնքան կրթեթևանայ, որքան բոլոր վարժապետաց կողմից կլինի միևնոյն կարգի պահպանութիւնը:

Եթէ իւրաքանչիւր դասատուն մի վարժապետի միայն յանձնւած լինէր, այն ժամանակ մեծ դժուարութիւն չէր լինիլ բարոյական ազդեցութիւն գործելը, քան երբ որ դանազան բնաւորութեան և հասկացողութեան մար-



դիկ են մուտ գործում, միևնոյն դասատուներ մի վարժապետի յանձնել, քանի որ չունինք դեռևս մասնաւորապէս այդ պաշտօնի համար պատրաստած անձինք, որ բոլոր աւանդելի առարկայքը միապէս լաւ գիտենան: Այսպիսի դրութեան մէջ աւելի մեծ կարևորութիւն կայ ուրեմն որ վարժապետաց վարմուները ըստ կարելոյն միանման լինէին: Որքան որ մի աշակերտ իւր անուղղայ վարուքը կարող էր ապականել իւր ընկերներին նոյնպէս և մի վարժապետ, իւր դաստիարակի անվայել ձևերովն ու խօսքերովը, կարող է մի ամբողջ խմբի բարոյական ճիգն ու ջանքը ի վերև հանել: Այն վարժապետը, որ աշակերտին ուղղելու շնորք չի ցոյց տալիս նա պիտի արտաքսուի, որպէս անընդունակ, և այն աշակերտը որ ոչ մի բարոյական հնարով չի ուղղւիլ, նրան առանց որևէ կիցէ պատիժ տալու պէտք է արտաքսել:

Պատմութեան նախագիծը

4. Առկասեանց

Պատմութեան դասատուութիւնը մեր ուսումնարանում պէտք է սկսի ուսումնական շրջանի հինգերորդ տարուց, այն է մեր երկրորդ դասատանը: Հայոց պատմութիւնը պէտք է զուգակցաբար ընթանայ ընդհանուր պատմութեան հետ որպէսզի ժամանակակից եղբրութիւնները պարզ ըմբռնեն ուսանողները և կարողանան գիտակից հասկացողութիւն կազմել մեր պատմութեան ամեն մի անցքի վերաբերմամբ:

1. Ուսումնարանը ուսումնական շրջանի

չորրորդ տարում, այն է Ա. դասատանը պէտք է ծանօթացնել Հայոց պատմութիւնից մի քանի նշանաւոր անձնաւորութեանց հետ որոնց կեանքի ու բնաւորութեան նկարագրութիւնը կարող է լինել գրաւիչ և զարգացուցիչ:

Այդպիսի անձինք յատկապէս յետազային կարող են լինել Հայկ, Արամ, Արա, Անուշաւան, Տիգրան ա., Վահագն, Վահէ, Վաղարշակ ա., Արտաշէս ա., Տիգրան բ., Արգար, Արտաշէս բ., Տրդատ, ս. Գրիգոր, Մեծն Ներսէս, ս. Սահակ, Արտաշէս վերջին, Վարդանանք և Աստուղեանք, Ն. դարու հայեր, Վահան Մամիկոնեան, Աշոտ ա, Աշոտ ողորմած, Գագիկ վերջին, Ռուբէն ա., Աստուղեանք բ., Հեթում ա, Աստուղեանք գ. և որպէս վերջաբանութիւն. — այժմեան հայերը:

Ընդհանուր պատմութիւնից:

3. Երկրորդ դասատան հին պատմութիւնը այն է Գրուբէյի պատմութեան ա. մասն ու յաւելւած բ. մասից, մինչև Արևմտեան Հռովմէական պետութեան անկումն, որ է 476 թրւականը, իսկ Հայոց պատմութիւնից մինչև Արշակունեաց թագաւորութեան վերջանալը (433):

Ծանօթութիւն. Չնայելով, որ Վարդանանց պատերազմն ու Աստուղեանց մարտիրոսութիւնը նոյնպէս այդ շրջանի մէջն է մտնում, բայց որպէսզի մի տարւան կուրսը չափազանց շատ չլինի, լաւ է թողնել այդ յետագայ տարւան սկզբին:

3. Երրորդ դասատան ընդհանուր պատմութիւնից միջին դարերի պատմութիւնը, այն է

բ. Մասն Գրուբէյի պատմութեան մինչև վերջը իսկ Հայոց պատմութիւնից -- մինչև Ռուբինեանց թագաւորութեան վերջը:

4. Չորրորդ դասատան, նոր ժամանակների պատմութիւնը, (Գրուբէյի պատմութեան գ. մասն): Հայոց պատմութիւնից անիշխանութեան ժամանակները մինչև մեր օրերը:

Ծանօթութիւնք. 1. Գրուբէյի պատմութիւնը գրւած լինելով գերմանական ուսումնարանների համար, սովորականից ընդարձակ է նորանում գերմանացւոց պատմութիւնը: Այդտեղ կարելի է համառօտութիւններ անել. դորա փոխանակ, հարկաւոր է աւելի ընդարձակ կերպով ուսումնասիրել Հայոց պատմութիւնը և մանաւանդ բազմակողմանի հայեացք գցել հայերի ներկայ վիճակի և կացութեան վերա: Կաթողիկոսութիւն, էշխանութիւն, Տաճկաստանի Հայոց սահմանադրութիւն, Ռուսիոյ հայոց մի քանի արածուցութիւններ, Պարսկաստանի հայոց վիճակը և այլն:

2, Որպէս Հայոց պատմութեան ձեռնարկներ լաւագոյնն են Հ. Ե. Չագճեանի և Գ. Աբովեանի Աշխատասիրութիւնները:

Հարկաւոր է ուսուցչին աչքի տակ ունենալ և Գ. Վ. Շահնազարեանցի աշխատասիրութիւնը «Ծրագիր պատմութիւն Հայաստանի»:

3. Հայոց պատմութեան դասերը պէտք է ընդհանուրի հետ ժամանակակից ու զուգակից կերպով ընթանան:

Աշխարհագրութեան նախադիժը

2. Ղուկասեանց

ա. Ինչպէս աշխարհագրութեան դասերը պէտք է սկսել ուսումնարանական շրջանի մէջ

երրորդ տարուց, այսինքն գ. պատրաստականում: Այս տարւան դասերը կլինեն ընդհանուր ծանօթութիւն օդի, ջրի, ցամաքի, գործարանաւոր և անգործարան մարմինների մասին առհասարակ. ըստ չափու կարելիութեան, տեղեկութիւն նոյն բնական մարմինների և երեւոյթների մասին հայրենիքում, սկիզբն առնելով աշակերտի բնակութեան տեղից և ընդարձակելով առաւել և առաւել հեռու: Այլև ընդհանուր ծանօթութիւն մասշտաբի, յատակագծի և աշխարհագրական քարտէզների հետ

բ. Առաջին դասատանը. — (աշխարհագրութեան դասերի երկրորդ տարին) ընդարձակ տեղեկութիւններով բնական աշխարհագրութիւնը (ըստ Սիմէօնովի \*) և համառօտակի հասկանալի գիտելիքները մաթեմատիքականից:

գ. Երկրորդ դասատանը. — Ասիայի, Աֆրիկայի, Ամերիկայի և Աւստրալիայի աշխարհագրութիւնը (ըստ յիշեալ հեղինակի):

դ. Երրորդ դասարանը. — Եւրոպայի աշխարհագրութիւնը (ըստ նոյն հեղինակի):

\*) Սիմէօնովի աշխարհագրութիւնն ազատ լինելով շատ դասագրեանց մէջ ընդունած անտանելի և բոլորովին աւելորդ աշխարհագրական տեղեկութիւններից (ըստ մեծի մասին քաղաքականից) և պարունակելով իւր մէջ առաւել գործնական և կեանքի մէջ պիտանի առարկաների գրաւել նկարագրութիւններ աշխարհագրութեան. երեք մասերից էլ ամենից դերաղանցն է Ռուսիոյ ուսումնարաններում գործածւողներից: Ուստի և օգտակար է այդ դասագիրքն ունենալ որպէս ձեռնարկ: Այժմ մեզանում կայ Սմիլնովի աշխարհագրութեան թարգմանութիւնը, որ մի անպապէս ընտրութեամբ արած են Պետերբուրգի հայ ուսանողքը: Այս գիրքը ևս չնայելով որ չի կարող իւր արժանաւորութեամբը հասնել Սիմէօնովի Աշխարհագրութեանը, այդուամենայնիւ կարող է առայժմ գործածւել և օգուտ բերել:

Փիղիքայի ծրագիրը

Հետեւելով Կէհեմ. Փրիգին եւ Լաջարդէին կազմեց Ս. Քէկնագորեան

1. Բնագիտութիւնը (Փիղիքա) պարապու մ է բնական օրէնքների բացատրութեամբ: Բնական օրէնքներին ենթարկւած են բոլոր մարմինները: Բնագիտութիւնը պէտք է աւելի ուշ սկսել ժողովրդական դպրոցների մէջ, քան թէ բնական պատմութիւնը որ բնագիտութիւնից դիւրին է: Վասն զի բնական պատմութեան մէջ երևոյթներն աչքի առաջ են, այն ինչ բնագիտութեան մէջ բազմադիմի փորձերի վերա հիմնւելով, պէտք է որոնել և բացատրել երևոյթների օրէնքները: Այս պատճառաւ տեղի չէ գտել դպրոցական կեանքի մէջ այն միտքը որ կամենում է բնագիտութիւնն սկսել ըստորին կամ գոնէ միջին դասատների մէջ: Ստորին դասատներ ասելով հասկանալու ենք երեք նախակրթարաններ. իսկ միջին ասելով թեմական դպրոցի I և II դասատները:

Մենք սկսելու ենք բնագիտութիւնը մեր երրորդ նախակրթարանից և վերջացնելու ենք IV դասատանում, բայց երրորդ նախապատրաստականից մինչև երրորդ դասատունը կըլինի նա իբրև իրազննական ուսմունք, այնինչ երրորդից մինչև չորրորդ դասատան վերջը՝ իբրև իսկական առարկայ կաւանդւի: Այս որոշմունքը համաձայն է թէ ընդհանուր մանկավարժութեան տրամադրութեան և թէ մեր անձնական հայեացքին. Կէհրն էլ ասում է. «Սորանից վաղ ոչինչ չի օգնիլ գործին. այլ

մանաւանդ կըլնասի աշակերտներին»: Արդեօք մեր երրորդ և չորրորդ դասատներումն էլ կարող էր բնագիտութեան դասաւանդութիւնը, իբրև իսկական առարկայի բերել այն պտուղը, որ կցանկայինք տեսնել: Այս կախւած է նրանից, թէ ուսուցիչն իր առարկան ինչպէս է հասկանում և ինչ եղանակով աւանդում: Ուրեմն նախ և առաջ ուսուցիչը տէր պէտք է լինի իւր առարկային և նրա դասաւանդական ոճին (մեթոդին): Ընդհանուր ճշմարտութիւն է, որ ով մի բան լաւ սովորեցնելու լինի, ինքն էլ լաւ գիտենալու է նոյնը:

«Շատախօսութիւն այստեղ չի օգնում» ասում է Կէհրը, օրինաւոր բան առնելուց առաջ պէտք է օրէնքը ճանաչել: Կէհրը բաւական է համարում մի կողմից վարժապետական դպրոցի լաւ նախապատրաստութիւնը և միւս կողմից ժրաշան աշխատութիւնը ժողովրդական դպրոցի վարժապետի համար, որ կարող լինի արդիւնք ցոյց տալ այս առարկայի դասաւանդութեան մէջ:

Մենք կարող ենք ասել, որ եթէ վարժապետը ժրաշան ու աշխատասէր լինէր, որքան էլ որ թերի լինէին իւր սկզբնական նախապատրաստութիւնները, այնուամենայնիւ նա կարող էր այնքան հմտութիւններ ձեռք բերել, ինչքան ժողովրդական դպրոցի նպատակը կը պահանջէր: Բայց եթէ իւր ժամանակը պարապորդութեամբ անցկացնելով, միայն դասերից առաջ քանի մի կտոր բրդուջ տեղեկութիւններ քաղելով դասատուն է մտնում, փոխանակ իրողութեան, առասպելներ է ասում, այն ժա-

մանակ յայտնի բան է, որ օգուտ չէր բերիլ նա, այլ միայն վնաս: Այս պայմանով լաւ էր չաւանդել այս զիտութիւնը, քան թէ աւանդել:

2. Այնուամենայնիւ առարկայի ճշտագոյն գիտենալն բաւ չէ անշուշտ, մի երկրորդ պայման ևս կարևորագոյն է, և սա է դասաւանդական ոճը: Հարկաւոր է այս մասին ևս յիշել Կէհրի մի քանի նկատողութիւնները: Նա ասում է:—Առաջին ժամանակներում կամենում էին երեխայի տեղական կողմը զարգացնել. ուստի նախ վերացական գաղափարներ և երևակայական բացատրութիւններ էին աւանդում: Բնութեան վերա իմաստակում էին, եզրակացութիւններ էին անում, առասպելների էին հետևում, ուր ճշմարտութիւնը պէտք է խօսէր: Մարմինների ընդհանուր յատկանիշներ ու օգերևոյթներն առաջին դերն էին խաղում: Փորձառութիւնից և գննութիւնից խօսք անգամ չկար: Այս ուղղութիւնը, որ աշակերտին ստիպում էր անպայման հաւատալ իւր վարժապետի թելադրութեան, երկար տևելուց յետոյ նաւարեկութիւն կրելով մի այլ ուղղութիւն առաջ եկաւ, այն էր, թէ բնագիտութիւնը պէտք էր մաթէմատիքական ապացոյցներով աւանդել: Եւ ահա մաթեմատիկան տարագների կամ տեսողութիւնների հմայագրութիւններ է՝ որ նկարւում էին սև տախտակի երեսին, բայց երեխաները այս ամենից մի նշանախեց անգամ չըմբռնելով յորանջամբ էին արտայայտում իւրեանց անհաղորդակցութիւնը:

Հէնց որ այս ուղղութեան սխալն էլ յայտ-

նւեցաւ, ասպարէզ եկաւ մի երրորդ ծայրայեղութիւն, որ սակաւ փաստակար չէր քան նախընթացները:

Օրան խօսն էր «բնագլտական դասերը պէտք է հետաքրքրական լինին»: Եւ ահա նախկին անմարսելի կոշտերի տեղակ մատուցին ամեն մի սննդագուրկ ապուր, որ բաղկանում էր միմիայն առասպելական արկածներից և հրապուրիչ հրաշքներից:

Ի հարկէ աշակերտները լսում էին այսպիսի արկածներն ու հրաշքները մեծ ուշադրութեամբ, որովհետև իրանց երեխայական տրամադրութիւններին լիապէս հրաւանդութիւն էն տրւում և այս պատճառով կարծում էին խիստ երկար ժամանակ թէ ուղիղ ճանապարհի վրայ լինին. բայց ասիս, որքան էին սխալւում. միայն նորագոյն ժամանակներին էր պահւած հիմնել բնական օրէնքների վերա դասաւանդութեան ելքը:

Ահա նորագոյն ժամանակիս պահանջը.— Բնագիտութեան դասաւանդութիւնը անհրաժեշտ պէտք է հիմնի փորձառութեան և անմիջական գննութեան վրա: Այս է էական սկզբունքը, որ Բակօի հանճարի ծնունդն է համարւում. 3. Կրիւզերի զրջի տակ իւր կատարեալ նշանակութիւնն ըստացած, պարտք է դնում ամեն մի դպրոցների վերա այս երևելի մանկավարժին իւր շնորհակալիքը մատուցանել:

Այս հիմնական սկզբունքը լիապէս բացատրւում է որ բնագիտական ուսումը իւր զարգացման մասին. ոչ վերացական տեսութեանը ոչ առասպելախառն արկածների և ոչ կրաւո-

րական լսողութեան, այլ միմիայն անմիջական  
 գննութեան, անձնական և ներգործական դիտո-  
 ղութեան է պարտական. սրանից հետևում է,  
 որ ամենայն երևոյթ դիտելու ժամանակ աշա-  
 կերտը երեք բան հարցնելու պիտի տրամա-  
 դրւի. նախ ինչը՝ երկրորդ ինչպէսը և երրորդը  
 ինչուն: Նորագոյն ուղղութիւնը պահանջում է  
 դիտողութիւն, անմիջական գննութիւն, անձ-  
 նական և ներգործական եզրակացութիւն, բայց  
 այս ամենը առանց փորձառութեան երևակա-  
 յելի չէ: Փորձառութիւնն է, որ բնական բաղա-  
 դրեալ երևոյթները բացատրում և պարզում  
 է: Փորձառութեան միջոցին աշակերտը կարո-  
 ղանում է իւր դիտած երևոյթից հետևեցնել  
 հիմն եղող օրէնքը: Փորձառութիւնը մարդկա-  
 յին մտաց և բնութեան մէջ թարգմանի պաշ-  
 տօն է կատարում. մարդը հարցնում է և բը-  
 նութիւնը փորձառութեան բերանով պատաս-  
 խանում է:

Իհարկէ ուսման կարճ միջոցը և ուսանելի  
 նիւթերի մեծ քանակութիւնը ստիպում են մեզ,  
 որ միայն էական օրէնքներն ու ճշմարտու-  
 թիւններն աւանդենք աշակերտներին: Ճշմա-  
 րիտ գասաւանդական ոճն էլ պահանջում է,  
 որ խոյս տանք ամեն տեսակ արհեստականու-  
 թիւններից և խաղալիքներից, փորձառութեան  
 միջոցին: Նաև հեռու պէտք է պահել բարդ  
 գործիները, և մի կողմ պէտք է մնան բաղա-  
 դրեալ փորձերը:

Ճրիզն ու կէհր ասում են.— թանկագին և  
 փայլուն գործիներով մանուկների դեռահասների  
 առաջին խաղալը ուղղակի անմտութիւն է:

Առանց կարիքի արհեստականը դնում են  
 բնականի տեղ, բարդը՝ պարզի. հազազիւտը  
 սովորականի տեղ և այլն: Նոյն մանկավարժ-  
 ներն աւելացնում են.— «սա մի շոայլութիւն է  
 և իսկական կէս վնասակար, վասն զի սրանով  
 աշակերտի մէջ ծնուցանում ենք այն կարծիքը,  
 որպէս թէ առանց թանկագին և փայլուն գոր-  
 ծիքների անհնար լինէր բնութեան ճշմարտու-  
 թիւններին հմտանալն.» բարդ գործիներով շա-  
 ցնում են աշակերտի աչքերը. խեղդում են  
 նրա ձգտումները դէպի ազատ դիտողութիւն-  
 ները, և ծածկում են նրա ունեցած պայծառ  
 հայեացքը կատարւող իրողութեան վրա: «Այս-  
 տեղից հետևում է որ հասարակ գործիները և  
 պարզ փորձերը նախամեծարելի են, քան ներ-  
 հակը, վասն զի երեխան պարզ լաւ է դիտում,  
 քան թէ բաղադրեալը: Նախ և առաջ պէտք է  
 աշխատել բացայայտ ցոյց տալ այն երևոյթնե-  
 րը, որ աշակերտի շուրջն են կատարւում  
 բնական կերպով, առանց թանկագին գործիներ  
 մէջ բերելու, այլ միայն ուշադիր անելու նոցա  
 վերա: Օրինակ՝ լուսամուտի ապակին քրտնում  
 է, սրանով դիւրին է բացատրել ցօղի և եղեամի  
 կազմելը: Եռացող ջրից բարձրացող գոլորշի-  
 ներով կարող ենք հասկացնել մշուշի, մէզի-  
 ներով կարող ենք հասկացնել մշուշի, մէզի-  
 մառախուղի և ամպերի գոյանալը: Պաղ կափա-  
 րիչի վերա ժողովւող ջրային կաթիլներով կը-  
 մեկնենք անձրևի, ձիւնի և կարկտի ձևակերպ-  
 ւելը: Նոյնպէս մի հասարակ ձողով կարող ենք  
 բացատրել լծակի օրէնքները, մի պարսուտով  
 ցոյց կտանք կեղրոնաձիգ և կեղրոնախոյս գօրու-  
 թիւնները, մի միջոցով զգալի կանենք օդի ճըն-

շումը, մի ռեզիւնի թերով կամ մի փափուկ ճիւղտով կհասկացնենք առաձգականութիւնը, մի փոքրիկ մազնիսական պողովատի կտորով մազնիսականութիւնը: «Ամենից արժանաւոր ուսուցիչը նա է, որ ամենահասարակ գործիներով արդիւնք ցոյց կտայ» ասում է Լաճարդէր: «Աւելի ևս արժանաւոր է այն ուսուցիչը, որ գործիների մեծ մասը շինելու հնարը կըստփորեցնէ աշակերտներին» ասում է Կէհր: Այսպիսի գործունէութեամբ աշակերտն աւելի գլարճանում և հետաքրքրւում է, քան թէ պատրաստի գործիքների գննութեամբն, աւելացնում է Տրիլը»:

Ուսուցչի մի էական պարտաւորութիւնն էլ սա է, որ աշակերտին տրամադրէ իւր տեսած, գննած և ճանաչած երևոյթները ճիշտ խօսքերով արտայայտելու:

«Շատ անիրաւ և անտեղի է այն զառանցութիւնը, որ լինում է լեզւի ուղղախօսութեան նկատմամբ այն ուսուցչի կողմից, որից ուղղակի չէ պահանջում լեզւի վարժութիւնը: Լեզւի զարգացումը կախած է ենթադրեալ առարկաների յաջողակ աւանդելուց, և նոյն իսկ առարկաների արդիւնքն էլ ամենալաւ կերպով ապահովում է լեզւի զարգացմունքով: Լեզու և մտքի զարգացումը Լական նպատակն է ժողովրդական դպրոցի, իսկ առարկաները միջոց են ննթադրեալ նպատակին հասնելու: Լեզւի զարգացումն պէտք չէ յանձնել միայն քերականութեան այլ բոլոր ուսանելի նիւթերին և այս պահանջին զրապէս պէտք է հետևել:

3. Ինչ կվերաբերի բնագիտական նիւթերի

ընտրութեան, այս մասին պէտք է տեսական եւ գործնական նպատակներն ի նկատի ունենալով ընտրութիւն անել: Իսկ ինչ որ վերաբերում է իւրաքանչիւր դասատան մէջ աւանդելի նիւթերի ընտրութեան և քանակութեան, հարկաւոր ենք համարում հետևեալ նախազիծը առաջադրել, որ ըստ հանգամանաց կարող է փոփոխութիւններ կրել:

Երրորդ պատրաստական. շաբաթական երկու դաս.

Համեմատութիւն հաստատուն հեղուկ և գազակերպ մարմինների: Կրակի յատկութիւնը և ջերմութեան ծագումն: Արեգական և կենդանական ջերմութիւն: Շփելուց, զարկելուց, հրելուց, ճնշելուց, կարծրելուց և փթելուց առաջացած ջերմութիւններ: Ջերմութեամբ բոլոր մարմինների տարածելը ու ցրտութեամբ բոլորի ամփոփելը բացառութեամբ ջրի: Թաց նիւթերի տրաքտրաքելն ու պատուելը ջերմութեամբ, թաց նիւթերի ամփոփելը ջերմութեամբ, ջերմութեան ներգործութիւնը մարդու մարմնի վրա: Ջերմաչափի նիւթերն ու պատրաստելը: Համառօտ տեղեկութիւն երկրաշարժի, հրաբուխի և ջերմադրիւրների մասին: Ջերմաչափի տեսակները և գործածութիւնը: Գաղափար երկրային ջերմութեան վերա: Լաւ կամ արագ հաղորդողներ տաքութեան, վատ կամ ուշ հաղորդող տաքութեան: Բոյսերի և տունկերի պահպանելու մասին գործ դրած հնարները ցրտի դէմ, տարւայ 4 եղանակներում այլ և այլ տեսակ հագուստներ հոգալու նշանակութիւնը: Օդի հոսումն կամ շար-



ժուռնալ՝ առաջացած անհաւասարապէս տաքա-  
 նալուց: Հողմերի ծագումն ու օգուտները:  
 Եռացումն և հալումն: Հեղուկների և պինդ մար-  
 միների շոգիանալը. ցնդական, անցնդական,  
 չորացող և շրջորացող հեղուկների մասին: Շո-  
 գիացումից առաջ եկող երևոյթներ, չոր, ա-  
 մառան անձրևի հովացները, փողոցների և  
 տների ջրելուց առաջ եկած գովութիւնը. թաց  
 շորերով քնելու կամ ման գալու մասը. ան-  
 տառների ներգործութիւնը մթնոլորդի, օդի  
 վրա և այլն: Զերմութեան կլանելը և անդրա-  
 դարձութիւնը:

Օդի խոնավութիւնը. Սրանից առաջ եկած եր-  
 եւոյթները: Ցօղի, եղեամբ և մշուշի կազմելը:  
 Ամպերի գոյանալը, տեսակներն և նշանակու-  
 թիւնը: Անձրևի, ձիւնի և կարկտի գոյանալը,  
 պատճառը և իրանց օգուտներն ու վնասները:  
 Մարմինների լողանալը ջրի, ծովային ջրերի,  
 յատկութիւնը և նաւերի գործածութեան օ-  
 գուտը: Զրային շոգիների գոյանալը. նոցա գոր-  
 ծածութիւնը գործարաններում: Համառօտ տե-  
 դեկութիւն երկաթուղիների և շոգէնաւերի մա-  
 սին: Մարմինների լուծելը պաղ և տաք ջրերի  
 մէջ. Հանքային ջրերի մասին համառօտ տեղե-  
 կութիւն: Բիւրեղացումն: Հաղորդակցող անօթ-  
 ներ: Ծահիճների ցամաքեցնելու եղանակը և  
 օգուտը: Զրի մաքրելու կերպերը:

Մարմինների ընդհանուր յատկութիւնները:  
 Ընդդիմահարութիւն: Բաժանականութիւն:  
 Զգուշութիւն: Ծակոտկութիւն: Պնդութիւն և  
 առաձգականութիւն: Կաշութիւն և մաղակա-

նութիւն: Ծանրութիւն: Անգործութիւն: Օդի  
 յատկութիւնը: Օդի ճնշումը: Ծանրաչափի  
 վերա: Օդի ճնշելը և հերոնեսան աղբիւր: Օդի  
 ճնշելու վերա հիմնւած այլ գործիքներ, Զըր-  
 հաններ և հրշէջ: Օդահան, լիվեր և սիփոն:

Առաջին դասատուն (4 դ. տարի) շարաթական 2 դաս

Այս դասատան համար ևս նախընթաց նիւ-  
 թերն են լինելու, բայց ուսուցիչն այստեղ ըն-  
 դարձակելու է իւր պահանջն աշակերտի պատ-  
 մելու վերաբերմամբ:

Իբրև դասագիրք աշակերտի ձեռքին ամե-  
 նալաւն է պ. Աղայեանցի թարգ. «Բնական եր-  
 եւոյթների բացատրութիւն», անունով գրքոյկը.  
 Թէ թարգմանչի լեզւի պարզութեան նկատմամբ  
 և թէ հեղինակի կողմից նիւթերի բացատրու-  
 թեան յաջողակ լինելուն աղագաւ:

Այստեղ հարկաւոր են նոյն գործիքները,  
 որ նախընթաց դասատան մասին յիշեցին:

Երկրորդ դասատուն (5 դ. տարի) շարաթական 2 դաս:

Նախընթաց նիւթերն աւելի ընդարձակ:  
 Իբրև դասագիրք վերոյիշեալ գրքոյկն է: Եթէ  
 նախընթաց դասատան նիւթերն այս դասատան  
 մէջ հիմնաւոր և գիտակցաբար վերջացնեն ա-  
 շակերտները, կարելի է աւելացնել և հետևեալ-  
 ները:

Զրի և օդի բաղկացութիւնը: Թթւածին,  
 ածխաթթու: Այրումն: Շնչառութիւն:

Իասաւանդական ոճն այստեղ պատմական  
 և նկարագրական է,

Գործիքները նոյնն են:

Երրորդ դասատուն (6 դ. տարի) շաբաթական 3 դաս:

Դասագրքի ամենից յարմարն է Դոկտոր Յոզֆաննէս Կրիլգերի «Grundzüge der Physik» ըս- (կգրուեք բնագիտութեան») կոչւած գիրքը, որ ինչքան իւր բովանդակութեամբ, այնքան և իւր բացատրական ոճով ամենալաւն է մեր ուսումնարանի համար: Մենք դասաւորում ենք հետևեալ կերպիւ նորա նիւթերը.

I. Ուսումն չնրմութեան:—Ծագումն շերմութեան: Ներգործութիւն շերմութեան: Տարածումն շերմութեան II. Զգուշութեան սրելոյթներ: - Բնալուծական (քիմիական) ձգողութիւն կամ խնամութիւն: III. Զգողական գորութիւն: - Զգողական գորութեան ներգործութիւնն առանց բացառութեան բոլոր մարմինների վերա:

Ազատանկումն մարմնի: Անկումն ծուռ երեսի վերա: Զգած մարմնի անկումն: Զգման գորութեան ներհակ կենդրոնախոյս գորութիւն:

Առանձին ձգողական գորութեան ներգործութիւնը հաստատուն մարմինների վերա:

Լծակը. ծանրութեան կէտը. Ճոճանակը. մեքնայական շինութիւններ:

Զգողական գորութեան ներգործութիւնը կաթելահեղուկ մարմինների վրա:

Կաթելահեղուկների մակերևոյթների դրութիւնը խաղաղ և շարժուն դրութեան մէջ:

Կաթելահեղուկի ճնշելու կանոնները: Ընկղմւած մարմնի կանոնները:

Զգողական գորութեան ներգործութիւնը գազակերպ մարմինների վերա: Խտացեալ օդի առաձգականութիւնը: Մթնոլորտեան օդի ճնշումը և սրա վրա հիմնւած երևոյթները:

Չորրորդ դասատուն (7 տարի)

Այս դասատան մէջ Յ. Կրիլգերի գիրքը կըլինի իբրև դասագիրք աշակերտների համար: Այստեղի նիւթերն են, Լուսաբանութիւն, Զայնաբանութիւն, Մագնիսականութիւն, Ելեկտրականութիւն:

Այս երկու դասատներում բնագիտական ամենահարկաւոր գործիքներից գոնէ հետևեալները պէտք է ունենանք. — շերմաչափ, ծանրաչափ, խոշորացոյց կամ մանրադէտ, կշորդ, օդահան, օդախիտ մեքենայ, հերոնեան շիշ, լիվերսիփոն, շրհանների կաղապարներ, սողոցած պրիզմա, ուռուցիկ և գոգաւոր ապակիներ, մի քանի տեսակ ճախարակներ, մի քանի բնալուծական փորձի շիշեր, մի կողմնացոյց, մագնիսական և ելեքտրական քանի մի գործիներ և այլն: Դասախօսութեան օգնող գրքեր ուսուցչի համար, Կրիլգեր, Գանօ, Միլլեր, Շոալեր (Buch der Natur), Էմանուէլ Քաշունի, Նուրիխսանեան, Տէրտէրեան և այլն:

Կրօնի նախագիծը

(W. f. St.-խաչսրեան)

Կրօնուսոյցը այսպէս պէտք է ունենայ իր դասախօսութեան աստիճանները և եղանակները:

ա. Նախապատրաստական, շաբաթական երկու դաս առաջին տարում: Ուսուցիչը այս դասատան աշակերտներին պէտք է իւր աչքի առջև ունենայ իբրև մի նոր արարածներն, սրա համար իւր դասախօսութիւնքը պէտք է լինին մի քանի դիւրին աղօթքներ աշխարհաբար լեզ-

ւով, բացի Տէրունական աղօթքից, որ երկու ձևն էլ պէտք է ունենայ, բայց ընտելական և հասկանալի ոճով, այսինքն, Տէրունական, խաչի, յարութեան և Աստուածածնի աղօթքներն և այլն: Երկրորդ բարոյախօսութիւններ երեխաների քնքուշ կեանքի վերաբերմամբ, այսինքն այնպիսի բարոյախօսութիւններ, որոնք պէտք է զարթեցնեն նոցա սրտերի մէջ մի նոր ազնիւ զգացումն կրօնի վրա, և որոնք բարեյարմար միջոցներ պէտք է լինին նոցա ճանաչացնելու համար իւրեանց ստեղծող Աստուծը, ծնողասիրութիւնը, ընկերասիրութիւնը, դասատանումը և ուրիշ տեղերում հանդարտ նստելը, վարժապետի ասածները ուշքով ըմբռնելը, վրտանգաւոր խաղերից զզուշանալը, և անմեղ խաղերով զւարճանալը և այլն:

բ. Նախապատրաստական, շաբաթական երկու դաս երկրորդ տարումը. այս դասատան աշակերտներին միևնոյն դասախօսութիւնից կրկնումն պէտք է լինի, ինչ որ վերևը պատմեցաւ ա. պատրաստականում, բայց փոքր ինչ տարբեր ձևով համաձայն աշակերտների հասակին և զարգացման:

գ. Պատրաստական, շաբաթական չորս դաս. երրորդ տարումը, այս դասատան դասատուութիւնքը պէտք է լինին զանազան աղօթքներ, և բարոյախօսութիւններ նոյնպէս համաձայն տրդայոց մտաւոր զարգացմանը, նաև սրբազան պատմութիւն, այսինքն հին և նոր կտակարան. հին կտակարանից ուսուցիչը պէտք է պատմէ Աստուծոյ վեցօրեայ արարչագործութիւնից սկսեալ մինչ ցՄովսէս բայց խոհեմութեամբ և

զզուշութեամբ, հեռացնելով աշակերտների երկակայութիւնից պատմութեան հանգամանքների փտանգաւոր ազդեցութիւնները և ընդհակառակն վառել և բորբոքել նոցա սրտերում սրտաշարժն և բարին: Իսկ նոր կտակարանիցը, Յովհաննէս Մկրտչի ծննդից սկսեալ մինչև Յիսուսի առաջին հրաշագործութիւնը, սակայն պատմածները հանգամանօրէն ազդու և համառօտ, հասկանալի և մաքուր ոճով: Այս պատմութիւնը իբրև դասախօսութեան ձեռնարկ բաւական օգտակար եմ համարում նազարեանցի հին կտակարանի պատմութեան դասագիրքը, և Մուրատեանցի նոր կտակարանի դասագիրքը թէ նոցա հանգամանօրէն և համառօտ պարունակութեանց համար, և թէ նոցա դիւրին և մաքուր ոճերի համար:

ա. Դասատուն. չորրորդ տարումը շաբաթական երկու դաս, այս դասատանումը ուսուցիչը միևնոյն ձեռնարկութիւնը դասախօսութիւնը պէտք է ունենայ, բայց հին կտակարանիցը, Մովսէսից սկսեալ մինչ ցԴաւիթ, իսկ նոր կտակարանից Յիսուսի բոլոր հրաշագործութիւնները. այլև, աղիքների բարոյախօսութիւններ, յիշեալ դասագրքերովը:

բ. Դասատուն, շաբաթական երկու դաս հինգերորդ տարումը, այս դասատան աշակերտներին հին կտակարանիցը, Դաւթից սկսեալ մինչ ցաւարտ. իսկ նոր կտակարանից. Քրիստոսի բարոյախօս առակները և առակների բացատրութիւնը մասնութիւնը շարչարանքը, խաչելութիւնը, թաղումը, յարութիւնը, համբարձումը և Հոգոյն սրբոյ իջումն աշակերտ-

ների վրա և այլն:

գ. Դասատուն, շաբաթական երկու դաս. վեցերորդ տարումը այս դասատան կրօնական առարկաները միևնոյն երկու գասատան դասախօսութիւնքը պէտք է լինին, իբրև կրկնումն, նոյնի, բայց ընդարձակօրէն: Այս դասախօսութեանց վրա պէտք է աւելանայ և Քրիստոնէական վարդապետութիւն, որովհետև սա դասատան աշակերտին է վերաբերում. նոցա զարգացմանցը համաձայն է այս դասաղիբը այն պատճառով, որ Քրիստոնէական վարդապետութիւնը, Աստուածաբանական խնդիրներ են, և եկեղեցական սուրբ խորհրդների բացատրութիւններ: Այլև ուսուցանել այստեղ նաև տասն պատուիրանաց մեկնութիւնը:

Չորրորդ դասատունի եօթներորդ տարում. այս դասատունում պէտք է պարապեցնել աւետարանի մէկնութիւնով համեմատաբար հին կտակարանի հետ:

Գծագրութեան և նկարչութեան նախազիծը

Մ. Տէր-Սարգսեանի

Գծագրութիւնը ծանօթացնում է աշակերտներին այն ամէն սկզբունքների ու միջոցների հետ, որոնցից և իւր ծագումը պիտոյ է առնէ երկրաչափութիւնը, ուրեմն աշակերտք նախ պիտի ծանօթանան գծագրութեան, ապա երկրաչափութեան հետ:

Գծագրութիւնը ուսուցանում է երկրաչափութիւնից համարեա մեծ մասը, այն զանազանութեամբ միայն, որ նա մի որևէ խնդիր լուծելու ժամանակ ապացուցանելու կողմից

առաւել խորը չէ մտնում, քան երկրաչափութիւնը: Գծագրութիւնը պատմում է միայն կանոնը և անցնում. իսկ երկրաչափութիւնը բաւական չէ համարում այդ միևնոյն խնդիրը լուծելու համար կանոնները միայն, այլ նա դիմում է զանազան, աշակերտներին արդէն ծանօթ, կողմնակի միջոցների ու ակներև ճշմարտութեանց, որոնց վրա հիմնելով գալիս հասնում է խնդրի լուծմանը: Աւելորդ չէր լինի կարծում եմ, եթէ ունէինք մի բան գծագրութեան և երկրաչափութեան մէջ ու տեսնէինք թէ այդ միևնոյն բանը ինչպէս է վճռում գծագրութիւնը և ինչպէս երկրաչափութիւնը. առնենք զիցուք նուանկիւնին. — գծագրութիւնը եռանկեան մէջ Չ ուղիղ անկիւն է ընդունում և ի հաստատութիւն իւր ասածի, չափում է անկիւնաչափով և վերջացնում, իսկ երկրաչափութիւնը, ինչպէս ասացի, այդպէս չէ վարում, նա այդ ցոյց տալու համար վկայ է կանչում այն քանի մի ճշմարտութիւնքը, զորս նա սկզբումն է անցել. ինչպէս օրինակ հանդէս է դուրս բերում խաչաձև անկիւններ, մի կէտի շուրջը գտնւած անկեանց գումարի թիւը, համապատասխան անկիւններ և այլն և այլն, որոնց վրա ուշադրութիւն անգամ չէ դարձնում գծագրութիւնը իսկ երկրաչափութիւնը հիմնելով դրա վրա վճռում է խնդիրը:

Գծագրութիւնը պէտք է ծառայէ այն ըսկզբունքին, որ վարժեցնէ աշակերտներին թրղթի կամ տախտակի վրա իւր չորս կողմում գտնւած առարկաները, ինչպէս օրինակ վառարան, սեղան, աթոռ և այլն: Աշակերտներից

նորա, որք ընդունակութիւն ցոյց կուտան զը-  
 ծագրութեան մէջ, անկասկած նորա լաւ ար-  
 հեստաւորներ կարող են լինել. ինչպէս օրինակ  
 ատաղձագործ, հիւան, քարտաշ. որմնադիր և  
 այլն. ինչ կտեսնենք մենք արդեօք, եթէ ուշի  
 ուշով քննելու լինինք մեր արդի արհեստաւոր-  
 ների գրութիւնը, ոչ ապաքէն տգիտութիւնից  
 է, որ մեզանում նահապետական հիւաները,  
 քարտաշները, որմնադիրները և այլ արհեստա-  
 ւորները իրանց կոպիտ ու անկանոն շինւածքով  
 շատ յետ են մնացած. առաջարկիր հիւանին մի  
 նոր աթոռ, սեղան կամ անկողնակալ շինել,  
 տուր մինչև անգամ նորան ձեռք, նա չի կարող  
 ձեր ցանկութեանը բաւականութիւն տալ. և  
 եթէ յաջողի էլ նրանց շինել զիցուք ձեր  
 ճաշակին համաձայն մի սեղան կամ աթոռ,  
 անկասկած կըյանձնէ նա ձեզ նորան հանդերձ  
 մի որևէ նշանաւոր պակասութեամբ, որը նո-  
 րա աչքին երբէք չէ գարնում, ինչպէս օրի-  
 նակ կարող է պատահել, որ աթոռի կամ սե-  
 ղանի ոտերը կլինին թեք, փոխանակ ուղղա-  
 հայեացի և այլն ասպէս:

Ա. դասատուն

Կէտ, գիծ. գծերի տեսակները.— ուղիղ, կոր,  
 բեկեալ, շրջանաձև և խառն գծեր. երկու կէ-  
 տերու մէջ ամենակարճը ուղիղ գիծն է. գծերի  
 տեսակները նոցա գրութեանցը նայելով.— հորի-  
 զոնական, թեք, ուղկահայեաց և զուգահեռա-  
 կան գծեր, բոլորակաձև կամ շրջանակաձև գծեր  
 իբր զուգահեռականներ, ուղիղիչ, կապարեայ,  
 փայտեայ և ջրային հարթաչափեր, գծապրա-

կան քանոն և եռանկիւնի, տւած գծի վրայի  
 կէտին ուղղահայեաց իջեցնել գծագրական ե-  
 ոռանկեան և քանոնի օգնութեամբ, կարկին (ցիր-  
 կուլ): Տւած գծի վերա նորա վերևում եզած  
 կէտից ուղղահայեաց իջեցնել կարկինով, գծե-  
 րի համեմատութիւնը, գծաչափ (մասշտաբ),  
 տւած գիծը բաժանել երկու հաւասար մասերի  
 (քանի մի եղանակաւ), տւած գիծը բաժանել  
 անգոյգ միմեանց հաւասար մասերի: Անկիւն.  
 անկիւնների տեսակները.— ուղիղ, սուր, բութ.  
 կից և զագագթն անկիւններ, նկարել տւած ան-  
 կեանը հաւասար մի այլ անկիւն (երեք եղա-  
 նակաւ). տւած անկիւնը 2 հաւասար բաժին  
 անել (2 եղանակաւ), ուղիղ անկիւնը 3 հաւա-  
 սար մասն անել, բաժանել շրջանը 360 աստի-  
 ճանների, անկիւնաչափ, երկու կէտերի միջի  
 տարածութիւնը չափել երբ դոքա անջատւած  
 են միմեանցից կամ ջրով և կամ մի այլ բանով.  
 եռանկիւնի, եռանկեանց տեսակները նայելով նոցա  
 կողմերին.— հաւասարակողմն, հաւասարասրունը  
 և անհաւասարակողմն եռանկիւնիներ. եռանկեանց  
 տեսակները նայելով նոցա անկիւններին.— ուղիղ,  
 սուր և բութ անկիւն եռանկիւններ, եռանկեան  
 բարձրութիւնը, կարելի է արդեօք երևակայել  
 մէջ կողմերը միմեանց վերա ուղղահայեաց  
 գրութեամբ երկու ուղիղ անկիւն, կարող է  
 պատահել եռանկեան մէջ երկու բութ անկիւն-  
 ներ, նկարել կարկինով հաւասարակողմն հաւա-  
 սարասրունը եռանկիւնիներ:

Նկարչութիւն

Սկսելով աստիճան առ աստիճան բոլոր  
 նկարները, ինչպէս օրինակ ուղիղ գծեր և նո-

ցանից կազմեաժ զանազան ձևեր, քայսինքն պատուհան, դուռն, սեղան, գիրք, քարետախտակ, տուն և այլ նոցա նման շատ առարկաներ այլև երկրաչափական մարմինները հանդերձ իրանց սուերներով, ինչպէս և ցոյց կուտայ օրինակը, ապա այդ սուերի օգնութեամբ քանի մի ընտանի կենդանիների և թռչունների մասեր, ինչպէս օրինակ՝ գլուխ, ոտք և այլն:

Բ. դասատուն

Քառանկիւնիներ. — քառակուսի բոմբ, ուղիղ անկիւն քառանկիւնի, պարալելոգրամ, տրապեցիա և անհաւասարակողմն քառանկիւնի. ըազմանկիւնիներ. հինգ անկիւնի, վեց անկիւնի, եօթն անկիւնի, տասն և հինգ անկիւնի և այլն բազմանկեան բարձրութիւնը, կանոնաւոր և անկանոն բազմանկիւններ, նկարել շրջանի մէջ քառակուսի և քառակուսու մէջ շրջան: Չեերի բաժանումն, չափել քառակուսու ուղիղ անկիւն քառանկեան, պարալելոգրամի և տրապեցիայի մակերևոյթը, շրջանը և նրա մէջ պատահող գծերը. նկարել երկու քսուղ շրջապատներ (երկու եղանակաւ), համակենտրոն շրջաններ, աղեղը և նորա կիսելը, երեք կէտերի վերայից քսուղ շրջան քաշել, գտնել շրջանի կենտրոնը, նկարել կամ բարձրութիւնը մեծ լայնութիւնից և կամար բարձրութիւնը հաւասար լայնութեանը պտտագիծ. 2, 4 և 8 կէտերով պտուտագիծ քաշել:

Նկարչութիւն

Երկրաչափական մարմինների նկարելը, միայն ոչ օրինակից, այլ դնելով իսկական մար-

մինը սեղանի վրա ու նկարել այնպէս ինչպէս և ինչ կերպ սուերներով որ նա երևում է աշակերտներից ամեն մինին, ընտանի ու վայրենի կենդանիներ և թռչուններ ամբողջապէս ու լիակատար կենդանի սուերներով, մարդոց պատկերներ նոյնպէս կենդանի սուերով, տերևաթափ և տերևոտ ծառեր, մեծացնել կամ փոքրացնել մի որևէ պատկեր քանի մի անգամ, իմանալ դորա կանոնները, նկարել քանի մի հեշտ և պարզ քարտէզներ առանց սահմանների և աստիճանների, երկրագործական գործիքներ, — արօր, չուխ, ցաքան մանգաղ, գերանափ:

Գ. դասատուն

Նկարել շրջանի մէջ հաւասարակողմն եռանկիւնի (2 եղանակաւ) և ստանալ 6 և 12 անկիւն կանոնաւոր բազմանկիւններ, նկարել շրջանի մէջ կանոնաւոր 5 անկիւնի (2 եղանակաւ), տւած գծի օգնութեամբ նկարել 5 անկիւնք, նկարել շրջանի մէջ կանոնաւոր 6 անկիւնի ու ապա 12, 24 և այլն, կանոնաւոր 7 անկիւնի (3 եղանակաւ), կանոնաւոր 8 անկիւնի, քառակուսի և ապա կանոնաւոր 8 անկիւնի և 16 անկիւնի, կանոնաւոր 9 անկիւնի, կանոնաւոր 11 անկիւնի բազմանկիւններ, տւած գծի վերա նկարել ամեն տեսակ կանոնաւոր 5 անկիւնի, նկարել շրջանի դուրսը և ներսի կողմերը միմեանց զուգահեռական կանոնաւոր 6 անկիւնի. օվալ և էլիպսիս. ձուածև օվալ, երկու միմեանց կենդրոնների վերայից անցնող շրջապատների օգնութեամբ նկարել էլիպսիս, երկու միմեանց քսուղ ու հաւասար շրջապատ-

ների օգնութեամբ նկարել էլիպսիս, երկու մի-  
մեանց քսւող՝ իսկ մէկ նոցա կենտրոններից  
անցնող շրջապատների օգնութեամբ էլիպսիս.  
նկարել էլիպսիս աղեղների օգնութեամբ (2 ե-  
ղանակաւ), նկարել էլիպսիս մի շրջապատի օգ-  
նութեամբ, նկարել էլիպսիս մի որեիցէ երկայ-  
նութեան և լայնութեան վերայ ուղիղ անկիւն  
քառանկիւնի կազմելով, աւած երեք կէտերու  
վերայով նկարել ուղիղ առանց կենդրոնների  
(2 եղանակաւ). այլև կրկնութիւն Ա. և Բ. դա-  
սատանց դասընթացքի:

Նկարչութիւն

Նկարել զանազան տեսակ մրգեր, օրինա-  
կից և իսկականից իրանց իսկական սուերնե-  
րով, մարդոց, կենդանեաց, թռչնոց, աւերակաց,  
ծառերի և այլ զանազան այս տեսակ բաների  
մեծադիր պատկերներ, առազաստաւոր և անա-  
ռազաստ նաւեր, շօգենաւեր, և այլն, և վերջա-  
պէս Հայաստան աշխարհի ու Կովկասի մանրա-  
մասն մեծադիր քարտէզներ, սահմանները ո-  
րոշելով:

Գ. դասատուն

Այս դասատան համար զժազրութիւնից  
ոչինչ չենք դնում, պատճառ նա աւանդում է  
երրորդ դասարանում, պատրաստելով այն ա-  
մեն նիւթերն ու պատրաստութիւնները, որոն-  
ցով առաջնորդւի պէտք է երկրաչափութիւնը:

Նկարչութիւն

Նկարել հաստ թղթի վերա հայկական պատ-  
մութիւնից առնւած պատկերներ, ինչպէս օ-

րինակ,—Հայկ, Վարդան, Վարդանանց պատե-  
րագմ, Ոգի Հայաստանի և այլն, Հայաստանի  
նշանաւոր աւերակներից մի քանիսը (եթէ մի-  
այն ձեռք կրբերւին), այլև անցուցանել դոցա  
պատրաստեալ վիմագրական քարերի վերայ,  
եթէ միայն հնար կլինի ձեռք բերել:

Բնական պատմութեան նախագիծը

Աքրամ Թախթաբանի

Նախ և առաջ պէտք է իմանալ, որ ոչ այս  
դպրոցը և ոչ էլ մի ուրիշը լեզուն կամ գիտու-  
թիւնը նոյնպէս և բնական պատմութիւնը իբրև  
մասնաւոր գիտութիւն չի աւանդում, ուստի  
հեռու պէտք է լինի այս առարկայիս դասա-  
տուութիւնը որևէ սիստեմատիկականապէս ու-  
սումնական բացատրութիւններից, դասակար-  
գութիւնից և այլ այս օրինակ բարձրուսում  
գործողութիւնից: Տարակոյս չկայ, որ դպրոցիս  
նպատակն է ծանօթացնել իր աշակերտին բնու-  
թեան հետ կամ ինչպէս այս առարկայիս ա-  
նունն է՝ բնութեան պատմութեան հետ, այսինքն  
նախամեծարապէս թէ ինչպէս է սկսում, աճում,  
զարգանում, զառամում և մեռնում բնութիւ-  
նը և թէ ինչպէս է սկսել աճել ու զարգացել  
հասել այս այժմեան վիճակին, միով բանիւ  
հասու լինել նորա անցելոյն ու ներկային նորա  
պատմութեանը:

Բնութեան երեք թագաւորութիւն կոչւած  
և նրանց կազմող իւրաքանչիւր մի անհատի  
հետ՝ թող հանք, թող բոյս, թող կենդանի լինի  
նա՛ պէտք է ծանօթանայ դպրոցիս աշակերտը  
այնպէս, ինչպէս որ ծանօթ է իր ազգականնե-  
րի և բարեկամների հետ, իրեն շրջապատող

բնութեան մի որևէ անհատը (հանք, բոյս, կենդանի) տեսած ժամանակը, իսկոյն պէտք է իմանայ նրա ծագումը, ծնունդը, աճումը, զարգացումը, նրա բնաւորութիւնը կենաց պայմանքը, կենցաղավարութիւնն ու կենսազրութիւնը, վերջապէս նրա օգտակարութիւնը կամ վնասակարութիւնը:

Հարկաւ նախքան այս պէտք է ծանօթանալ նորան իրեն քաղաքումն, իրեն քաղաքի մօտերումն, իրեն գաւառումն ու իրեն հայրենիքումն գտնուող բոյսերին կենդանիներին ու իրեն ու հանդերին հետ և ապա իմանալ թէ ինչ է Ափրիկէյի արմաւէնին, Հնդկաստանի փիղը Աւստրալիոյ կտցաւորը և այլն և այլն:

Մերձաւորն էլ ճանաչելու համար անհրաժեշտ է ծանօթանալ նախ և առաջ նրա արտաքին կերպարանքին, յետոյ նրա բնութեանն ու կենացը և այնուհետև նրա ներքին կազմաւածքին և յատկական անդամոց չափերին, ձևերին ու թւերի հետ, և ոչ թէ ընդհակառակն, սկսել նորա տարրական բաղադրութիւններից կամ ատամների ու ոսկորների թւերիցը, որ աննպատակ ժամանակի կորուստ կլինի և աշակերտներին ճանձրութիւն տայուն համար վրնասակար:

Բնութեան մէկ կարգի բուսոց կամ կենդանեաց հետ ծանօթանալէն գլխի կարող է իմանալ աշակերտը նաև դասակարգութիւնը ցեղը, սեռը և այլն:

Սակայն բոլորովին խոյս տալ պէտք է աշակերտաց հետ բնական պատմութեան ժամանակ կենդանեաց կամ նոյնիսկ բուսոց սեռական

յարաբերութեանց վրա խօսելուց, սա ուշադրութեան արժանի է:

Իժբաղդաբար հարուստ չէ Ալէքսանդրապօլն և նրա շրջակայքն ոչ բոյսով, և ոչ նոյն իսկ հանքով կամ կենդանօք, որ վարժապետին հնարաւոր լինէր նորանոր անհատներ ներկայացնել իր մատաղ ունկնդիրներին և այնու մշակել նոցա ճաշակն ու հասկացողութիւնը և կենդանացնել հետաքրքրութիւնը այդ ճիւղի համար. սակայն կրգտնւին դարձեալ այնչափ նիւթեր որ մի աշխատասէր վարժապետ կարող է նեղութիւնը յանձն առնելով մի արդիւնք առաջ բերել:

Ընդունելով թէ բնական գիտութեան հետ աւանդուում է դպրոցում նաև տարրագրութիւն շաբաթական 3 դաս, 2 բնական գիտութիւն և 1 տարրագրութիւն և այդ է առաջին (Ա,) դասատանից սկսած, բնական պատմութիւնն էլ կարող է շաբաթական 3 կամ առնւազն 2 դասով նոյն Ա. դասատանից սկսել իր գործը:

Առաջին տարի

Չմեռը. կով, կատու, մուկ, ճնճղուկ, էշ, շուն, թռչուն, խոզ, սագ, բադ, ձի, ոչխար, այծ, լու, հաւ, ձուկ, ողնի:

Գարունը. ծիծեռնակ, ձնծաղիկ, բոյս, ծառ, հաւկիթ, վառեակ, թիթեռնիկ, թրթուր, գատկարգեգ, ուռի, բողբոջ, ծաղիկ, պտուղ, կորիզ:

Երկրորդ տարի

Չմեռը, չիղջ, ճագար, նապաստակ, արդադ, ցին, բազէ, սիրամարգ, թութակ, խաղտ-



նոտիկ, ծառուկոտ, սոխակ, կռուկ, սկիւռ, մեծ մուկ, բու, աղաւնի:

Գարուն, օձ, մողէս, մրջիւն, մեղու, գորտ կրեայ, ցորեն, կորեկ, գարի, բրինձ, որթ, ծիրան, նուշ, տանձ, խնձոր, սեխ, ձմերուկ վարունգ, դդում:

Շրրորդ տարի

Ուսուցչի առաջնորդութեամբ ցուցանել և անուանել բուսոյ և կենդանեաց աչքի դիպչող նշանները՝ գործընկերակ, գոյն, ձու, հոտ համ, իսկ յետոյ տանը գրաւոր աշխատել միւսնոյն նիւթի վրա և տալ վարժապետին սրբազրելու համար:

Չմտը. մարդակազմութեան մէկ մասը օր. ոսկորներն ու մկնամսերը, ջիղերն ու ջիւերը նոցա պաշտօնն ու գործողութիւնը: Հանքերից մետաղները՝ երկաթ, պղինձ, կապար, կլայեկ, արծաթ, պլատին, ոսկի,

Ամառը. բազլա, սիսեռ, ոսպ, լուպիայ, ընկոյզ, պիստակ, կաղնի, կաղամախ. թութ, ելակ, մանուշակ, նոյնպէս և պղպեղ, մեխակ, կինեմօն, և ուրիշ բուսական համեմիք (թէյ և սուրճ) և դեղորայք: Հանքերից կրաքար, աւազաքար, տուփ, տախտակաքար, տորֆ, քարածուխ և կիսածուխ:

Չորրորդ տարի

Մարդակազմութեան շարունակութիւն՝ շրնչառութիւն, արեան շրջան, սննդական գործիք ու գործողութիւն: Կենդանարանութիւն ա. ողնաշարաւորք, օր. կաթնասուք, թռչունք,

երկակենցաղք և ձկունք. բ. անդամաւորք օր. զեռունք, սարդանմանք, անօթաւորք և սոյունք. գ. փորաւորք օր. թոյլք, շառաւիղաւորք, բազմոտանիք և մանրացուցական ջրածնիք: Բուսարանութիւն 1, հիւսւածք, 2, կենդարանազրութիւն, օր. արմատ, բուն, բողբոջ, տերև, ծաղիկ պտուղ. 3, կենսազրութիւն օր. կենաց ընդհանուր երևոյթքը, և սնունդը, օդի և եղանակի ազդեցութիւնը բուսարանութեան բնական և արեւստական սիստեմաները: Հանգարանութիւն, մետալանմանք, թեթև մետաղք, գայլախաղային, ծանր մետաղք և գործարանաւորական բազալորութիւնք: Երկրագիտութիւն. միատեսակ և բազմատեսակ կամ տեսակախոն քարեր ձևաբանութիւն քարանց, օր. նոցա ներքին և արտաքին ձևերը, շերտակազմութիւն. քարացումն և վաղեմագիտութիւն: Երկրաբանութիւն. երկրակազմութեան պատմութիւն, երկրագիտական սիստեմայք. ա. նեպտունական կամ ջրազդեցական շինւածք, բ. պլուտօնական կամ հրազդեցական շինւածք:

Այս դասատուութեան հարկաւոր են մետաղներ, միներալներ, հանքեր, մի ամրաչափ, և քարացեալ կենդանիք, 60—70 ուրբի գնով միջին տեսակը, իսկ 110—130 ուրբի լաւը:

Գերմաներէնի նախագիծը

Ա. Ամիրխանեանի

Դասընթացը լինելու է շաբաթը 4 դաս:

Առաջին տարի

Մօրից Օրտել: Ուղիղ արտասանութիւն գրերի. վարժ ընթեռնուլ: Յիշել գրքոյկից ամ-

բողջ առաջին մասը և երկրորդ մասի գրեթէ  
պէս կտորները քերականութիւնից՝ յօդ (որոշ  
և անորոշ), գոյական անւանց սեռը, թիւը հո-  
լովներն ու հոլովումները, ածական անւանք, նո-  
ցա գոյականների հետ յարմարութիւնը, քերա-  
կանութիւնից համապատասխան մասը:

Երկրորդ տարի

Այս տարի վարժապետը սկսում է ինքը  
սովորաբար գերմաներէն խօսել աշակերտաց  
հետ բայց նոքա պատասխանում են հայերէն  
և աշխատում են, որ գերմաներէն էլ յայտնեն  
իրենց միտքը, այս վարժողութիւնը աստիճա-  
նաբար զարգանում է: Գրաւոր տշխատանքը  
ընդարձակում է:

Օրաէլի երկրորդ մասը և 3-դը կվերջացնեն  
միայն մի քանի կտորները թողելով և կսկսեն  
Բէրթէի գիրքը: Քերականութիւնից՝ բայերից  
բոլոր անկանոնները, ամեն տեսակ խոնարհում-  
ներն ու ժամանակները, բոլոր թւականներն ու  
գերանունները, նախադրութիւնք և նոցա վա-  
րումը հոլովների հետ, մակբայները շարկապ-  
ներն ու միջարկութիւնքը: Համաձայնութիւ-  
նից՝ պարզ նախադասութեան, գլխաւոր նախա-  
դասութեան, հարցական նախադասութիւն,  
պայմանական ու երկրորդական: Բաղադրեալ  
նախադասութիւն, խօսքերի շարակարգութիւնը:  
Իւրաքանչիւր դասի 30 բառ սովորել: Հայե-  
րէն փոքրիկ և թեթև կտորներ գերմաներէնի  
վերածել:

Երրորդ տարի

Այս տարի ուսուցիչ և աշակերտք խօսում են  
միայն գերմաներէն բաց առնելով դժւար տե-  
ղերը, որ մէկ հայերէն խօսք կամ նախադասու-  
թիւն պէտք է օգնէ: Համաձայնութեան ընդար-  
ձակութիւնը: Բէրթէի գրքից լաւ մասերը, մա-  
նաւանդ ոտանաւորները: Գրաւոր շատ աշխա-  
տել և հայերէնից շատ թարգմանել գերմանե-  
րէնի: Երևելի բանաստեղծների գրեթէ ընդհան-  
րապէս կտորները ի բերան սերտել և ուղիղ շեշտելով  
ասել:

ՄԱՆՕԹ.—Միւս առարկաների ծրագիրը չէ պահւած:



Արամի արձագանքի մասին  
հարցազրույցի վերջում  
պատմությունը

III.

ԾՆԱԿԱՆ ԴՊՐՈՅԻ ՇՐՋԱՆ.

(1886—1896)

Րեդակցիոն և տպագրութիւններ

1886 թւին Բարձրագոյն հրամանով վերաբացւեցին հայ դպրոցները: Նորա, սակայն, չըստացան նախկին կազմակերպութիւնը, թէև չկար պետական օրէնքների կողմից ոչ մի արգելք, որ դպրոցներն ստանային աւելի լայն ուսման ծրագիր: Պետական օրէնքն ասում էր, հայ այն դպրոցներում, ուր աւանդում են ընդհանուր պատմութիւն և աշխարհագրութիւն, պէտք է աւանդելն ուսաց պատմութիւն և ուսաստանի աշխարհագրութիւն: Իսկ այս խօսքերի եզրակացութիւնն է, որ հայ դպրոցները կարելի էր վերածել այնպիսի տիպի ուր աւանդէին այդ առարկաները:

Մակար կաթողիկոսը ջանալով մեր դպրոցներին մի ընդհանուր կանոնադրութիւն և ծրագիր տալ, սեղմեց անտեղի կերպով հին կիրառուող ծրագրներն ու բոլոր դպրոցները վերածեց երկու տիպի: Մէկ սկզբնական դպրոց երեք բաժանմունքով և միւսը տարրական՝ հինգ բաժանմունքով. իրենց ծրագրով այդ երկու տիպի դպրոցներն հաւասար էին իրենց

ստորին երեք բաժանմունքով, տարրականը շարունակութիւնը լինելով սկզբնականի ունէր վերջնիցս միայն երկու տարւայ դասընթաց աւելի:

Այդ դպրոցները անյաջող անւանումով կոչւում են միդասեան և երկդասեան, թէև միդասեանը 3 պատրաստականից է բաղկացած իսկ երկդասեանը 3 պատրաստականից և երկու դասարանից:

Մակարի տիպի սեղմւած այս դպրոցները, դժւար չէ հասկանալ, որ մի քանի քայլ դէպի ետ էր: Մակարի տւած կանոնադրութեամբ ստեղծւում էին հոգաբարձական մարմիններ 3 կամ 5 անդամից, նշանակովի էր նախագահող բահանան կամ վարդապետը:

Կազմւում է մինչի դպրոցների վերստին փակւելը—1896 թ. միացեալ հոգաբարձութիւն: Դպրոցների եկամուտները գանձւում էին մի ընդհանուր էրամարկղի մէջ և ապա իւրաքանչիւր դպրոցի գանձապահ հոգաբարձուն ստանում է ընդհանուր դանձարանից իր դպրոցի բացը ծածկելու համար ամսէ ամիս մի որոշ գումար: Կարճ ժամանակով լինում է նաև ընդհանուր տեսչութիւն:

Ինչ և է, 1886—87 ուսումն տարւանից արդէն բաց էին հայ դպրոցները: Նորա ստացան նաև յատուկ մի անուն—եկեղեցական ծրխական: Վերացաւ հոգևոր և վիճակային անունը մեր դպրոցի վերայից. չվերաբացւեցին նրա 3-րդ և 4-րդ դասարանները ու այնուհետև դառաւ նա մի ծխական դպրոց: Դպրոցի ուսման ծրագրի, կանոնադրութեան մասին աւելորդ եմ

Դպրոցային կ. երկրորդ աստի

համարում մանրամասն խօսել, դա ծանօթ է ընդհանրութեանը:

1886 - 87 ՈՒՍՈՒՄՆ. ՏՍՐԻ

Դպրոցների վերաբացման հրամանն ստանալուց յետոյ Ալէքսանդրապօլում անմիջապէս հոգաբարձական ընտրութիւններ են կատարուում: Փրկչի դպրոցի հոգաբարձութիւնը հաստատուել է հոկտեմբերի 9-ի № 530 հայրապետական կոնդակով: Հոգաբարձուք են Յ. Վանեցեան, Յ. Սահրատեան, Պ. Հայկազունի, Կ. Օհանջանեան և Գ. Ղասապեան: № 531 կոնդակով հաստատուում է Արղութեան օրիորդաց դպրոցի հոգաբարձութիւնը (Խ. Իսահակեան, Ա. Նալեան, Ա. Խան-անուշեան, Յ. Բաբայեան, և Ս. Միրզայեան):

Բայց տարին չլրացած ծագում են անհամաձայնութիւններ հոգաբարձութեան և նրա նախագահ ու հոգևոր կառավարութեան նախանգամ Յովսէփ ա. ք. Կոստանեանի մէջ, ուստի և կաթողիկոսական կոնդակով զրկուում է Ալէքսանդրապօլ թեմի առաջնորդ Գեր. Գէորգ եպիսկոպոս Սուրէնեան եղելութիւնը քըններու և զործը հաշտութեամբ վերջացնելու: Շատ չանցած նշանակուում է նոր ընտրութիւն: Նորընտիր հոգաբարձուք — Ա. Մատակեան, Ա. Զանլաթեան, Ս. Խոյեցեան, Ազուլեան, Գրիգոր Վէքիլեան — հաստատուում են մարտի 10-ի № 133 կոնդակով: Իրանով և վերջանում է այդ, իր ժամանակին շատ աղմուկ հանած ընդհարումը:

Դպրոցը բացուել է աշնանը. օրագրական մատեաններից գիտենք, որ նա ունի 7 բաժանմունք, այսինքն Յ պատրաստական մի մի զուգընթացով և ա. դասարան. աշակերտների ընդհանուր թիւն եղել է 269. Ուսուցչական խումբը. — Տեսուչ՝ Գ. Տէր-Պետրոսեան, ուսուցիչներ՝ Հ. Նիկողոսեան, Ա. Տէր-Գրիգորեան, Մ. Տէր-Մարտիրոսեան, Խ. ք. Աբգարեան, Ա. Մխիթարեան, Խ. Միրզայեան, Ա. Պահլաւունի, Մ. Տէր-Սարգսեան, Մ. ք. Գիւլումեան, Ա. ք. Նալբանդեան, Ն. Ղարազօղեան: Ուսումնար. տարին վերջացել է յունիսի 15-ին:

1887 - 88 Ուսումն. տարի.

Դպրոցն ունի 3 պատրաստական զուգընթացներով և 2 դասարան. աշակերտների թիւն է 341. օրոնցից ձրիավարժներ 69 հոգի:

Հոգաբարձութեան նախագահն է Գ. եպ. Աղանեան: Հոգաբարձութեան երկու անդամ Ա. Մատակեան և Ա. Զանլաթեան չեն զործում, հրաժարուել են և զուր տեղն է համոզում նոցա հոգաբարձութեան նախագահը զալ իրենց պաշտօնին:

Դպրոցում աւագ-ուսուցիչ է Պօղոս Տէր-Պօղոսեան (ճեմարանաւարտ). ուսուցիչներն են Մ. Սարգսեան. Ա. ք. Նալբանդեան, Վ. Տէր-Վարդանեան, Վ. Բարսամեան, Յարութիւնեան, Ս. Տէր-Ստեփանեան, Ե. Իեօնջեան, Լալայեան, Ս. Խան-Աղեան, Աղ. Մխիթարեան, Ա. Բրտեան, Հ. Նիկողոսեան, Հ. Ստեփանեան:

Մանկավարժական ժողովը զբաղել է ընթացիկ խնդիրներով, ինչպէս են, դասագրքերի ընտրութիւն, դաստիարակներ նշանակել, կարգապահական խնդիրներ և այլն:

1888 - 89 Ուսումն տարի.

Հոգաբարձութեան կազմը մնում է նոյնը. նախագահն է Յովսէփ Ա. ք. Կոստանեան:

Տարւայ տեսուչն է մանկավարժ Յովհաննէս Տէր-Միրաքեանը, որն երևում է ժողովների բոլոր արձանագրութիւններից: Խումբը կազմւած է հետևեալ ուսուցիչներից.— Ա. Մխիթարեան, Ա. Բրտեան, Հ. Նիկողոսեան, Հ. Նոհրատեան, Ս. Սան-Աղեան, Ե. Լալայեան, Մ. Արաբաշեան, Ա. Բարայեան, Ն. Տէր-Վարդանեան, Ա. ք. Նալբանդեան, Արշ. Մխիթարեան, Մ. Սարգսեանց:

1887 - 88 ուսումն. տարին վերջանալուց յետոյ ս. Փրկչի և Արղութեան գալրոցների տեսուչները—Յ. Տէր-Միրաքեան և Կ. Զալալեան—խորհրդակցելով որոշում են յաճախ մանկավարժական խմբերի խառն ժողովներ անել և քննել ընդհանուր մանկավարժական խնդիրներ. օրինակ. դասագրքերի, կարգապահական-կրթական խնդիրների մասին և այլն և իրօք էլ ընթացիկ տարւայ մէջ հէնց տարւայ սկզբից և յետոյ լինում են մի շարք խառն ժողովներ: Որովհետև հարկաւոր է ուսման ծրագիր նման և լաւագոյն դասագրքերով անցնելը, ուստի խառն ժողովը լսելով իւրաքանչիւր առարկայի

ուսուցիչների կարծիքը, ընտրում է դասագրքեր բոլոր առարկաների համար:

Օգոստոսի 27-ի ժողովում Փրկչի խումբը ձեռնարկում է աշակերտների ընդունելութեանը. բայց որովհետև խնդիրները շատ են, ուստի և որոշում է ընդունելութիւնն անել վիճակով, որ այնուհետև դառնում է սովորական ու գործադրում նաև այժմ: Տարւայ մէջ շատ ժողովներում արծարծւում և լուծումն են ստանում մանկավարժական կարևորութիւն ունեցող խնդիրներ. ինչպէս են դասաւանդման եղանակի, աշակերտների հետ վարելու ու դաստիարակչական, կարգապահական, թւանշաններ դնելու խնդիրներ և այլն, մոռացման չեն տրւած նաև ուսուցիչների թերութեանց (ժողով V-րդ. հոկտեմբ. 5), դաստիարակներ ընտրելու, աշակերտաց ընթերցանութեան և այլ խնդիրները: Բացի սրանցից մի քանի ժողովներում կարգացել և հարցասիրութեան նիւթ է եղել տեսչի կարգացած շարադրութիւնը՝ Մանկավարժական մեթոդիքական խնդիրների մասին (խառն ժողով): Մի այլ (VIII-րդ) խառն ժողովում Տէր-Միրաքեանը կարգում է «Հոգեբանական-մանկավարժական խորհրդածութիւններ մեր կրթական գործն առնչական ուղղութեամբ և միահամուռ ուժով առաջ տանելու համար»: Այդ որոշում է փորձնական դասեր տալ, որև կատարւում է. տալիս են համարեա բոլոր առարկաներից փորձնական դասեր: Ըստ սովորութեան ամեն փորձնական դաս տւող ուսուցիչ կարգացել է հետևեալ խառն ժողովին իր տւած դասի մասին մի ինքնա-

քննութիւն, ապա պաշտօնապէս դասին քննիչ նշանակւածը կարգացել կամ խօսել է արած դասի մասին, այնուհետև անցել են ընդհանուր քննութեան:

Ինչպէս այդ ցոյց է տալիս ժողովների արձանագրութեանց մատեանը, տեղիս դրպրոցների բոլոր ուսուցչական խմբերն էլ լուրջ կերպով զբաղւած են եղել մանկավարժական ժողովներին մանկավարժական ամենատեսակ խնդիրներով, իսկ բոլորի կենդրոնը կազմել է Տէր-Միրաքեանը:

Դպրոցն ունի երեք պատրաստական գուպրնթացներով և 2 դասարան. աշակերտների թիւն է (367) դպրոցի բիւդճէն յայտնի չէ: Հաշւեմատեաններն ըստ նոր կարգի իւրաքանչիւր տարի զրկւել են Հոգևոր իշխանութեանը: Սևազրութիւններ չկան,

1889—90 Ուսումն. տարի-

Հոգաբարձական գործեր չկան սեպտեմբերի 3-ին հաստատուում են կաթողիկոսական կոնդակով № 436 հոգաբարձու Մ. ք. Գեօնջեան (երեսփոխան ս. Փրկիչ եկեղեցւոյ), Ա. Ափրիկեան և Ա. Յովհաննանեան. անձնափոխանորդ Ա. Տիգրանեան և Մ. Կոստանեան: Ինչպէս երևում է յաջորդ տարւայ գործերից, նախահաշւային տարին տևել է սեպտեմբերից սեպտեմբեր,

Տեղն են մանկավարժական ժողովների արձանագրութիւնները, որից երևում է, դպրոցից հեռացել է Յ. Տէր-Միրաքեան, նրա տեղ հրա-

ւիրւել է Ենովք Գեօնջեան. խումբը փոխւել է. նա կազմւած է հետևեալ ուսուցիչներից. Ի. Քեանդարեան, Վ. Փամակոչեան, Ե. Լալայեան, Գ. Բունիաթեան, Ա. ք. Նալբանդեան, Մ. Սարգսեան, Տէր-Վարդանեան, Ան. Տէր-Մատթէոսեան, Մ. Արաբաջեան: Տեղի է ունեցել 24 մանկավարժական ժողով. որն զբաղւել է ընդունելութեանց, դասազրբերի, կարգապահական, փոխադրութեանց և այլ խնդիրներով:

Ուսումն. տարին վերջացել է հարցաքննութեամբ, որ սկսւել է մայիսի 21-ին և տևել մինչի յունիսի սկզբի օրերը:

Դպրոցում եղել է 386 աշակերտ, տեղաւորւած 8 բաժանմունքում, որոնցից 3-ը գուպրնթաց սլատրաստականներ: Փոխադրւել են 213, մնացել 98. արձակւել, 9. վերաքննելի 35 և աւարտել են 31 աշակերտ:

1890—91 Ուսումն. տարի.

Հոգաբարձական գործերից կայ միայն այս տարւայ հաշւեմատեանի սևագրութիւնը, որից իմանում ենք, որ դպրոցն ունեցել է այս տարում մուտք մինչի մայիսի 24 2191 ր. 80 կ. և ը մինչի յունիսի 27-ը 4626 ր. 87 կ.

Դպրոցի աւ. ուսուցիչ է Քրիստափոր Թաղէոսեան, խմբի անդամներն են Ե. Գեօնջեան, Ա. ք. Նալբանդեան, Մ. Արաբաջեան, Վ. Փամակոչեան, Թ. Խղմալեան, Ս. Վիրապեան, Յ. Կոստանեան, Ե. Դանդուբեան, Գ. Միքայէլեան, Ե. Տէր-Վարդանեան, Առաքելեան և տարւայ կիսից Հ. Տէր-Ղազարեան. որ ստանում են

բոլորը միասին ամսական 324 ռ. 40 կ. տարեկան 3892 ռ. 80 կ.

Յունւարին մեռնում է Ք. Թադէոսեանը ու ժամանակաւորապէս նրա տեղ հրաւիրւում է Վ. Բարսամեան, իսկ փետրւարից աւ. ուս. է Յ. Տէր-Պետրոսեան:

Ուսուցչական խումբն ունեցել է 26 ժողով: Ընդունելութեան, թւանշաններ դնելու, դասազբքերի ընտրութեան, կարգապահութեան տարեվերջի փոխադրութեանց և այլ խնդիրների առթիւ: Դպրոցն ունի նոյն բաժանմունքները նոյն զուգընթացներով. աշակերտների թիւն է 332. փոխադրում են 83 վերաքննելի 103, մնում են 131. արձակւում են 14 աշակերտ. քննութիւնները տեւել են յունիսի 3—14ր:

1891—92 Ուսումն. տարի.

Հաշիւներ չկան, ինչպէս և հոգաբարձական գործեր: Հոգաբարձութիւնը միացեալ է:

Ուսումնական տարին սկսւում է սեպտեմբերի սկզբներին: Աւագ ուսուցիչն է Տ. Վերանեան. ուսուցիչներն են Ա. ք. Նալբանդեան, Ա. Վիրապեան, Յ. Քնքուշեան, Ե. Թորչեան, Յ. Կարապետեան, Ն. Տէր-Վարդանեան, Վ. Արշակունի:

Մանկավարժական ժողովի 19 արձանագրութիւններ են մնացել (մինչի մարտի 5-ը): Զբաղմանց նիւթերն են վերաքննութիւններ և ընդունելութիւն, դասազբքերի ընտրութիւն, թւանշաններ, կարգապահական խնդիրներ, դա-

սաւանդման եղանակներ՝ գրութեան, տետրակներ ընտրելու և այլն:

Դասարանների թիւը նոյնն է, աշակերտներ եղել են 348. տարւայ վերջը փոխադրել են 210, մնացել են 122. աւարտել են 16:

Մանկավարժական ժողովին ուղղած մի թղթից երևում է, որ այդ ուսումն. տարում հոգաբարձուք են, նախագահ՝ Մ. ք. Գեօնջեան, անդամներ՝ Մկրտիչ Կոստանեան, Դաւիթ Մարոյեանց: Տարւայ մէջ հոգևոր իշխանութեան կարգադրութեամբ հրաժարեցնւում է Ա. Օհանջանեանը:

1892—93 Ուսումն. տարի.

1892 թւից գործում է հոգաբարձական սորկադմ. նախագահն է Ա. ք. Նալբանդեան, հոգաբարձութեան անդամներ Խ. Իսահակեան, Մ. Կոստանեան, Գ. Սանոյեան, Աւ. Նալեան: Հոգաբարձութիւնն ինչպէս արդէն ասել ենք, միացեալ է, բոլոր քաղաքիս ծխական դպրոցների համար: Բոլոր դպրոցներն ունեցել են նւթ 10238 ռ. 52 կ. մուտք 11396 ռ. ս. Փրկչի դպրոցի ել ու մուտքը այս թւին հասնում է. մուտք 5600 ռ. 58 կ. նւթ 5075 ռ. 27 կ, Աւագ ուսուցիչն է Յովհաննէս Կոստանեան ուսուցիչները Յ. Կարապետեան, Բ. Սերովբեան, (մի ամիս) Մ. Սարգսեան, Ն. Տէր-Վարդանեան, Ա. ք. Նալբանդեան, Վիրաբեան, Գ. Միքայէլեան, որ ստացել են ամսական 256ր, 31կ. տարեկան 3075 ռ. 72 կ. Յունւարին հրաւիրւել է Յ. Արաբաշեան, որի ոտճկի հետ միասին 3135 ռ. 72 կ.

Դասարանների թիւը նոյնն է, ուր կայ 362 աշակերտ. փոխադրել են 218, աւարտել են 13, մնացել են 112, հեռացել են դպրոցից 26:

1893—94 Ուսումն. տարի

Հոգաբարձական կազմը նոյնն է և միացեալ է, տարւայ մէջ հրաժարւած մի հոգաբարձուի տեղ հրաւիրուած է անձնափոխանորդ Պ. Հայկազունին: Դպրոցի աւ. ուսուցիչն է Յ. Կոստանեան, ուսուցչական խումբը՝ Ս. Վիրաբեան, Ն. Տէր-Վարդանեան, Գ. Միքայէլեան, Արաքաշեան, Զ. Զամբապեան:

Դպրոցն ունի նոյնչափ բաժանմունքներ, այսինքն Յ բաժանմունք գուգրնթացներով և առաջին ու երկրորդ դասարաններ:

Աշակերտների թիւն է 341. փոխադրել են 214, աւարտել են 15, մնացել են 98. տարւայ մէջ հեռացել 24:

Բոլոր միացեայ դպրոցների ընդհանուր մուտքն է 17386 ը. 20 կ. նլքը 16854 ը. 56 կ. Փրկչի դպրոցն իր հաշւեմատեանը չունի: Մուտքըն ու ելքը գրւում են հոգևոր իշխանութեան տւած մի ընդհանուր մատեանի մէջ:

1894—95 Ուսումն. տարի:

Հոգաբարձութիւնը, նման անցեալ տարւայ, միացեալ է: 1894 թւի յուլիսից սկսած պաշտօնի է մասնում հոգաբարձական այլ կազմ. մինչի դպրոցների փակելը եղել են մի քանի նախագահներ—Ա. փ. Շախեան, Ա. ք. Նալբան-

դեան: Հոգաբարձութեան անդամներն են Յ. Խալաթեան, Ա. Կոստանեան, Պ. Զիթողեան, Խ. Իսահակեան:

Այս տարի դպրոցը չունի աւ. ուսուցիչ այլ կայ քաղաքիս դպրոցների տեսչութիւն, որի համար միացեալ հոգաբարձութիւնը հրաւիրել է Յ. Տէր-Միրաբեանին: Ուսուցչական խումբը՝ կազմւած է հետևեալներից.—Կ. ք. Առաքեւեան, Ս. Վիրաբեան, Գ. Միքայէլեան, Մ. Սարգսեան, Ն. Տէր-Վարդանեան, Յ. Կարապետեան, Կ. Ափինեան:

Այս տարում մի քանի մանկավարժական ժողովներ եղել են ընդհանուր տեսչի մասնակցութեամբ, ինչպէս ընդունելութեանց և մի քանի դաստիարակչական խնդիրների առթիւ: Փրկչի դպրոցն ունենալով մասնակի իր մանկավարժական ժողովները, ժողովներ են տեղի ունեցել և դպրոցների ընդհանուր ուսուցչութեան: Մեր դպրոցի մասնակի ժողովներն ըզբաղւել են դասազրքեր ընտրելով, կարգապահական, դասաւանդման եղանակների, փոխադրութեանց և այլ խնդիրներով:

Դասարանների թիւը նոյնն է, կան 392 աշակերտներ. աւարտել են 34 փոխադրւել են 3/3-ը:

Հաշւեմատեանը մէկն է բոլոր դպրոցների համար. մուտք ունեցել են 19218 ը. 79 կ. նլք 19131 ը. 32 կ.

1895—96 Ուսումն. տարի.

Հոգաբարձութեան կազմը նոյնն է: Դպրոցի աւ. ուսուցիչ է Սմբատ Վիրա-



պեան. խումբը մնում է անփոփոխ: Ուսումն. տարին սկսում է սեպտեմբերի 9-ից. կան մանկավարժական ժողովների արձանագրութիւններ: Խումբն զբաղել է ընդունելութեանց, դասազրքեր և դաստիարակներ ընտրելու, դաստիարակչական—կարգապահական խնդիրներով և այլն:

Դասարանների թիւը նոյնն է, բոլոր ութը բաժանմունքներում տեղաւորւած են 387 աշակերտ:

Դպրոցում պարապմունքները տևում են մինչև փետրւար: Ինչպէս յայտնի է, Փրկչի դպրոցը միւս հայ դպրոցների հետ փակւեց 1896թ.

Միացեալ հոգաբարձութեան ընդհանուր մուտքն է 20524 ռ. 73 կ. սլքս 16538 ռ. 85 կ.



IV.

ՔԱՂԱՔԱՅԻՆ ԴՊՐՈՑ ԴԱՌՆԱԼՈՒ ՇՐՋԱՆ

(1899—1905)

Հայոց դպրոցները փակւելուց յետոյ Կովկասեան ուսումնարանական շրջանի հոգաբարձու թիւնը Փրկչի ծխական դպրոցը վերածեց քաղաքային երկդասեան դպրոցի:

Դպրոցի ամբողջ վարչութիւնը գտնւում էր պ. հոգաբարձուի ձեռքը, իսկ նիւթականը հայթայթում էին դպրոցի կալւածները: Դպրոցը կոչւում էր «ս. Փրկչի եկեղեցուն կից քաղաքային երկդասեան դպրոց»: Ուսման ծրագիրը հաւասարւել էր նոյն տիպի դպրոցների ծրագրին: Ուսուցչական կազմը նշանակում և արձակում էր Կովկասեան ուսումնարանական շրջանի վարչութիւնը (սոյն ղէպքում Երեանի ժողովրդական դպրոցների տեսուչը):

Ս. Փրկչի դպրոցը իբր այգալիսին բացւել է 1899 թւի սեպտեմբերին և տևել է մինչև 1905

6 ուսումնարանական տարւայ սկիզբը, երբ Բարձրագոյն հրամանով հայ դպրոցները նորից վերադարձրին հայ եկեղեցական բարձր վարչութեանը:

Դպրոցի տնտեսական մասին վերաբերեալ և ոչ մի հաշիւ չգտանք դպրոցի գործերի մէջ: Դիրեկցիայի կողմից դպրոցի տնտեսական մասը կառավարելու համար նշանակուել է հոգաբարձական մի խորհուրդ, որի անդամներն էին Ա. Լէքսանդրապօլի քաղաքային դպրոցի տեսուչը, քաղաքային վարչութեան անդամ Մ. Տէր-Սարգսեան և մի քաղաքացի՝ Խ. Իսահակեան: Տէր-Սարգսեանը կոչուել է և պատուաւոր վերահսկող:

1899 - 1900 Ուսումն. տարի.

Դպրոցի աւագ ուսուցիչն է Վահագան Շահապիզեան: Ուսուցիչներն են Ն. ք. Նիկողոսեան, Զ. Մխիթարեան, Կ. Ափինեան, Գ. Միքայէլեան, Համ. Իսահակեան, Հ. Տէր-Ղազարեան, Ա. Ս. Սարգսեան, Ա. Բրուտեան. մանկավարժական այս խումբն ունեցել է տարւայ ընթացքում 13 խորհրեակցութիւն դպրոցի ընթացիկ գործերի մասին, ինչպէս են, աշակերտների ընդունելութիւնը, աշակերտների տներն այցելելը՝ նրանց ընտանեկան հանգամանքների հետ ծանօթանալու համար, դպրոցում տեղի ունեցած փորձնական դասի քննութիւնը, տարեկան փոխադրութիւնները և այլն:

Տարւայ վերջին աշակերտների թիւը 209, որից փոխադրուում են 131, մնում են 78 աշակերտ: Դպրոցն ունիմի դասատուն՝ երկու բաժանմունքով և չորս զուգընթացով, ընդամենը 6 բաժանմունք: Բ. բաժանմունքի աշակերտները փոխադրուում են նոր բացւող երրորդ բաժանմունքը, դպրոցում որոշուում է եկող տարի ընդունել միայն 61 նոր աշակերտ:

Դպրոցում որոշուում է եկող տարի ընդունել միայն 61 նոր աշակերտ:

1900—1901 Ուսումն. տարի.

Աւագ ուսուցիչը նոյնն է, աւելացել են Ա. Стельмахъ, Ար. Իսահակեան, հեռացել է Параскевовъ. Մանկավարժական ժողովը ունեցել է 15 նիստ, որ զբաղուել է դպրոցական կեանքի սովորական նիւթերով, ինչպէս են դասադրքերի ընտրութիւն, կարգապահական, տարեկան ընտրութիւնների և փոխադրութեանց խնդիրներով:

Դպրոցն ունի երեք բաժանմունք, որոշուում է բանալ չորրորդ բաժանմունք: Եղել է 328 աշակերտ, փոխել են 163 մնացել 110, տարւայ մէջ դուրս գնացել են 55,

Ուսումնական տարին սկսել է սեպտեմբերի 1-ին, վերջացել յունիսի 1-ին:

1901—02 Ուսումն. տարի.

Աւագ ուսուցիչը մնում է նոյնը. ուսուցչական կազմն է Հ. Տէր-Ղազարեան, Ващковъ, Հ. Իսահակեան, Պ. Մխիթարեան, Գ. Միքայէլեան, Ն. ք. Նիկողոսեան, Ա. Բրուտեան, Կ. Ափինեան, С. М. Коби́ева:

Մանկավարժական ժողովն զբաղուել է ընդունելութեանց, դասաւանդման, տարւայ մէջ արւած փորձնական դասերը քննադատելու, աշակերտների թոշակների և տարեկան փոխադրութեանց խնդիրներով: Բաժանմունքների

Թիւր նոյնն է դպրոցում կայ տարւայ վերջը 304 աշակերտ, փոխադրել 206, մնացել են 98:

1902 - 3 Ուսումն. տարի.

Աւագ ուսուցիչը նոյնն է. ուսուցչական խումբը կազմւած է այսպէս.— E. H. Θεοδοва, Ե. ք. Նալբանդեան, Կ. Ափինեան, Հ. Տէր-Ղազարեան, Գ. Միքայէլեան, Հ. Իսահակեան, A. И. Поспѣловъ, Բրտեան, Θεοδοва-ի տեղ նոյեմբերից պաշտօնավարում է E. X. Зарапова: Մանկավարժական ժողովի նիստերն են 17. դրադման նիւթերն են միւսնոյն, ինչ որ նախնիւթաց տարում: Անցեալ տարիների նման այս տարումն էլ երբեմն մանկավարժական ժողովի նիստերին ներկայ է լինում դպրոցի հոգաբարձական խորհրդի անդամ և վերահսկող Մ. Տէր-Սարգսեանը: Դասարանների թիւը նոյնն է, տարւայ վերջը ներկայ են 282, փոխադրել են 174 և մնացել նոյն բաժանմունքներում 108 աշակերտ:

1903 - 4 Ուսումն. տարի.

Աւագ ուսուցիչն է Սաղաթել Թարաղեան. ուսուցիչներ Կ. Ափինեան, A. Поспѣловъ, Գ. Միքայէլեան, Հ. Տէր-Ղազարեան, Ե. ք. Նալբանդեան, Հ. Իսահակեան, С. Иордановъ, Ա. Բրտեան, տարւայ կիսին հեռացել է Поспѣловъ հրաւիրւած է Джафарбековъ:

Մանկավարժական ժողովն ունեցել է 24 նիստ. Բացի դրանից, որ ժողովը տարւայ ըս-

կզբում կազմել է բոլոր առարկաներից իւրաքանչիւր դասարանում անցնելու նիւթերի ցանկը, նա զբաղւել է ընթացիկ տարում նաև մանկավարժական ընթացիկ խնդիրներով՝ միւս տարիների նման:

Դասարանների թիւը նոյնն է. տարւայ վերջը կայ 279 աշակերտ. փոխադրել են 198, մնացել են 81:

1904 - 5 Ուսումն. տարի.

Աւագ ուսուցիչն ու ուսուցչական խումբը մնում է նոյնը: Տարւայ երկրորդ կիսին հեռանում է Джафарбековъ նրա տեղը բռնում է A. Филютовичъ

Մանկավարժական ժողովներ եղել են 12 և զբաղւել նոյն խնդիրներով, ինչպէս և անցեալ տարի:

Բաժանմունքները նոյնն են. տարւայ վերջն աշակերտների թիւն է 285. փոխադրել են 203 մնացել 82:

1905 - 6 Ուսումն. տարի.

Թէև դպրոցներն հայ հոգևոր իշխանութեանը յանձնելու հրամանը կայ, սակայն զիրեկցիան տարւայ սկզբին բաց է անում Փրկչի դպրոցն ըստ սովորականի: Խումբը մնում է նոյնը. մանկավարժական ժողովներ արել են մինչի սեպտեմբերի 14-ը: Սրանով, սակայն, վերջանում է այս շրջանը: Շուտով փակւում է քաղաքային երկգասեան Փրկչի կոչւած դպ-

րոցը, խումբը ցրւում, ու նրա տեղը բացւում  
 հայոց վիճակային հոգևոր ս. Փրկչի դպրոցը:  
 Որովհետև ուսումն. տարին արդէն սկսած էր,  
 հայ հոգևոր ծայրագոյն իշխանութիւնը հայրա-  
 պետական կոնդակով պատւիրում է եղած ու-  
 սուցչական խմբից սլահել նրանց, որոնք համա-  
 պատասխան կլինէին իրենց կոչմանը, իսկ մնա-  
 ցածներին երկու ամսւայ ուճիկ տալ՝ նոցա  
 բաւարարելու համար:



V,

Ն Ո Ր Շ Ր Զ Ա Ն

(1905—1912)

Ընդամուտ գիտարկումներ

1905 թւի Կայսերական հրովարտակով վե-  
 րադարձւում են ոչ միայն Հայոց եկեղեցական  
 կալւածները, այլ նաև ծխական դպրոցները:

Ալէքսանդրապոլի ս. Փրկչի դպրոցը, որ  
 հոգևոր դպրոց էր կոչւում, և որն այդ անունը  
 կորցրել էր և Մակար կաթողիկոսի ծրագրով  
 և 1896 թ. լուսաւորութեան նախարարութեան  
 ձեռքն յանձնելուց յետոյ, չէր փակւել: Այդ  
 մենք տեսանք նախընթաց շրջանների պատ-  
 մութեան մէջ:

Կովկասեան Փոխարքայի ժամանակաւոր  
 կանոնների հիման վրա ընտրւում է ս. Փրկչի  
 համար ծխական հոգաբարձութիւն և 1905—6  
 ուսումնարանական տարով սկսւում է մեր դրպ-  
 րոցի պատմութեան այս նոր շրջանը:

Նախընթաց չորս շրջանների բնորոշումը,  
 ինչպէս ընթերցողը տեսաւ, արդարացնում էին  
 այդ բաժանումը: Արդ, ի՞նչ նոր անուն տալ  
 այս սկսող շրջանին, որ բնորոշէ նրան առաջ-  
 նորդող հիմունքները:

Իսկապէս ասած, ղեկավարող այն հիմունքները, որ յատուկ են այս շրջանին, նոր չեն, հին են: Այդ կողմից սա շարունակութիւնն է Հոգևոր դպրոցի սկզբունք շրջանի, ու մնացած յետագայ երկու շրջանները միջանկեալ շրջաններ կարող էին կոչուել:

Հոգևոր դպրոցի պատմութեան առաջին երկու շրջանները (1840—1884) վարչական իրենց կազմակերպութեամբ, նամանաւանդ մինչի 1872 թւականը, տեքորւած են եղել ժողովրդական սկզբունքներով: Այդպէս է և ներկայ շրջանը:

1905 թւի օգոստոսեան ժամանակաւոր կանոնները, որ յետոյ 1909 թւին Մատթէոս II-ի հրամանով տեղակալական հրահանգութեամբ ճոխացան, դպրոցների ամբողջ դէկր սալիս են ծխական ժողովին: Հոգևոր իշխանութիւնը մնում է բարձր հսկողի և ղեկավարողի դերում միայն: Ժամանակաւոր այդ կանոնները ոչ միայն հրատարակման իր ժամանակի ընդհանուր ոգու ազդեցութիւնն են կրում, այլ նաև համապատասխանում են հայերի իրենց ազգային հիմնարկութիւնները կառավարելու ժողովրդական հին ոգուն:

Մակար կաթողիկոսի օրով ճնշւեց, հալածւեց այդ ոգին, որի դէմ հալածանքն սկսել էր դեռ Գէորգ IV-րդի օրով: Իպրոցի ծրագիրները կրճատեցին, հոգաբարձութեան ընտրական սկզբունքը խախտեց և աղաւաղեց նրանով, որ հոգաբարձութեան նախագահը նշանակովի եղաւ: Այդ խորթ էր հին շրջանին, դուրս նետուեց և նորից: Ըստ ժամանակաւոր կանոն-

ների ժողովուրդը վերստանձնեց իր հին իրաւունքները:

Այս առմամբ եթէ մենք ընտրուեցնք նոր շրջանը, դա ունի մի անուն՝ ժողովրդական:

ա. Հոգաբարձութիւն

Փոխարքայի ժամանակաւոր կանոնների համաձայն ծխական հոգաբարձութեան կազմը բաղկացած պիտի լինէր 3—4 անձից, բացի տւեալ եկեղեցու երեսփոխանից, որ ի պաշտօնէ ճանաչոււմ է ծխական հոգաբարձութեան անդամ: Փրկչի եկեղեցու ծխական առաջին ժողովն ընդունում է հնգանդամեան հոգաբարձական կազմ՝ երեսփոխանն էլ հետը վերցրած:

Եթէ մենք մի ընդհանուր հայեացք ձգենք դպրոցների բացման օրից մինչի այժմ ցոյց տւած գործունէութեան վրա, կտեսնենք որ, բոլոր հոգաբարձական կազմերի ձգտումն է եղել, որքան հնարաւոր է դպրոցը բարձրացնել թէ տնտեսապէս և թէ ուսման ծրագրով: Առաջին նկատմամբ երկու անգամ յաջող փորձ է եղել դպրոցի կալւածների քրէհները բարձրացնելու, մէկ 1906 թւին և մէկ էլ ներկայ հոգաբարձութեան օրով 1911 թւի սեպտեմբերին: Նախկին հոգաբարձութիւնն աւելացրել է նաև կրպակների թիւը թէ հիւսիսային ճակատի շարքում և թէ արևմտեան ճակատում:

Իպրոցի ուսումնական մասի համար հոգաբարձութեան արած առաջին քայլը, որ վերաբերում է դպրոցի աւագ ուսուցչի ընտրութեանը, պէտք է ինքնին ցոյց տայ, թէ հոգաբարձութիւնը դպրոցի մանկավարժական մասի

վրա լուրջ ուշադրութիւն է դարձնում: Եւ ի-  
րօք, Տիգրան Ռաշմաճեանի ընտրութիւնը կա-  
րող է միայն հեղափոխութեան այդ ձգտման  
արտայայտութիւն նկատուել: Հոգաբարձութիւ-  
նը ցանկանալով տեսնել դպրոցի ուսուցման  
գործը լաւ հիմքերի վրա, նա սկզբունքով որո-  
շում է միջնակարգ կրթութիւնից ցած ուսու-  
ցիչ շէրտելիք (21 հոկտ. 1905 թ. նիստ IV-րդ)  
Թէև յետագայում սկզբունքով ընդունուած այս  
որոշումը խիստ կերպով չի գործադրուած,  
և դպրոցում սկսում են պաշտօնավարել նաև  
քաղաքային դպրոցի կրթական ցենդով ուսու-  
ցիչներ: Այդ ժառանգութիւնը հին հոգաբար-  
ձութիւնից անցաւ նաև ներկայ հոգաբարձու-  
թեանը, որը 1911-ի սեպտեմբերին մանկւոյ  
պաշտօնի մէջ հարկադրուած էր նաև արդէն պատ-  
րաստի խումբն ընդունել:

Ուսման բուն ծրագրի նկատմամբ բոլոր  
հոգաբարձութեանց օրով էլ ձգտումն է եղել  
հոգևոր բարձր իշխանութեան հրատարակած  
դպրոցական ծրագիրն անցկացնել դպրոցի մէջ:  
Գալով ուսուցման տարիների թւին, հո-  
գաբարձութիւնները մանկավարժական խոր-  
հրդների համագործակցութեամբ դպրոցը 1095  
— 6 ուսումնարանական տարում սկսելով չորս  
բաժանմունքով (3 պատրաստական և մի դա-  
սարան) հասել է այսօր եօթը բաժանմունքի  
(3 պատրաստական և 4 հիմնական դասարան-  
ներ):

Մեր դպրոցից շարունակել ուզողը պիտի  
մտնի կամ Ներսիսեան դպրոց կամ Ճեմարան,  
բայց որովհետև դպրոցական ծրագիրը չի հա-

մապատասխանում այդ յիշածս դպրոցների  
ծրագրին, ուստի և միտք է ծագել ծրագրների  
համապատասխան դարձնելու: Այս միտքն ար-  
ծարձել է անցեալ տարիներում, բերել է արը-  
ւել Ներսիսեան դպրոցի ծրագիրը, բայց վճռա-  
կան գործի չէ անցած: 1911 - 12 ուսումն. տար-  
ւայ սկզբում առաջին փորձն եղել է ընդհանուր  
պատմութեան նկատմամբ: Ներկայ տարւայ  
հոգաբարձութիւնը շատ զբաղւելով դրանով,  
որոշել է ծրագրերի համապատասխանեցման  
գործը վերջնականապէս գլուխ բերել, որպէսզի  
փոխանցումը մեր դպրոցից դէպի թեմական  
դպրոցներն և Ճեմարանը՝ հեշտացնել:

Հոգաբարձական գործունէութեան մանրա-  
մասնութիւններին կանցնենք իր տեղում, երբ  
իւրաքանչիւր դպրոցական տարին առանձին  
կարճանագրենք:

բ. Յնուարիին և մանկավարժական կազմ.

Ուշի ուշով գննելով դպրոցի ղեկավարու-  
թիւնը, մենք տեսնում ենք, որ դպրոցի բոլոր  
տեսուչների կողմից ջանք պակաս չէ եղել, ի-  
րենց ուժերի ներածին շափ, բարեխիղճ կեր-  
պով տանել դպրոցի ուսուցման և մանկավար-  
ժական գործի ընդհանուր հսկողութիւնն ու ղե-  
կավարութիւնը: Առաջին ընտրութիւնն, ինչ-  
պէս արդէն ասուեց, լաւ գրաւականն էր լաւ  
սկզբի:

Մանկավարժական կազմը բաղկացած է ե-  
ղել ընդհանուր առմամբ միջնակարգ կրթու-  
թեան ուսուցիչներից: Մանկավարժական ժո-  
ղովների արձանագրութիւնները և դպրոցական

ծրագրի իրագործումը ցոյց են տալիս, որ ուսուցիչներն աշխատել են հնար եղածին չափ բարեխղճութեամբ տանել իրենց գործը: Ասել թէ դպրոցական ծրագրի ամբողջ տրամադրութիւններն անցել են ճշտութեամբ, դա սխալ կլինէր: Շատ առարկաների նկատմամբ պակասը շատ մեծ է, ինչպէս թւարանութեան, հայոց լեզուի, ընդհանուր պատմութեան, բնագիտութեան և այլն: Այդ բանը շատ պարզ կերպով նկատուել և արձանագրուել է 1911-12 ուսումն, տարւայ սկզբին: Այդ մեծ թերութեան պատճառը պէտք է որոնել ոչ այնքան հսկողութեան և դեկավարութեան թուլութեան մէջ, բայց մանաւանդ ուսուցիչների և տեսուչների շուտ շուտ փոփոխութեան մեջ, ինչպէս և դպրոցական ծրագրի պակասութիւնների մէջ: Այստեղ չպէտք է մոռանալ նաև ուսուցիչների կրթական ցենզը, օրինակ, բնագիտութիւն չի կարելի յանձնել թեմականաւարտի, այն էլ չորսդասարանեան մեր դպրոցում. ինչպէս այդ եղել է անցեալ բոլոր տարիներում:

Ինչ և լինի պատճառը, ստուգւած իրողութիւն է, որ 1911-12 ուսումն տարւայ սկզբում առսակաւն առաջին դասարանից բարձր գլխաւոր բոլոր առարկաներից թոյլ են եղել աշակերտները՝ դպրոցական ծրագիրը չանցած լինելու և մասամբ էլ անկանոն անցնելու պատճառներով:

Գ. Աշակերտութիւն

Մեր քաղաքն ունի 35000-ից աւելի բրկնաշութիւն, սակայն շատ սակաւաթիւ տար-

րական դպրոցներ. այդ նամանաւանդ խիստ զգալի էր 1905-ի սկզբին: Փրկչի դպրոցը մեր վարչութեան ձեռքն անցնելուց յետոյ հարիւրաւոր խնդիրներ էին տեղում: Ամենքին բաւարարութիւն տալ չէր կարող դպրոցը. ուստի և այդ տարւանից նորերի ընդունելութիւնը լինում է վիճակով, որն և շատ անախորժութիւնների առաջն է առնում: Պէտք է խոստովանել որ բոլոր տարիներումն էլ ՚ի վնաս մանկավարժական-առողջապահական պահանջների եղել են բոլոր սկզբնական դասարանների աշակերտների թւերը սովորականից շատ աւելի: Այդ դասարաններում սովորական է եղել և է 50-54 աշակերտ ունենալը, նամանաւանդ առաջին պատրաստականում: Նոցա ընդհանուր թիւը իւրաքանչիւր տարւայ համար իրարից բարձրը չէ եղել. 280-300, ահա այն:

Աշակերտութեան մասին ընդհանուր ասումամբ խօսելով, կասենք, որ նա մեր միջնավայրի պատկերն է եղել միշտ: Դպրոցն արել է աշակերտների մտաւոր-բարոյական դաստիարակութեան համար այն, ինչ որ կարող էր անել, ու այդ գործում նա ըստ կարողութեան մաքառել է փողոցի և տան հակազդեցութեան դէմ: Աշակերտութեան վրա արած այդ հակազդեցութեան դէմ կուելու համար, այս տարիների ընթացքում յաճախ կազմուել են ծնողական ժողովներ, կարգացուել են դասախօսութիւններ և այլն: Սակայն համերաշխ գործակցութեան այդ քայլերը, որ ուսուցչական խումբերը տարել են բարեխիղճ պարտաճանաչութեամբ, մնացել են, եթէ չասենք ապարդիւն

յամենայն դէպս աննշան, առանց զգալի հետևանքների: Համատարած խաւար, ահա մեր դպրոցների թշնամին, որի դէմ միայն լոյսով կարելի է կուել: Այն օրն, երբ Ալէքսանդրապօլում դպրոցական հասակն առած տղայ փողուցում չի մնալ, այն օրն և կլինի դպրոցի յաղթանակի տօնը այդ համատարած խաւարի դէմ: Մեր դպրոցն ընդհանուր առմամբ դեռ կազմակերպչական շրջանի մէջ է, ուստի և աշակերտութիւնը չի կարող այն ներկայացնել, ինչ որ, երբ դպրոցն իր փուլի մէջ մտնի և ուսման ծրագրի և ուսուցման մէջ լրութիւն և հետևողականութիւն լինի: Ուսուցիչների կողմից բազմիցս նկատւած ճշմարտութիւն է, որ մեր աշակերտները քիչ են կարգում, որ նոքա իրենց դասարաններին և հասակներին համապատասխան մտաւոր հասունութիւն և կրթական պատրաստութիւն չունին: Ընթերցասիրութեան պակասութիւնն ամենից շատ նկատւած թերութիւնն է: Աշակերտների մէջ ընթերցասիրութիւն գարթեցնելու համար կատարող շաբաթական դասարանական ընթերցանութիւններն զգալի օգուտ չեն ցոյց տալիս: Այդ ընթերցանութիւնն այս ձևն ունի, նա կատարւում է մանկավարժական ժողովների որոշմամբ իւրաքանչիւր դաստիարակ իւրաքանչիւր շաբաթ մի անգամ, շաբաթ օրերը, մի դաս նւիրում է ընթերցանութեան. ինքը կարդում է նախապէս ընտրած մի գիրք և դասարանը լսում է: Սա պէտք է համարել առսակաւն անբաւարար միջոց աշակերտների մէջ ընթերցասիրութիւն գարթեցնելու համար:

ը. Գրադարան եւ ֆիզիքական կարօնէտ.

Դպրոցի գրադարանն աղքատ է. պակասում են մանկական և այլ գրքեր, ոչ միայն ուսերէն այլ նաև հայերէն մի դպրոցի համար անհրաժեշտ գրքեր: Դպրոցական հին մատեանները քրքրելիս մենք հանդիպեցինք էին գրացուցակների: Դոցա հետ համեմատած հին գրադարանի ներկայ մնացորդները, տեսնում ենք, որ շատ ու շատ բան անհետ կորել, ոչնչացել է: Նոր այս շրջանում ջանք եղել է դպրոցական նոր գրադարան կազմելու համար, սակայն գործը մնացել է իր սազմնային վիճակում ոչ թէ ցանկութեան բացակայութեան, այլ գլխաւորապէս նիւթական միջոցների սղութեան պատճառով: Դպրոցը չի կարողացել տարեկան նոյն իսկ մի հարիւր բուբլի մշտապէս գրադարանի պակասը լրացնելու յատկացնել: Դպրոցս ունի զանազան տեսակի գրքեր՝ 1115 հատ, որից աշակերտական ընթերցանութեան համար՝ 540 հատ: Գրքերից հայերէն 580 հատ, ուսերէն 525 հատ, օտար լեզուներով 10 հատ: Եւ սա եօթանասուն և աւելի տարի գոյութիւն ունեցող մի դպրոցում:

Շատ աղքատ է նաև դպրոցի ֆիզիքական կարօնէտը. կարելի է ասել համարեա միայն անուսով գոյութիւն ունի: Ֆիզիքական ամբողջ կարօնէտն ամփոփւած է մի պահարանում, ուր երկու մեծ դարակը բռնում են մարդակազմական մօդելները, մի դարակը երկրաչափական ձևագիտութեան իրերը և միայն մի չարակում քիմիայի և ֆիզիքայի վերաբերեալ



խղճուկ գործիքներ, եթէ միայն այդպէս կարելի է այդ մնացորդներն անւանել: Այս բանում դպրոցի վարչութիւնը դեռ շատ բան ունի անելու, ամենատարրական պահանջներին բաւարարութիւն տալու համար:

և. Դպրոցական շէնք.

Դպրոցիս ներկայ շէնքի մասին իր տեղում ասւածների վրա կաւելացնենք, որ նա իր ներկայ պահանջներին բաւարարութիւն չի տալիս. Այս դպրոցն իբր վիճակային դպրոց, պէտք է դառնայ մօտ «ապագայում լրիւ միջնակարգ՝ սեմինարական ծրագրով: Նայելով դպրոցական շէնքին, հնարաւոր չէ դրա իրագործումը՝ նախ առանց ստորին բաժանմունքներից 2-ի փակումի, և երկրորդ առանց երկրորդ յարկ շինելու, ուր տեղաւորւէին վերին երկու դասարանները, ֆիզիքական կաբինէտը, հոգաբարձական և մանկավարժական ժողովների խորհրդարանները, գրադարանը և այլն:

Դպրոցի ներկայ շէնքն այդ յարմարութիւններին համապատասխանեցնելու համար հարկաւոր են մեծ միջոցներ և յատկապէս համաքաղաքացի հարուստների լիաձեռն օժանդակութիւնը:

Ներկայ շէնքի անյարմարութիւններից մէկն էլ այն է, որ նրա գաւթի դուռը բաց է հասարակութեան և ժամաւորների համար ոչ միայն տօն օրերին, այլ նաև ամենայն օր դպրոցական պարապմունքներից յետոյ: Մի հանգամանք, որ քիչ կեղտոտութիւնների պատճառ չի դպրոցի համար, որովհետև երկար տա-

լիների փորձը ցոյց է տալիս, որ դպրոցի արտաքնոցներից կողմնակի օգտւորներն ամենաանկարգ կերպով են իրենց պէտքերը կատարում: Դպրոցի արտաքնոցը հասարակական արտաքնոց է, այն էլ Ալէքսանդրապօլի պէս տեղում:

գ. Դպրոցի եկամուտները.

Ինչպէս մենք արդէն տեսանք, մեր դպրոցը դրամագլուխ չունի. բայց ներկայ հոգաբարձութիւնը ջանքեր է թափել ու թափում այդպիսի մի դրամագլուխ ստեղծելու համար: Թէ որքան է նա աջողելու այդ բանում, դա ցոյց կուտայ ապագան, ինչպէս և մեր հարուստ քաղաքացիների պարտաճանաչութիւնը: Մեր դպրոցի մշտական եկամուտի աղբիւրը ս. Փրկիչ եկեղեցին երեք կողմից—հիւսիսային, մասամբ հարաւային և արևելեան—ըջապատող կրպակներն են, որոնք, պէտք է խոստովանել կանգուն են մնում այդ կրպակներից օգտւող առևտրականների կողմից ձեռք առած մանր ու խոշոր նորոգութիւններով: Դպրոցը չի ծախսում իրանց վերանորոգութեան վրա համարեա և ոչինչ. մինչդեռ բանի մի հիմնական նորոգութիւններ անհրաժեշտ են:

Կայվածների տարեկան եկամուտն է 10212 ռուբ. 2 կ. պետական, գնահատական և համայնական տուրքերն են 887 ռ. 50 կ. զուտ արդիւնք 9324 ռ 50 կ.

Ինչպէս մենք իր տեղում կտեսնենք, նախկին հոգաբարձութիւնները մինչի 1911 թ. սեպտեմբերը իր ժամանակին կալւածների

տուրքը վճարելու համար տուգանք են տւել մօտ 2000 բուբլի: Յետեայ այդ տուրքերն ու տուգանադրամները մի մասը վճարելու համար դպրոցն հարկադրւած է եղել 4000 բ. փոխառութեան գիմելու: Որից պարզ է թէ, դպրոցն այժմ ունի միայն պարտք, որը պիտի ծածկւի խնայողութիւններով, այն էլ դպրոցի ներկայ վիճակում, երբ նրա ծախսերը քանի չհսում շատանում են և շատանալու են: Իսկ դպրոցը պարտքի տակ չէր ընկնի, յետեայ տուրքերը վճարելու համար փոխառութեան չէր դիմի, եթէ դպրոցի հոգաբարձութիւնն աշխատէր դպրոցի նախահաշի շրջանում գործել, և նախահաշիւն էր, որ ամեն տարի կազմել են, տար դպրոցի նիւթական վիճակի իսկական պատկերը:

Մնում են իբր եկամտաւոր այլ աղբիւրներ աշակերտական թոշակադրամը և պատահական նւիրատուութիւնները: Իսկ դպրոցի հին սկզբնական շրջանում, ինչպէս այդ իր տեղում ցոյց տւինք, ուսումը ձրի է եղել այժմ, այս նոր շրջանում ընդհանուր առմամբ ձրիավարժները կազմում են մօտ 40% աշակերտութեան: Եթէ լինի հասարակութեան լայն օգնութիւն, հապա կարելի կլինէր շատ աւելի մօտենալ ձրի ուսման, քան այժմ է: Իրօք, հարկաւոր է առնւազն 60%-ը ձրիավարժ անել, քանի որ թոշակադրամն հաւաքելու համար, դպրոցն ահագին դժւարութիւնների է հանդիպում և շատ ծնողների համար նրանցից պահանջւած 4—10 բուբլի տարեվճարն իսկ ծանր է: Զրի ուսումն, ահա որին պիտի դիմէր դպրոցը:

Վերջինս իսկական կապակցութիւնն էր:

Ուսումնարանական այդ տարում Հոգաբարձութիւնն ունեցել է 33 հերթական նիստ: Հոգաբարձական կազմն է 1) Յովհաննէս Տէր-Մարտիրոսեան, 2) Աղաբէկ Ամիրեան, 3) Մելքսեդեկ Խղմալեան, 4) բժիշկ Ա. Տէր-Շմաւոնեան, 5) երեսփոխան Կարապետ Մառանջեան:

Առաջին ժողովը կայացել է 1905 թւի հոկտեմբերի 16-ին, արդէն հրաւիրւած աւագ ուսուցիչ Տիգրան Ռաշմաճեանի մասնակցութեամբ: Իրանից առաջ արդէն հոգաբարձութիւնը պատշաճաւոր ստացողական յանձնողականով ստացել էր կառավարչական դպրոցական վարչութիւնից ս. Փրկչի դպրոցն իր գոյքով:

Իբր գործի սկիզբն, բնական է որ հոգաբարձութիւնը կանգնած էր մի քանի դժւարութիւնների առաջ: Նախ դպրոցը բացւում էր դպրոցական տարին սկսելուց յետոյ, իսկ հին կազմը դեռ չէր արձակւել: Հոգաբարձութիւնը կաթոլիկոսական կոնգրակի համաձայն պահում է հին ուսուցիչներից ձեռնհասները իսկ հեռացածներն էլ որոշ չափով վարձատրում է: Իստարաժանութեան ժամանակ որոշում է սկզբունքով կրօնի դասերը հոգևորականի վերապահել, թէև յետագայում խախտում է այդ որոշումը: Ընդունւում է դասագնի հաւասարութեան սկզբունքը բոլոր առարկաների համար: Աւագ ուսուցիչը ներկայացնում է ուսուցչաց ցանկը, որն և ընդունւում է: Իսկ դպրոցի պաշտօնական բացումն ու դասերի

սկիզբն է նոյեմբերի 8-ը. իսկ բացման հանդէսը կատարւում է ղեկտեմբերին, դպրոցական մի հանգիսով: Հոկտեմբերի 31-ի խառն ժողովում որոշում է ընդունելութիւնն այնպէս անել, որ աշակերտների ընդհանուր թիւը առառաւելն 300 լինի: Պօսք է լինում և տարագի մասին, սակայն ի նկատ առնելով աշակերտների չքաւորութիւնը խորհրդածութիւնն ապարդիւն է անցում, բարեբաղդաբար:

Այդ ժողովն սկզբունքով ընդունում է, որ ուսուցիչների և աւագ ուսուցչի ընտրութիւնը տեղի պիտի ունենայ խառն ժողովի համաձայնութեամբ, որից յետոյ Հոգաբարձութիւնը հրաւիրում է համապատասխան անձնաւորութեանը: Պարզ է որ, հոգաբարձութիւնն այստեղ իր իրաւունքներից որոշ մասը զիջում է ուսուցչական խմբին, նոյն է անում նաև դրպրոցի աւագ ուսուցիչը, իրեն համարելով դպրոցի մի ուսուցիչ ու մանկավարժական ժողովի միայն նախագահ:

Ընդունելութեան խնդրի հետ կապւած է և դասարանների թիւը. ժողովը որոշում է ունենալ մի առաջին, մի երկրորդ երկու զուգընթաց, մի երրորդ մի զուգընթաց բաժանմունքով և մի առաջին դասարան: Որով ընդհանուր թիւը լինում է հիմնականով և զուգընթացներով միասին և՛՛՛՛՛ բաժանմունք: Հոգաբարձական X-րդ ժողովում միտք է ծագում Հոգաբարձութեան կից ծնողական խորհուրդ ունենալ, որպէսզի հնարաւոր լինի աշակերտների բարոյակրթական գործն աւելի լաւ հիմքերի վրա դնելու և դպրոցի վրա հասարակութեան

աւելի մօտիկ հսկողութիւն ունենալու համար: այդ խնդիրը մերժւում է այն պատճառաբանութեամբ, որ հոգաբարձութիւնն ինքն արդէն նոյն այդ հասարակութեան ներկայացուցիչն է դպրոցում:

Աշակերտների մասին իր հոգացողութիւնը հեռուն տանելով, հոգաբարձութիւնը որոշում է խիստ չքաւորներին դասական պիտոյքների հետ տալ նաև շորեր, որն և փոքր շտիբերով իրագործում է:

Հոգաբարձութիւնը մի շարք ժողովներում քննութեան է առնում դպրոց նախահաշի և դպրոցի եկամուտներն աւելացնելու խնդիրներն:

Նոյեմբերի 11-ին կազմում է մի նախահաշիւ՝ Մուտք 11038 ռ. 50 կոպ. ելք 11038 ռ. 50 կ. Սակայն երբ այդ նախահաշիւը ներկայացւում է ղեկտեմբերի 4-ին ծխական ժողովի հաստատութեանը, նոյն ժողովը հաստատելով նախահաշիւը, առաջադրում է հոգաբարձութեանը ծախսերը կրճատել 600 ռուբլիով և այդ գումարը տալ Լուսաւորչի դպրոցին նըշատ: Ծխական ժողովի այդ որոշումն հետևանք է այն դիմումի, որ արել էր Լուսաւորչի դպրոցի հոգաբարձութիւնը ծխական իր դպրոցին նպատ տալու համար:

Հոգաբարձութիւնը ղեկտեմբերի 4-ի իր X-րդ նիստում անում է իր ծախքերի մէջ 600 ռուբլի կրճատումն, ի միջի այլոց նաև դպրոցի գրադարանի համար նախահաշւով որոշածից 100 ռ. եկեղեցու ներքին բարեգարդութեան վրա նշանակածից, դասական պիտոյք-

ներից և այլն: Այդ նպաստով օգտւելով մի դպրոց, տուժում է մի այլը. բայց դա ծխական ժողովի կամքն էր, որին պարտաւոր է հպատակւել ամեն մի ծխական հոգաբարձութիւն:

Հետամուտ լինելով դպրոցի աճող ծախսերը ծածկող նոր եկամուտներ գտնելուն, հոգաբարձութիւնը նկատ առնելով միևնոյն ժամանակ, որ եկեղեցու կրպակները համեմատաբար աժան են, որոշում է կրպակավարձերն աւելացնել: Այդ խնդրի քննութիւնը ղննւով իր XIV-դ (յունւարի 20-ի) նիստում, հոգաբարձութիւնն իր յաջորդ նիստերում խանութպանների հետ խորհրդակցելով, բոլոր խանութների վրա աւելացնում է 615 ռուբլի: Հէնց սկզբում մերժում է կրպակներն աճուրդով տալու առաջարկը:

Ի նկատ առնելով, որ ղէպի եկեղեցին տանող հիւսիսային մուտքն առանձին կարևորութիւն չունի, որոշում է այդ անցքը դարձնել կրպակ, որը տրւում է տարեկան 340 ռուբլի քրէնով:

Դպրոցի վրա բարդւած են եղել անցեալ տարիներից բաւականին մեծ գումարի գնահատական տուրքեր. հոգաբարձութիւնը որոշում է ղիմել քաղաքային վարչութեանն, այդ՝ չգումարը ղեղջելու համար: Այս տարւանից սկսւում է գնահատական, պետական և համայնական տուրքերի իր ժամանակին չվճարելու սովորութիւնը:

Ուսումնարանական տարւայ վերջին հերթական են դառնում հետևեալ խնդիրները

1) Թրբ վերջացնել ուսումն. տարին, 2) հինգերորդ բաժամունք բանալը, 3) աւագ ուսուցչից զեկուցումն — հաշիւ պահանջելը դպրոցական տարւայ մասին, 4) Դասագնի բարձրացման խնդիրը:

Դպրոցական տարին խառն ժողովով (XIX) որոշում են փակել յունիսի 2-ին: Այդ և յունիսի 20-ի ժողովներում անհրաժեշտ է հաշւում բանալ հինգերորդ բաժամունք, որ և ընդունւում է:

Աւագ ուսուցիչն առաջարկում է դասագինն անել 40 ռ. բայց առսակաւն 30 ռ. ժողովը (XXII, 1 յունիսի) որոշում է ընդունել վերջին դասագինը:

Նոյն ժողովում հոգաբարձութիւնը պահանջում է աւագ ուսուցչից հաշիւ տալ խմբի և անցած ուսման ծրագրի ու դպրոցի առաջադիմութեան մասին: Աւագ ուսուցիչը մերժում է այդ հաշիւը տալ. ի միջի այլոց առարկելով, որ ինքն այդ հաշիւը տալու է հասարակութեանը (յունիսի 3-ին) տարեկան ախիւն, ուր և հոգաբարձութիւնը կարող է լսել: Հոգաբարձութիւնը չի կարողանում նրանից ստանալ նաև գրաւոր հաշիւ այն մասին, թէ իւրաքանչիւր բաժամունքում իւրաքանչիւր առարկաչիւր որքան են անցել, ու անցածը համապատասխան է դպրոցական ծրագրին: Այդ առաջարկին աւագ ուսուցիչ Տ. Ռաշմաճեանը պատասխանում է, որ հոգաբարձութեան այդ առաջարկութիւնը կասի խմբին, վերջինս ինչպէս տնօրինէ, այնպէս էլ կանէ: Հոգաբարձութեան այս իրաւացի պահանջը մնում է առ

միշտ անկատար: Սրանից ծագում է սուր յարաբերութիւն դպրոցական այդ երկու մարմինների մէջ:

Հոգաբարձութիւնն իր XXV-րդ նիստը (7 յունիսի) նւիրում է այդ միջնադէպի քննութեանը: Նա գտնում է, որ ինքն, իբր ներկայացուցիչ դպրոցի տէր հասարակութեան, պարտք է իրաւունք ունի իմանալու, թէ դպրոցում ի՞նչ է կատարւում, ի՞նչ չափով է իրագործւում դպրոցական ուսման ծրագիրը և ուսուցիչներից որո՞նք համապատասխան են իրենց բռնած տեղին: Նա որոշում է յայտնել դպրոցի աւագ ուսուցչին այդ բոլորը և առաջարկել, որ նա ինկատ առնի այդ՝ ապագայի համար: Աւագ ուսուցչի առաջարկութեամբ խումբը մտում է անփոփոխ. բայց որովհետև բացւում է մի նոր V-դ բաժանմունք, ուստի և մանկավարժական ժողովը օգոստոսի 15-ի իր որոշման պատճէնը ուղարկելով, առաջարկում է Հոգաբարձութեանն ողւս լեզւի ուսուցիչ հրաւիրել Խ. Կարճիկեանին կամ Մ. Յովհաննիսեանին: Հոգաբարձութիւնը իր XXXI-րդ նիստում որոշում է ուսուցիչ հրաւիրել առաջին:

Այդ ուսումնարանական տարւայ ընթացքում հարց է բարձրանում քաղաքիս չորս եկեղեցիների միացեալ հոգաբարձութիւն կազմել: Ծխական մի ընդհանուր ժողով ընդունում է այդ առաջարկութիւնը: Նոյն տարւայ երկրորդ կիսամեակում տեղիս փոխանորդ Արսէն վ. Ղլտճեանի նախաձեռնութեամբ ժողովներ են հրաւիրւում՝ տեղական չորս դպրոցների գոնէ զանձարանները միացնելու, որպէսզի այդ

միջոցով գոնէ զասագնի հաւասարութիւն պահպանել բոլոր դպրոցներում: Բացի դրանից, դրանով Լուսաւորչի տղայոց դպրոցը կդառնար Փրկչի դպրոցի և Սահականուշեան օրիորդաց դպրոցը Արղութեան օրիորդաց դպրոցի սկզբնական մասերը: Մեր հոգաբարձութիւնը, մայիսի 23-ի և յունիսի 7-ի նիստերում քննութեան առնելով այդ խնդիրները, գտաւ դա իր իրաւասութիւնից բարձր և խնդրի լուծումը իւրաքանչիւր եկեղեցու ծխական ժողովին իրաւասութեան ենթակայ: Այս խնդիրն այս դրութեան մէջ էլ մնացել է ցայսօր:

Մանկավարժական կազմը հետեւեալն է եղել:

1. Աւագ ուսուցիչ Տիգրան Ռաշմաճեան, աւարտել է Շեմարանի դպրոցական բաժինը, ուսել է Գերմանիայում (չաւարտած), աւանդում է շաբաթական 14 դաս Հայոց լեզու և բնագիտութիւն.
2. Աւետիսեան Ռուբէն, աւարտել է Ճեմարանի դպրոցական բաժինը. ունի ուսուցչական ցենզ. աւանդում է 23 դաս Ռուսաց լեզու, գծագրութիւն, հայրենագիտութիւն.
3. Այվազեան Պետրոս, աւարտ. Ներսիսեան դպրոց. աւանդում է 22 դաս Հայոց լեզու, հայրենագիտութիւն, թւաբանութիւն, գծագրութիւն.
4. Բաբայեան Պարոյր, Ս.-Պետերբուրգի Արքունական երաժշտական «Կապելլում». աւանդ. 14 դաս. երաժշտութիւն:
5. Թաբաղեան Սողաթէլ. աւարտ. ուսուցչ.

չական սիմփնարիա. աւանդ. 24 դաս Ռուսաց լեզու:

6. Մատնիշեան Ղևոնդ քահանայ. աւարտ. Երևանի թեմական դպրոց. աւանդ. կրօն 18 դաս.

7. Միրայէլեան Գէորգ, աւարտ. Ներսիսեան դպրոց, ունի ուսուցչական ցենդ. աւանդ. 24 դաս Հայոց լեզու, թւարանութիւն.

8. Յովհաննիսեան Գասպար. աւարտ. Ներսիսեան դպրոց. աւանդ. 18 դաս Հայոց լեզու թւարանութիւն.

9. Պարունակեան Կարապետ. աւարտ. Գ. Ճեմարան. աւանդ. 24 դաս Հայոց լեզու, Հայոց պատմութիւն, հայրենագիտութիւն, աշխարհագրութիւն:

Աւանդուում է ընդամենը շաբաթական 181 դաս եօթը բաժանմունքում:

Մանկավարժական այս կազմի գործունէութիւնն, ինչպէս այդ ցոյց է տալիս նրանց ժողովների արձանագրութեանց մատեանը, անցել է առանց դպրոցական խաղաղ կեանքն ալեկոծող միջնադէպերի: Տիրել է լիակատար համերաշխութիւն աւագ ուսուցչի և խմբի մէջ նաև այն պատճառով, որ նա իրեն հաշուել է մանկավարժական ժողովի ոչ միայն անդամ, այլ նաև նրա տրամադրութիւններով գործող: Իբր նոր գործ, մանկավարժական ժողովը կանգնած է եղել շատ դժարութիւնների առաջ ու խորհրդածութեանց նիւթ է դարձրել մանկավարժական մի շարք ժողովներում մանկավարժական խիստ կարևորութիւն ունեցող խնդիրներ. այսպէս 1 ժողովում (25 հոկտ.) զբաղւե-

լոր զպրոցում անցնելու ծրագրի խնդրով, յաջորդ յատկապէս II, V, VIII, XI, XXIV, XXXI-րդ ժողովներում խորհրդածութեան նիւթ է շինում՝ զբութեան ժամանակ օժանդակ գծերից չօգտւելու, լեզու սովորեցնելու հնչական մեթոտի, Ռուսաց լեզւի բնական մեթոտի, զրիչ բռնելու ձևի, ծնողական ժողովների կարևորութեան, յառաջադիմութեան համար թւանշաններ նշանակելու, դասարանը թողնել—չթողնելու և այլն խնդիրները: Փորձած մանկավարժ տեսչի ցուցումներով օգտւելով, ժողովն այդ բոլոր խնդիրներն էլ լուծել է ըստ արժանոյն:

Մանկավարժական ժողովն զբաղւել է նաև դասագրքերի, դաստիարակների ընտրութեամբ. դպրոցական հանդէսներ կազմակերպելով, III և IV բաժանմունքների աշակերտների ընթերցանութեան համար զբքերի ցուցակներ կազմելով (XXII-րդ ժող.), ինչպէս և դպրոցի զբաղարանի, դպրոցում մարմնամարզութիւն մտցնելու, աշակերտական թերութիւններն ուղղելու, զբօսանքների և յաջորդ ուսումնարանական տարւայ դասաբաժանութեան (XXXIII ժող. 29 մայիսի) խնդիրներով:

Մի բան մնաց մութ, թէ դպրոցի աւագ ուսուցիչ Տ. Ռաշմաճեանը ինչո՞ւ չէ գեկուցել մանկավարժական ժողովին, որ դպրոցի հոգաբարձութիւնն իրենից տարեկան հաշիւ է պահանջում և որ ինքը մեերժել է տալ, և ասել է, թէ դա մանկավարժական ժողովի գործն է:

Դպրոցական տարւայ ընթացքում մանկավարժական ժողովն ունեցել է ընդամենը 44 հերթական նիստ:

Ուսուցման գործը տարւել է ընդհանրապէս Ռաշմաճեանի և Տէր-Միրաքեանի կազմած դպրոցական ծրագրի նախագծով, բայց յանձնարարւել է մանկավարժական ժողովի կողմից իւրաքանչիւր դասատւի կազմել հետզհետէ իր անցածի ծրագիրը՝ ժողովին ներկայացնելու համար:

Դպրոցի նիւթականի պատկերն այս է. —

1905 թւի դեկտեմբերի 4-ի նիստում վերահազմած և ծխական ժողովով հաստատած նախահաշուով մուտք ենթադրւում է 11038 ռ. 50 կ. կը 11038 ռ. 50 կ դպրոցական ֆինանսական տարին փակել է սակայն այսպէս. մուտք 11652 ռ. 05 կ. և ելք 11297 ռ. 79 կոպ. ըստ երևոյթին աջող, նոյն իսկ 354 ռ. 26 կոպ. խնայողութեամբ: Սա ճիշտ չէ: Հոնաբարձութիւնը պիտի փակէր դպրոցական տարին 1906 թւի սեպտեմբերի 1-ին, որից յետոյ եղած ամենատեսակ մուտքերը պիտի գրւէին 1906—7 թւի հաշւեմատեանում: Իրա հակառակ դպրոցական ելքի մասը փակել է օգոստոս ամսին, իսկ մուտքը փակել է սեպտեմբերի 30-ին: Մինչդեռ մուտքի 98-րդ յօդւածից 194 ռ. և 96-րդ յօդւածի 100 ռ. պիտի մտնէր 1900 - 7 ուսումն տարւայ մատեանը, ընդամենն 294 ռ բացի դրանից նոյն տարում պիտի վճարւի գնահատական, պետական և համայնական տուրքեր 539 ռ 36 կոպ. որ վճարւած է մասամբ (249 ռ. 36 կ) 1910 թւին, որի պատճառով էլ դպրոցը տուժել է 178 ռ, 32 կոպ. այսինքն, փոխանակ 539 ռ. 36 կոպէկի, վճարել է 716 ռ 68 կոպէկ: Ասել է 1903—6 մատեանի

մէջ պէտք էր ցոյց տրւէր անուագն ծախք 11841 ռ. 15 կոպ. և մուտք 11358 ռ. 05 կոպ. որով դպրոցական տարին կը փակւէր 483 ռ. 10 կոպ. մի դեֆիցիտով և ոչ թէ 354 ռ. 26 կոպ. խնայողութեամբ: Այս բոլորից նաև պարզ է, որ այդ տարում հոգաբարձութիւնը դուրս է եկել նախահաշի տրամադրութիւնից, մի բան, որից պէտք էր խուսափել:

1906—07 Ուսումն. տարի.

Հոգաբարձական կազմը նախընթացն է. ունեցել է 34 նիստ: Անցեալ ուսումն. տարւայ վերջն արդէն որոշւում է պահել ուսուցչական խումբը, միայն ուս. լեզւի համար հրաւիրւում է Կարճիկեանը: Հոգաբարձութիւնն այս տարի բացի ընթացիկ գործերից, ինչպէս են դասաբաժանութիւնը, ուսուցչաց ոռճիկները կանոնաւոր վճարելու խնդիրը, հոգաբարձական հերթապահութիւն նշանակելը, դպրոցի եկամուտները կանոնաւոր գանձելն ու նոցա շատացնելն աշխատելը, անցեալ տարւայ և ընթացիկ տարւայ հաշիւները քննելը, վերջնիս նախահաշիւ կազմելը և այլն, ունեցել է նաև խառն ժողովներ: Անցեալ թէ այս տարւայ թէ աւ. ուսուցչի և թէ մանկավարժական ժողովի կողմից մի ձգտումն է նկատւում դպրոցի ամբողջ ղեկավարութիւնն իրենց ձեռքն առնել: Անցեալ տարի մերժում էր աւ. ուսուցիչը որևէ հաշիւ տալ դպրոցի ուսումնական մասի վերաբերմամբ, նոյն իսկ տարւայ անցած ծրագրի մասին, դա համարելով մանկավարժական

ժողովի գործ: Այս տարի, որովհետև հոգաբարձութիւնը գրաւոր կերպով չի պատասխանել մանկավարժ. ժողովի մի գրութեանը (խնդիրը վերաբերում է ուճիկները կանոնաւոր տալուն, մարմնամարզական գործիքներ շինելուն, ֆիզիքական կաբինետի և գրադարանի համար 250 ռ. տալուն), վերջինս ժողովի է հրաւիրում հոգաբարձութեանը (6 նոյեմբերի) և բացատրութիւն պահանջում: Ռաշմաճեան և ուսուցիչները գտնում են, որ մանկ. ժողովին գրաւոր չպատասխանելը հոգաբարձութեան կողմից բիրտօկրատիք վերաբերմունք է: Հոգաբարձութիւնը բատասխանում է, որ մանկավարժական ժողովի դրած հարցերի նկատմամբ, բացի վերջնից, որ դպրոցի նախահաշւի մէջ դեռ նոր պիտի մտնի, հոգաբարձական ժողովում իրենց որոշումը դպրոցի աւագ ուսուցչին ասել են, նա էլ պէտք է այդ մասին յայտնէր մանկավարժական ժողովին: Սրան Ռաշմաճեանը հրնարաւոր է գտնում պատասխանել, որ այնուամենայնիւ հոգաբարձութիւնը պէտք է գրաւոր պատասխանէր: Ժողովը ցրւում է, առանց որևէ եզրակացութեան: Նոյեմբերի 5-ի ժողովում որոշում է և 6-ի ժողովում հոգաբարձութիւնը յայտնում դպրոցի աւագ ուսուցչին, որ նրա բռնած ընթացքը դէպի հոգաբարձութիւնը շատ էլ գովելի չէ և թէ նա բաւարար չափով պիտի կշռէ իր բռնած դիրքը:

Սրանից յետոյ հոգաբարձութեան երկու անդամ մէլը միւսի ետևից հրաժարականի խընդիրներ են գնում. պէտք է այստեղ ասել, որ հոգաբարձութեան անդամ Յ, Տէր-Մարտիրո-

սեանն այս ամբողջ վէճի ընթացքում և յետոյ, իբր հոգաբարձու ամենից աւելի է գիտակցել իր իրաւունքներն ու իր պարտականութիւնները, ուստի և ստեղծւած այս պայմաններում չկարողանալով գործել, հրաժարւում է: Մինչ այս, տարին վերջանում է, ու որոշում տարեվերջի մի ակտ կատարել: Յունիսի 5-ին աւագ ուսուցիչը ներկայացնում է հոգաբարձութեանն իր տեղեկագիրն ու հրաժարականը, որն և ընդունւում է: Յունիսի 22-ի խառն ժողովը որոշում է բանալ III դասարան: 25-ի ժողովում (խառն) որոշում է աւագ ուսուցիչ, ուսաց լեզւի, ընդհանուր, հայոց և ուսաց պատմութեան, ընդհանուր աշխարհագրութեան, բնական գիտութեանց, և նկարչութեան համար ուսուցիչներ հրաւիրել: Օգոստոսի 14-ի խառն ժողովը դպրոցի աւագ ուսուցիչ է հրաւիրում Գ. Բալայեանցը:

Դպրոցի ել ու մուտքը հետևեալն է:—  
 Անցեալ տարւայ հաշւից տեսանք, որ դրպրոցն իրապէս փակւել է 483 ռ. 10 կոպ. դեֆիցիտով: Ընթացիկ տարին փակւել է 11248 ռ. 72 կ. մուտքով և 11163 ռ. 5 կ. նլքով այսինքն 85 ռ. 67 կոպ. յաւելեալով: Սակայն սա մի թիւրիմացութիւն է, տարին պիտի փակւէր մի աւելի մեծ բացով, բան անցեալ տարի: Ելքը պիտի լինէր 11163 ռ. 5 կ. աւելացրած 483 ռ. 10 կ. դեֆիցիտը, 887 ռ. 50 կոպ. 1906-ի և 293 ռ. 48 կոպ. 1907-ի տուրքերը որոնք վճարւած են 1911 թւին (որի պատճառով էլ դպրոցը վճարել է մեծ տուգանքներ), որ կանէ 12827 ռ. 18 կ. սրանից պարզ է, որ 1906-7-ի մատեանը



պիտի փակւէր (ելք 12827 ր. 18 կ — 11248 ր. 72 կ. մուտք) 1578 ր. 46 կ. բացով, մինչդեռ ցոյց է տրւած 85 ր. 67 կ խնայողութիւն:

Դպրոցի կրթական մարմնի կեանքն ինչպէս անցեալ, նոյնպէս և այս տարի անցել է խաղաղ եթէ չհաշւելու լինինք մանկավարժական ժողովի և հոգաբարձութեան մէջ տեղի ունեցած յիշածս դէպքը:

Մանկավարժական ժողովներ տեղի են ունեցել տարւայ մէջ 48 անգամ: Ընդունելութեանց և նրա շուրջը դառնող խորհրդածութիւնները սկսելով օգոստոսի 28-ին զբաղեցրել են ուսուցիչներին ութը նիստ: Ուսումն սկսել է սեպտեմբերի 11-ին. 4-րդ և 9-րդ ժողովում զբաղւել են ուսման ծրագրի խնդրով. Ե-րդ բաժանմունքի համար տրւում է ժողովին գործադրել կենտրոնական ժողովից ընդունւած դպրոցական ուսման ծրագիրը, իսկ վեցերորդ բաժանմունքի դասընթացն աշխատում են յարմարեցնել ներսիսեան դպրոցի ծրագրին, բայց ոչ բոլորովին: 10-րդ ժողովում որոշում են անցեալ տարւայ նման փորձնական դասեր տալ: Այնուհետև ժողովն զբաղւում է տարւայ ընթացքում զրադարանի և աշակերտներին գիրք կարդալու, կարդապահական, դասաւանդման եղանակների խնդրով, և այլն: Դպրոցն ունի 3 պատրաստական և երկու հիմնական դասարաններ, իսկ բաժանմունքների թիւը 8-ն է: Աշակերտների ընդհանուր թիւն է 268 փոխադրել են 252 և մնացել 16 աշակերտ: Ուսումնական տարին վերջանում է յունիսի 1-ի հաշւետուութեամբ:

Այս տարում հեռացել է Ս. Թաբաղեան, նրա տեղ հրաւիրւել է Հ. Կարճիկեան Ռուսաց լեզւի համար 27 դասով. մնացեալում խումբը մնում է անփոփոխ:

1907—08 Ուսումն. տարի.

Հոգաբարձական կազմից հեռացել է Տէր-Մարտիրոսեան, տարւայ առաջին կիսում հրաժարւում է և Ա. Ամիրեանը. պաշտօնի է կոչւում Յ. ք. Խաչմանքեան, և Ա. Կիսիկեան: Հեռացել է աւ. ուս. Տ. Ռաշմաճեան, նրա տեղ հրաւիրւած է Գ. Բալայեան: Դեռ ամառւայ ժողովներում հոգաբարձութիւնը լրացնում է խումբը, հրաւիրելով Ե. Գրիգորեանին (ուսուցչական սեմինարիա աւարտած) ուս. լեզւի համար Վ. Տէր-Յովակիմեանին և Ե. Նարինջեանին միւս առարկաների համար ուսուցիչ:

Հոգաբարձութիւնը մի շարք ժողովներում որոնցից մի երկուսը խառն ուսուցչական հոգաբարձական, տարւայ սկզբից զբաղւում է աւագ ուսուցչի անպատրաստութեան և անհամապատասխանութեան խնդրով: Սեպտեմբերի 30-ի VII-րդ ժողովում, հոգաբարձութիւնն ի նկատ առնելով աւագ ուսուցչի պատճառով դպրոցում առաջ եկած անբնական վիճակը, որոշում է արձակել աւագ ուսուցիչ Գ. Բալայեանին: Նոյն պաշտօնը կատարելու համար ընտրւում է դպրոցի ուսուցիչ Ե. Գրիգորեանը: Սեպտեմբերին հրաժարւում են դասատուներից Դ. ք. Մատնիշեան, Գ. Յովհաննիսեան, (դպրոցում պատահած մի դէպքի

պատճառով): Բաց դասերը պարապելու համար հոկտեմբերին հրաւիրուեալ են Ս. Կարապետեան, Ա. Տէր-Սարգսեան, Վ. Սիմէօնեան:

Հոգաբարձութիւնը ձգտելով դպրոցի եկամուտներն աւելացնել շինում և կապալով է տալիս Ալէքսանդրեան փողոցի վրա մի կրպակ Ա. Շահնազարեանին տասը տարի ժամանակով և տարեկան 600 ռ. վարձով:

Դպրոցն իր ֆինանսական տարին վերջացնում է այսպէս, մուտք 11,40 ռ. 39 կ. նը 12528 ռ. 46 կ. դպրոցը տարին վերջացնում է 986 ռ. 7 կոպ. բացով, մինչդեռ այդ բացը պիտի լինէր շատ աւելի մեծ, քանի որ միայն 1906 - 7 տարեկանից 1578 ռ. 46 կ. դեֆիցիտ կար, որի վրա պէտք էր աւելացնել նաև 1908 թվի տուրքերը, որ վճարւած է 1910 և 1911 թվերին, որն արդիւնք է բիւրճէից դուրս գալուն: Բոլոր ուսուցիչներին և դպրոցի ծառայողներին վճարում է 657 ռ. 59 կ. ամսական:

Դպրոցի կրթական գործն այս տարի նամանաւանդ սկզբին անցնում է ոչ սահուն ընթացքով. հազիւ տարին սկսում է, ուսուցչաց և աւագ ուսուցչի մէջ ընդհարումն է պատահում, որի լուծումն արդէն յայտնի է:

Ուսուցչական ընտանիքը մի քիչ խաղաղուեալ է Բալայեանի հեռանալուց յետոյ: Ուսուցչ. ժողովն, զբաղւում է մանկավարժական դաստիարակչական և կարգապահական խնդիրներով: Նման նախընթաց տարիներին, այս տարի էլ մանկավարժական ժողովը կազմակերպել է դպրոցական հանդէսներ:

Դպրոցն ունի ութը բաժանմունք, որոնցից

3-ը հիմնական դասարաններ են: Աշակերտների ընդհանուր թիւն է 274. փոխադրել են 169, մնացել դասարաններում 80, դուրս եկած 25 աշակերտ: Ուսումն. տարին վերջանում է մայիսի 3:-ին: Այս տարեկան մասին հոգաբարձութեանը տեղեկագիր չի ներկայացնում:

1908 - 09 Ուսումն. տարի.

Հոգաբարձական կազմն է՝ Մ. Խզմալեան, Ա. Բիշարեան, Գ. Մսերեան, Մ. Մկրտչեան և երեսփոխան Մ. Բուխկեան: Տարեկան մէջ տեղի է ունեցել 23 հոգաբարձական ժողով: Անցեալ ուսումն. տարին վերջանալուց յետոյ արդէն հոգաբարձութիւնը ջանք է գործ դնում ուսուցչական խումբը կազմել և մի պատրաստութիւն ունեցող աւագ ուսուցիչ հրաւիրել: Խումբը կազմւում և դասերը բաժանւում են (15 սեպտեմբերին) այսպէս, աւագ ուսուցիչ Հ. Յովհաննիսեան (ուսանող Լայպցիկի համալսարանի 14 դաս, Գ. Միքայէլեան 24 դաս, Յ. ք. Խաչվանքեան 14 դաս, Ե. Գրիգորեան 24 դաս, Խ. Սահակեան 21 դաս, Պ. Բաբայեան 15 դաս, Բ. Աւետիսեան 20 դաս, Պ. Այվազեան 22 դաս, Ա. Արշակունի 14 դաս:

Դպրոցի վրա բարդուող պարտքերն ի նկատ առած, հոգաբարձութիւնն աշխատում է զրպրոցի տնտեսական վիճակը բարելաւել ծախսերի կրճատումով: Նա միջոցներ է ձեռք առնում, որ տուրքերի ուշ վճարելու պատճառով դպրոցի վրա բարդուող տուգանքները չառնելի: Բայց դպրոցի ֆինանսները չեն բարելաւում. յետա-

գայում ինչպէս կտեսնինք, հոգաբարձութիւնը տնտեսական այս նեղ վիճակից ազատոււմ է 4000 ռ. փոխառութեամբ:

Հոգաբարձութեան և ուսուցչական կազմի յարաբերութիւնները մտնում են բնական ընթացքի մէջ: Չանքեր են լինում եօթներորդ բաժանմունք բանալու, սակայն չի աջողոււմ, զլիաւորապէս նիւթականի պատճառով:

Հոգաբարձութեան հաշւեմատեանով այս տարի մուտքն է 12432 ռ. 55 կ. և 12302 ռ. 1 կոպ. սոճեռն զրամ 126 ռ: 54 կ. մինչդեռ առ 1 սեպտեմբերի մուտքը պիտի լինէր 11430 ռ. 20 կոպ. քանի որ հոգաբարձութիւնը յետագայ 1909—10 ուսումն. տարւայ մուտքերից 1002 ռ. 35 կ. գրել է 1908—9 մատեանի մէջ մուտք. բացի զրանից չէ վճարւած նաև նոյն տարւայ 887 ռ. 50 կոպ. տուրքեր:

Ուսումնական տարւայ վերջին փոխուում է հոգաբարձական կազմը, յուլիսի 17-ից պաշտօնի են մտնում նորընտիր հոգաբարձուներ Մ. Խզմալեան (վերընտրւած), Հ. Իսահակեան, Յ. Էլբակեան, Յ. Տէր-Դաւթեան, և երեսփոխան Մ. Բուխկեան: Նոյն օրը որոշոււմ են հաշիւները յանձնել նոր գանձապահ Յ. Տէր-Դաւթեանին, հոգաբարձական հերթապահութիւն նշանակել և կազմել 1909—10 ուս, տարւայ նախահաշիւն ու ներկայացնել ամսի 26-ի ծխական ժողովին: Որոշելով նոր աւագ ուսուցիչ հրաւիրել, հոգաբարձութիւնն արձակոււմ է այս տարւայ ուսուցչական խումբը: Ապա որոշոււմ են յաջորդ 1909—10 ուս. տարոււմ բանալ չորրորդ դասարան: Չեռնարկոււմ են կարևոր նորոգու-

թիւնների յաջորդ դպրոցական տարւայ համար: Օգոստոսի 6-ի և 21-ի ժողովներով որոշոււմ են Թաղէոս Խզմալեանին աւագ ուսուցիչ հրաւիրել 1400 ռ, ոտճկով և 14 դասով, որն և իր համաձայնութիւնն է տալիս:

Մանկավարժական ժողովն իր արդէն յիշւած կազմով սկսում է հերթական պարապմունքներն 1908 թւի օգոստոսի 15-ից: Իսասբաժանման խնդրից յետոյ ձեռնարկոււմ է ժողովն աշակերտների ընդունելութեանը, դասագրքերի ընտրութեանը որոշոււմ է դասական պիտոյքները դպրոցից տալ, ի նկատ առնելով որ ցածի բաժանմունքներոււմ աշակերտները յաճախ տետրակ, գրիչ, մատիտ չեն բերոււմ, որի պատճառով և տուժում է ուսուցման գործը: Որոշելով այդ պիտոյքների համար իսպառ չքաւորներից ոչինչ չառնել, միւսներից առնել 60 կոպ. (I բաժ.) 70 կոպ. (II բաժ.) և 80 կոպ. (III բաժ.) իւրաքանչիւր աշակերտից: Կարևորութիւն տալով ընթերցանութեանը, որոշոււմ են շաբաթ օրերն անել դասարանական ընթերցանութիւն: Մանկավարժական ժողովն ի նկատ առնելով դպրոցական հանդէսների կրթիչ նշանակութիւնը, կազմակերպել է դպրոցական գրական-երաժշտական առաւօտներ (օր. թարգմանչաց տօնին, նոր տարուն և այլն). ապա զբաղւում է դասաւանդման եղանակների դպրոցի կարգապահութեան, դաստիարակչական և այլ խնդիրներով: Ժողովը մի քանի նիստերոււմ ըզբաղւում է ուսուցիչների կազմած առարկաների ուսման ծրագրի ընթերցումով, քննութեամբ և հաստատումով: Ըստ նախկին տարի-

ների ժողովը կազմակերպում է դպրոցում ծնողական ժողովներ, որից այս տարի տեղի է ունենում 8 անգամ: Թէև ապրիլի 29-ի ժողովում գ. դասարանում հրապարակական հարցաքննութիւն անելու խնդիրը, լուծւում է բացասական ձևով, սակայն հոգաբարձութեան զբաղման պահանջով նշանակւում է մայիսի 13-ից յունիսի 5-ը 11 առարկայից հրապարակական քննութիւններ:

Յունիսի 5-ին դպրոցական տարին վերջանում է մի հանդէսով:

Դպրոցի առաջադիմութիւնն արտայայտել է այսպէս.— դպրոցի 7 բաժանմունքում եղել են 312, փոխադրւել են 160 մնացել 78, հեռացել 59 և աւարտել 15 աշակերտ:

1909—10 Ուսումն. տարի.

Մնում է հոգաբարձական նոյն կազմը: Դպրոցն ունեցել է մուտք 12236 ռ. 70 կ. նշ 11309 ռ. 56 կ. առձեռն զրամ 927 ռ. 14 կ. այս տարին միայն խնայողութիւն չպէտք է լինէր, այլ մի մեծ բաց: Ըստ նախահաշւի մնում է մուտք 11279 ռ, որից 9823 ռ. կալւածքներից և 1456 ռ. ուսման վարձ. ելք 11279 ռ. որ կայ եկեղեցու վրա 450 ռ. խմբի վրա 7490 մանր ծախք 1251, կալւածական տուրք 887 ռ. մինչդեռ նախահաշուով մուտք պիտի ցոյց տրւէր կալւածներից ոչ 9823 ռուբլի, այլ միայն 8766 ռ. 98 կոպէկ: Սրանից պարզ է, որ նոյն տարւայ (1909—10) մէջ մուտք պիտի ցոյց տրւէր ոչ թէ 11279 ռ. (ըստ նախահաշւի) այլ 10223 ռ.

98 կոպ. իսկ մենք գիտենք, որ ցոյց է տրւած 12236 ռ. 60 կոպ. այսինքն մ'օտ 2213 ռ. աւելի, քան թէ այդ տարում կարող էին ունենալ: Այդ գումարից 1890 ռ. վերցրած է հետեւալ տարւայ մուտքերից և այս տարւայ մատեանը մոցրած: Իսկ ինչ վերաբերում է ծախսին, նա դուրս է նախահաշւից: Բայց դպրոցի սովորական զեֆիցիտը զբանով չի սահմանափակւում դրա վրա աւելանում են տարւայ մէջ նոյն տարւայ համար չվճարած 887 ռ. տուրքերը և նախընթաց տարիների զեֆիցիտը:

Այդ կողմից, դպրոցի հրատարակած տեղեկագիրը չի համապատասխանում դպրոցի ոչ նախահաշւին և ոչ էլ հաշւեմատեանին:

Անկախ այդ աչքի ընկնող թերութիւնից, պէտք է ասել, ինչպէս նախընթաց, այնպէս էլ այս տարում հոգաբարձութիւնը դպրոցի վերաբերմամբ բարեխղճութեամբ և եռանդով է տանում իր պաշտօնը: Այս ուսումն. տարում նա ունեցել է 36 հերթական նիստ: Նիստերին հրաւիրւել է նաև դպրոցի աւագ ուսուցիչ Թ. Խըզմալեանը:

Հազիւ տարին սկսած, հոկտեմբերին հեռանում է բժշկւելու համար Թ. Խըզմալեան, հոգաբարձութիւնը նրա պաշտօնն յանձնում է ժամանակաւորապէս Յ. ք. Խաչվանքեանին, որ կատարում է 2 ամիս ձրիաբար: Թողնում է իր պաշտօնը ուսու լեզւի ուսուցիչ Սահակեան, նրա տեղ հրաւիրւում է Վ. Աբովեան-Շահխաթունեանը: Մարտի մէջ բանտարկւում են դպրոցի մի բանի ուսուցիչներ, հոգաբարձութիւնը խառն

ժողովով կարգադրում է այդ պատճառով բաց մնացած դասերը:

Տարւայ երկրորդ կիսին հոգաբարձու Յ. Տէր-Իսաթեանի մահւան պատճառով նրա տեղ հրաւիրւում է անձնափոխանորդ Գ. Մսերեանցը:

Իսկ ուսումնական տարւայ վերջին աւագ ուսուցչի հեռանալու պատճառով նոյն պաշտօնի համար հրաւիրւում է դպրոցի ուսուցիչ Յ. Բ. Խաչվանքեանը: Վերջինս ի նկատ առնելով դպրոցի նիւթական աննպաստ պայմանները, յարգելով այդ և հոգաբարձութեան խնդիրը, համաձայնում է քիչ վարձատրութեամբ իր դասերի հետ վարել նաև այդ պաշտօնը 840 ր. ուճկով:

Տարւայ սկիզբը հոգաբարձութիւնը ուզում էր, որ դպրոցի աւ. ուսուցիչը կազմէ ուսուցչական խումբը: Նրա ուշ գալու պատճառով, խումբը կազմւում է օգոստոսի 28-ին այսպէս. — Թ. Խղմարեան աւարտել է Ներսիսեան դպրոց. Փրնկի համալսարանից (չաւարտած) 14 դաս Փրանսերէն, ընդհանուր պատմութիւն, քաղաքացիական ուսմունք, հայոց լեզու, Գ. Միքայէլեան 26 դաս, Խ. Սահակեան ուսուչ. ինստիտուտ 26 դաս ուսու. լ. և պատմութիւն. Ռ. Աւետեան 18 դաս վերակացու և մանկարարժ. ժողովի քարտուղար, Պ. Այվադեան 24 դ. Ա. Իսահակեան 18 դաս. քաղաքային դպրոցից, ունի ուսուցչական ցենզ, Ա. Դարբինեան 21 դաս, գրադարանապետ. Յ. ք. Խաչվանքեան, Գ. Ճեմարան, 22 դաս կրօն, Հ. լեզու և պատմութիւն. Պ. Բարայեան 14 դաս: հոգաբարձութիւնը բացել է այս տարի դ. դասարան,

հակառակ նիւթական աննպաստ պարմանների:

Չորրորդ դասարանի բացումով դպրոցի բաժանմունքների թիւը լինում է 8-ը: Աշակերտների թիւը 312. փոխադրել են 193 մնացել 60, աւարտել են 17 որոնցից 11 գրողացիներ, վերաքննելի 14, մնացածները դուրս են գնացել դպրոցից: Փոխադրութեան համար հարցաքննութիւններ չեն եղել, այլ վերստուգութիւններ ուսուցչական խմբի և հոգաբարձութեան մասնակցութեամբ:

Մանկավարժական ժողովը ընդունելութիւնների խնդիրը վերջացնելուց յետոյ սկսում է իր աշխատանքը. նախ ընտրում է, նախապատուութիւն տալով առարկան դասաւանդող ուսուցչի կարծիքը, դասագրքեր: Չորրորդ դասարան բացւած լինելով, նա զբաղւում է ծրագրի խնդրով և աշխատում է այն յարմարեցնել Ներսիսեան դպրոցի ուսման նոյն դասարանի ծրագրին: Ուշք դարձնելով դասաւանդման եղանակների վրա, տարւայ սկզբում կազմակերպել է ժողովը մի քանի փորձնական դասեր, որից յետոյ տեղի է ունեցել փորձնական դասի քննութիւնը: Դաստիարակչական գործին զարկ տալու համար մանկավարժական ժողովը որոշում է ծնողական ժողովներ անել դպրոցում, տեղի ունեցած վեց ծնողական ժողովներին կարդացւում և խօսուում են ընտանիքի, նախադպրոցական կրթութեան, աշակերտների և ընտանիքի առողջապահութեան մասին և այլն: Ժողովի որոշմամբ տեղի են ունեցել, ինչպէս

միշտ, դպրոցական հանդէսներ:

ժողովներում արծարծել են դասաւանդման վերաբերեալ լուրջ խնդիրներ, որոնց մասին կարդացել են ըեֆերատներ: Այդպիսիներէց է նաև ուսուցիչ Գ. Միքայէլեանի կարդացած ըեֆերատը գրաւոր աշխատութիւնների մասին (XXII ժողով 17 փետրւարի):

1910—11 Ուսումն. տարի.

Գործում է հոգաբարձական նոյն կազմը: Դպրոցը դրամական տագնապի մէջ է, պարտքը բարձրացել է միայն պետական քաղաքային և համայնական հարկերն իր ժամանակին չտալու պատճառով տուգանքների հետ 3993 ռ. 83 կոպ. որ հոգաբարձութիւնը Ե. Բաղդասարեանից պարտք վերցրած 4000 ռ. է ծածկում: Նախընթաց տարիների դեֆիցիտի մի մասը ծածկել է այսպէս. 1909 թւի տրւում է տուրքերի պարտք 1076 ռ. 15 կ. 1910-ին 1043 ռ. 59 կ. որոնց մէջ այդ տուրքերն իր ժամանակին չըվճարելու համար տուգանք 471 ռ. 23 կոպ. բայց այնուամենայնիւ դպրոցի ֆինանսական տարին չի աջողում առանց զգալի բացի ծածկել: Միև կողմից հոգաբարձութիւնն աշխատում է հնարաւոր ծախսերը կրճատել ու միայն կրճատում է աւագ ուսուցչին վճարելի ոտճկի  $\frac{1}{3}$ -ը: Ինչպէս մենք գիտենք Յ. ք. Խաչվանքեանը սիրայօժար կերպով յանձն է առնում պակաս վարձատրութեամբ դպրոցի այդ պաշտօնը, որ այնուհետև անւանում է արդէն տեսչութիւն:

Յուլիսի և ապա սեպտեմբերի 5-ի խառը հոգաբարձական և ուսուցչական ժողովում անում են դասաբաժանութիւնը.— Տեսուչ Յ. ք. Խաչվանքեան 17 դաս. Գ. Միքայէլեան 25 դաս, Ռ. Աւետիսեան 24 դաս և մանկավարժական ժողովի քարտուղար, Պ. Այվասեան 22 դաս. Վիկտորիա Շահ-խաթունեան 24 դաս, Ա. Դարբինեան 24 դաս, Ա. Իսահակեան 24 դաս. Պ. Բաբայեան 14 դաս, Ա. Արշակունի 14 դաս. Ե. Գրիգորեան 24 դ. Կ. Աբովեան 4 դաս գերմաներէն: Տարւայ մէջ մեռնում է ուսուցիչ Ե. Գրիգորեան: Հոգաբարձութիւնն հետևեալ նիստերում գրաւում է ընթացիկ գործերով - բընում է անցեալ տարւայ հաշւեմատեանը և վաւերացնում, ի նկատ է առնում ուսուցչաց բացակայութիւնը և որոշում առանց յարգելի պատճառի և թոյլտութեան բացակայողներից ետ դնել ոտճկի համապատասխան մասը. դրպրոցի պարտքը վճարելու համար փոխարինաբար վերցնում է 1911-ի փետրւարին Ե. Բաղդասարեանից 4000 ռ. առանց  $\frac{1}{3}$ -ի:

Մինչ այս, վերջանում է դպրոցական տարին, հոգաբարձութիւնը լսում է տեսչի զեկուցումը և որոշում ոուս լեզւի և ոուս պատմութեան համար հրաւիրել ինստիտուտաւարտ, գիւղատնտեսական առարկաներ մտցնել դպրոցի մէջ և դրա համար հրաւիրել մասնագէտ գիւղատնտես, քանի որ Ս. Պետերբուրգի եկեղեցական խորհուրդը խոստանում է տարեկան 1500 ռ. նպաստ տալ այդ դասընթացներին: Ապա որոշած լինելով բարձրագոյն կրթութիւն ստացած տեսուչ հրաւիրել և ստանալով այդ

առթիւ ի միջի այլոց Արսէն Ղլաճեանի առաջարկութիւնը, որսչուում է հրաւիրել նրան գրողրոցի տեսուչ 12 դասով և 1400 թ. տարեկան ոտճկով:

Իւրոցի այս տարւայ մուտքն է 15738 թ. 84 կ. նլք 15452 թ. 42 կ. առճեուն 286 թ. 42 կող. Մինչդեռ մուտքը պէտք է լինէր առ 1 սեպտեմբերի 14694 թ. 84 կ. ելքի մէջ չէ ցոյց տուած 4000 թ. Բաղդասարեանից և քաղաքային բանկից 450 թ. մուրհակով վերցրած պարտքերը, վերջինս ելք է գրւած 1911—12 թ. հաշւեմատեանի մէջ: Ըստ այսմ 1910—11 ուս. տարւայ մուտքն է 14694 թ. 84 կ. նլք 19902 թ. 42 կ. առ 1 սեպտեմբերի պարտք 5207 թ. 58 կ. էլ չենք ասում, որ 1910—11 տարւայ մի շարք վճարելիքներ արւել են յաջորդ 1911—12 տարւայ մէջ: Ընթացիկ տարւայ մէջ ուսուցիչների և ծառայողների ամսական ոտճիկը հասնում է 652 թ. 32 կ. տարեկանը 6627 թ. 84 կ.

Մանկավարժական ժողովն արտայայտում է նոյնպիսի գործունէութիւն, ինչպէս և նախընթացը.— դասաբաժանութիւն, դասազրբերի ընտրութիւն, դաստիարակներ նշանակել, հոգացողութիւն աշակերտական ընթերցանութեան և դասարանական ընթերցանութիւն: Խումբը կազմակերպել է դպրոցական հանդէսներ: Հոկտեմբերին մանկավարժական ժողովն իբր փորձ փոխում է միանւագ կատարող դասօրակա ըզը, բաժանելով դասերը ճաշից առաջ և ճաշից յետոյ: Այս երկու շաբաթ միայն տևող երկնւագ դասօրակարգը սակայն իր բացասական կողմերով, օրինակ բացակայութիւնների

շատանալը և այլն, հարկադրում է ժողովին (13 նոյեմբերի) վերադառնալ միանւագ դասօրակարգին: Ապրիլի 30-ից սկսած ժողովն ըզբաղւում է դպրոցական ուսման ծրագրի քննադատութեամբ ու իւրաքանչիւր առարկայի մասին իր դիտողութիւնն անելով ուղարկում է թեմական խորհրդին:

Իւրոցը այս տարի ունի 8 բաժանմունք, 3 պատրաստական, գ-ը մի գուզնթացով և 4 հիմնական դասարան. աշակերտների թիւն է 270, աւարտել 8, մնացել 70, հեռացել 50.

1911—12 Ուսումն. տարի.

Այս տարւայ սկզբից գործում է հոգաբարձական հետևեալ կազմը—Համբարձում Տէր-Ղազարեան, Յակովբ Էլքակեան, Յովհաննէս Մատինեան, Համագասպ Իսահակեան, և երեսփոխան Միսակ Բուխկեան: Հեռացող Ա. Իարբինեան, Տ. Վ. Շահ-խաթունեան, Աբովեան ուսնւցիչների դասերը տրւում են ողւս լեզու և պատմութիւն 26 դաս Լ. Մանդինեանին, բնագիտական առարկաներ 15 դաս գիւղաանտես Կ. Չարխչեանին և գերմաներէն 4 դաս Ա. Ղլաճեանին: Հոգաբարձութիւնը խմբի մէջ այլ փոփոխութիւն չի անում: Վերակացութեան պաշտօնը, որ նախընթաց տարում ձրիաբար կատարում էին ուսուցիչները հերթապահութեամբ, այս տարի 150-ական բուբլի վարձատրութեամբ տրւել Ա. Արշակունուն և Ա. Իսահակեանին, իսկ վերջինս այդ պաշտօնից նոյեմբերի սկզբին հրաժարւելու պատճառով

յանձնելէ ուսուցիչներ Բ. Աւետիսեանին, Լ. Մանդինեանին և Պ. Այվազեանին՝ վարձատրութիւնն էլ նոցա մէջ բաժանելով:

Հոգաբարձութիւնը ձեռնարկելով ներկայ տարւայ նահանաշիւր կազմելուն, թողեց նախկին բոլոր տարիներում սովորական դարձած ձևը: Նա իր սախահաշի մէջ աշխատել է դուրս բերել դպրոցն իր նիւթական ամբողջ պատկերով, ցոյց տալով դպրոցի նաև պարտքերը: Միւս կողմից էլ հաստատ որոշած լինելը դուրս չգալ նախահաշի սահմաններից, իսկ այդ անհնար էր առանց նոր եկամուտների. ուստի և բարձրացրել է դպրոցի կրպակների քրէհները չափաւոր կերպով, որով եկամուտը դառնում է 10212 ր. Չգտելով դպրոցը բարձրացնել ըստ կրթականի, որոշեց զրա համապատասխան էլ բիւզձէ ունենալ, այսինքն բարձրացնել եկամուտները: Այս մտքով նա դիմումն արաւ Էջմիածնի Սինոդին հոգևոր վիճակային դպրոցի հին շինութեան դեռ չշինւած մասն յանձնել հոգաբարձութեանս այն պայմանով, որ այդ տեղի վրա կրպակներ շինւին և եկամուտները բաժանւին 3 մասի, երկուսը դպրոցին և մէկը Էջմիածնին: Բացի զրանից ի նկատ առնելով, որ աւարտողների ցուցակի համեմատ նոցա կէսից աւելին գիւղացիներ են, ի նկատ առնելով, որ սա գաւառիս միակ այս տիպի դպրոցն է, և ի նկատ առնելով, որ Երևանի թեմական դպրոցը մեր գաւառից ոչ ոք չի գնում, իսկ հայկական միջնակարգ կրթութիւն ստանալ ցանկացողը գնում է Թիֆլիս, որոշեց դիմել բարձրագոյն հոգևոր իշխանու-

թեան, վիճակի եկամուտների թեմական դպրոցին գնացող մասը և առհասարակ նրա մի մասը թողնել Ալէքսանդրապոլի վիճակային դպրոցին, և այդ նաև այն պատճառաբանութեամբ, որ Երևանի թեմական դպրոցը ծառայելով Երևանին և իր շրջակայքին, այսքան տարի է օգտել է մեր տեղական եկամուտներից, առանց որ որևէ օգուտ տար մեր գաւառին: Հոգաբարձութիւնն այսպիսի միջնորդութիւն յարուցանելով ամենևին միտք չէ ունեցել վնասել Երևանի թեմական դպրոցին, որ ապահով է ու կարօտ չէ գաւառական մի դպրոց գրկելով պահպանւելուն: Հոգաբարձութեան միտքն է վիճակի դպրոցին յատկացնել տալ վիճակին պատկանող եկամուտը:

Այնուհետև խորհրդածութեան նիւթ անելով դպրոցիս գիւղատնտեսական դասընթացները, ու ձգտելով մեր դպրոցում ոչ միայն թուլցիկ գիւղատնտեսական գիտելիքներ անցնել, այլ եռամեայ դասընթացով տեսականի հետ զործնականն էլ զուգընթաց անցնել, նա դիմեց տեղիս քաղաքային խորհրդին, տալ 20 դեսեատին քաղաքի անշրտի հողերից և 2 դեսեատին շրովի հողերից: Քաղաքը տւեց 20 դեսեատին անշրտի և առ այժմ 2 դեսեատին շրովի հող տարեկան որոշ կապալաւարձով: Հոգաբարձութիւնը դպրոցի մասնագէտ գիւղատնտեսի ձեռքով այդ տեղերի վրա ձեռնարկել է օրինակելի փորձ և ցուցադաշտ հիմնել ոչ միայն աշակերտների այլ և կողմնակի հետաքրքրուողների համար: Հոգաբարձութիւնն այս ծրագիրն իրագործելու համար, հողը ձեռք բերելու հետ



միասին, դիմեց Ս. Պետերբուրգի հայ եկեղեցի-  
ների խորհրդին և խնդրեց ի նկատ առնելով  
մեր գաւառի ծով կարիքները, աւելացնել մեր  
դպրոցին նշանակած 1500 ռուբլու վրա ևս  
2000 ռուբլի:

Հէնց տարւայ սկզբից, հոգաբարձութեան  
որոշման համաձայն հոգաբարձութեան անդա-  
մի իրաւունքով դպրոցի տեսուչը հրաւիրուել է  
հոգաբարձական նիստերին:

Տեսչի զեկուցման հիման վրա հոգաբար-  
ձութիւնը որոշում է 1912 թւի մայիսին տօնել  
մեր դպրոցի 70 ամեայ գոյութիւնը, որի համար  
կազմւում է մի խառն ժողով:

Դպրոցի 70 ամեակն ի նկատ առած դի-  
մումներ են եղել մեր քաղաքացիներից հարուստ-  
ներին, որնէ կերպ ապահովել մեր դպրոցն այն-  
պէս, որ հնարաւոր լինի եկող տարի բանալ  
հինգերորդ դասարան, որ անհրաժեշտ է դառել  
զիւղատնտեսութեան գաղնթագները մեր զըպ-  
րոցում ծրագրած ծաւալով անդնելու պատճա-  
ռով:

Ուսուցչական խումբն իր գործունէութիւնն  
արտայայտել է այսպէս. ունենալով տարւայ  
ընթացքում 25 նիստ, դասաբաժանութիւնից  
յետոյ զբաղւել է դպրոցի վերին դասարաննե-  
րի ուսման ծրագրով ու յանգել այն եզրակա-  
ցութեան, որ այն պէտք է անպատճառ յարմա-  
րեցնել Ներսիսեան դպրոցի համապատասխան  
դասարաններին, սկսած երկրորդ դասարանից:  
Այս տարի գործադրւեց այդ որոշումը միայն  
ընդհանուր պատմութեան վերաբերմամբ, թող-  
նելով միւս առարկաները եկող նւսումն. տար-

ւան: Դասագրքերի, դաստիարակների ընտրու-  
թեանց խնդիրներից բացի զբաղւել է մանկա-  
վարժական ժողովը դաստիարակչական-կարգա-  
պահական խնդիրներով, կազմակերպել է դպրո-  
ցական հանդէսներ և 2 փորձնական դաս, եռան-  
դուն մասնակցութիւն է ունեցել դպրոցիս 70  
ամեայ տօնը կազմակերպելու բոլոր ձեռնար-  
կութիւններին:

Դասաբանների թիւը նոյնն է. դպրոցում  
եղել են 285 աշակերտ, տարւայ մէջ դուրս են  
գնացել 32, տարւայ վերջը կայ 253 աշակերտ:

Դպրոցի եօթամասունամեայ տօնը.

Դպրոցի յօբելեանը կատարելու համար  
նախապէս ընտրւեց տօնի ծրագիրը կազմող մի  
յանձնաժողով: Այդ յանձնաժողովը մի շարք  
խորհրդակցութիւններից յետոյ, զեկամարելով  
հոգաբարձական և մանկավարժական ժողովնե-  
րի ցուցումներով, որոշեց հանդէսն անել զուս  
դպրոցական՝ գրական-երաժշտական բաժիննե-  
րով:

Գրական բաժնի մէջ մտնում են ոտանա-  
ւոր և արձակ զբաժքների արտասանութիւն-  
ներ՝ աշակերտների կողմից, իսկ երաժշտական  
բաժնի մէջ խմբական երգեր՝ դպրոցական նւա-  
գածունների ընկերակցութեամբ: Գրական բաժ-  
նի մէջ մտնում են նաև հաշւետւութիւններ  
հոգաբարձութեան և դպրոցի տեսչի կողմից,  
իսկ մանկավարժական ժողովի կողմից բացա-  
տրւելու է մեր դպրոցի կուրսուրական նշանա-  
կութիւնը մեր քաղաքի և գաւառի համար: Թէ

հոգաբարձութիւնը և թէ տեսուչն այնուհետև  
կանգ են առնելու մեր դպրոցի ապագայի վրա:

Հոգաբարձութիւնը հոգ տանելով մեր դպ-  
րոցի ապագայ բարձրացման մասին, հարկաւոր  
ղիմումներ է արել մեր համաքաղաքացիներին  
նիւթական օժանդակութիւն ցոյց տալու հա-  
մար: Եղել են լաւ խոստումներ ու հոգաբար-  
ձութիւնն սպասում է, թէ այդ խոստումները  
կիրաւորուին. Դպրոցի տօնի առթիւ եղել են և  
կամաւոր նւիրատուութիւններ, որոնց մասին  
իր ժամանակին կլինի հրապարակական հաշւե-  
տուութիւն:

Դպրոցի յօբելեանի մասին հրատարակեց  
մի կոչ—ղիմումն մեր համաքաղաքացիներին.  
ուղարկեցին առանձին գրութիւններ զանա-  
զան հայկական դպրոցական հիմնարկութիւննե-  
րին, թեմական առաջնորդներին, մեր վիճակում  
պաշտօնավարած վարդապետներին ու եպիսկո-  
պոսներին ինչպէս և պարբերական հրատարա-  
կութիւններին:

Մայիսի 13-ին տեղի ունեցաւ դպրոցիս ա-  
շակերանների և համաքաղաքացիների մի ժողով,  
որտեղ որոշեց աշխատել վիճակային դպրոցն  
ապահովող մի գրամագլուխ կազմել:

Տօնի նախընթաց օրերը պատրաստ լինելով  
դպրոցի սոյն համառօտ պատմութիւնը, հոգա-  
բարձութիւնը որոշեց այդ տարածել տօնի օրը  
հասարակութեան մէջ և վաճառման զուտ ար-  
դիւնքը միացնել դպրոցի ապահովման ֆօնդին:



« Ազգային գրադարան



NL0229964

51. 644